



5.5.5



XIII
RAIDEL.
1737

5. 5. 565

COMMENTATIO
CRITICO-LITERARIA
DE
CLAVDII
PTOLEMAEI
GEOGRAPHIA,
EIVSQUE CODICIBVS
TAM
MANV-SCRIPTIS
QVAM
TYPIS EXPRESSIS
CONSCRIPTA
A
GEORGIO MARTINO RAIDELIO
V. D. M.

A. R. S. clō Id cc. xxxvii

NORIMBERGAE

Typis et sumptibus Haeredum Felseckerianorum.



ILLVSTRISSIMO
ET EXCELLENTISSIMO DOMINO
DOMINO
CAROLO
DE
PERTVSATI
COMITI CASTELLI FERREI
ET REL.
SACRAE CAES. ET CATHOL.
MAIESTATIS REGENTI IN SV-
PREMO HISPANICARVM RERVM
PRO STATV MEDIOLANENSE
CONSILIO.

PERILLVSTRI ET GENERO-

SISSIMO DOMINO

DOMINO

HIERONYMO
GVILIELMO EBNER

AB ESCHENBACH

DOMINO IN ARTELSHOFEN, GVTTENBVRG
GRVNREVTH ET REL.

SACRAE CAES. ET CATHOL. MAIE-
STAT. CONSILIARIO ACTVALI, CORONAE ET INSIGNIVM
IMPERIALIVM CVSTODI. PERILLVSTRIS AC S. R. I. LIBERAE REI-
PVBL. NORIMBERGENSIS TRIVMVIRO, ECCLESIA RV M ET SCHO-
LARVM EPHORO. VNIVERSITATIS ALTDORFINAE CVRATORI
PRIMARIO CANCELLARIAE AC CVRIAE TVTELARIS PRAE-
SIDI SPLENDIDISSIMO.

DOMINIS ET MAECENATIBVS MEIS
LONGE GRATIOSIS

SALVTEM ET FELICITATEM.



Libellum *VOBIS*-offero, *MAECENATES* PERQVAM GRATIOSI! mole exiguum; non, qui dignus iudicetur *VESTRIS* Personis, sed qui omne, quod in se habet, utilitatis, iucunditatisue, unice *VOBIS* reddat, meamque simul in *VOS* Pietatem testatam faciat. Quos enim huic libello, de principe Mathematicorum nonnulla tradenti, alios quaerere-

rem

rem Patronos , quam eos , qui principem locum in
republica tenent literaria , et nobilitatem cum lite-
rarum studiis iungunt : quique Philosophiae, Iuris, ac
Historiarum non solum instructi cognitione exquisi-
tissima, sed et Scriptores maximam partem orientis,
ac occidentis, sua lingua loquentes, intelligunt. Imo,
raro in Viris, tanto natalium splendore conspicuis,
exemplo, **TV, ILLVSTRISSE DOMINE**
COMES, Ebraicae linguae peritia, quam maxi-
me abundas. Quod si penitius **VESTRAS VIR-**
TVTETES, merita in rem publicam, dignitates ac
praerogatiuas, intueor, tam multa, tamque praecla-
ra in **VOS** laudum genera conuenire uideo, ut sit
difficile iudicium, **VOS VETROSQVE, MAE-**
CENATES GRATIOSI, in eo honorum gra-
du collocatos uideo, qui bene ac praeclare me-
rendi uberrimam praebet occasionem. **AVGV-**
STISIMVS ROMANORVM IMPERATOR,
CAROLVS VI. ORBIS CHRISTIANI PA-
CATOR, utrumque **VESTRVM** dignum iudica-
uit, quem aut summis praeficeret Munus, aut magnis
honorum titulis ornaret. Nihilominus amo-
re,

re, et inusitata plane Humanitate, eos, qui in literis
uersantur, ac in opinione florent, hucusque estis com-
plexi; et consiliis, benignitate, communicisque ra-
rioribus Codicibus, Diplomatribus, Sigillis, Numis-
matibus, Gemmis, ac Toreomatibus, benignissime
adiuuiistis. *Testes inter alios prouoco, Comites,*
Duellios, Contios, Mezzabarbas, auctores-
que memorabilium Viennensium; qui in TE,
ILLVSTRISIME COMES, *laudi-*
bus ornando, certarunt. Et quis nescit, prae-
ter nostrates, Eccardos, Ludewigios, Meie-
ros, Moseros, Treueros, et alios, multis
documentis declarasse, quanti TE, PERILLV-
STRIS EBNERE, *faciant, quantamque in TE*
pietatem habuerint. Quare nullum est dubium, fo-
re, ut duratione certaturis eorum ingenii monu-
mentis cum spatio aeternitatis, nulla aetas de VE-
STRIS *sileat uirtutibus, aut contiescat. Quod si*
praeterea Nobilitatem ueterrimam gentium VE-
STRARVM, *fumosis imaginibus clararum; aut*
arma gentilitia, fortitudinem Maiorum declaran-
tia, aut denique donationes, uariis Monasteriis ac
Tem-

Templis ab iis traditas, considero; nil nisi eximia in iis deprehendisse mihi uideor. Historiarum monumenta euoluenti facile patebit, inde a Seculo XII. PERTVSATORVM EBNERORVMque inclutum nomen inclaruisse; indeque ab eo tempore, pene haud interrupta serie, multos ad rem publicam administrandam fuisse adhibitos: ILLOS quidem in ciuitate Mediolanensi, HOS uero in urbe Norimbergensi. Etsi uero in memorando urbis Mediolanensis excidio, An. MC LXII. facto, et a BVRCHARDO quodam Notario, in Epistola ad NICOLAVM Abbatem Sigebergensem, aliisque descripto, plurimi ciues, opibus et auctoritate prae aliis ualentes, interque eos DOMINI PERTVSATI, qui iam tunc in ista ciuitate habitauerant, se Alexandriam receperint; hi tamen paulo post, pace rursus concessa, in ciuitatem redierunt, eamque instaurare nouis aedificiis, et amplificare, allaborarunt. Nec minus gens EBNERIA An. M CV. uastata, ob fidem HENRICO IV. IMPERATORI ROMANORVM, seruata, Norimberga, discessit; sed anno il-

illius Seculi quadragesimo in urbem rediit, eam-
 que, cum aliis antiquissimis familiis, instauran-
 dam, et nouis aedificiis ornandam, curauit. De-
 ficientibus autem sumtibus, ad aedificandum ne-
 cessariis, ciuibus eos suppeditauit; reſeruato sal-
 tem, in compensationem beneficii, censu, quotan-
 nis sibi soluendo. Etiam arma **VESTRA**
gentilitia, **MAECENATES OPTIMI**,
VEXILLVM medio aeuo consuetum ostenden-
 tia, per antiquam gentium **VESTRARVM**
 et Nobilitatis originem, indicare mihi uidentur;
 in primis, cum omni ornatu et multiplicatione
 figurarum destituantur. Seruat eadem insignia
 bodie Mediolanum, Alexandria, Augusta
 Vindelicorum et Norimberga, imo et Ioppe,
 in diuersis templis, aris, monumentis sepulcrali-
 bus, et tabulis, ex medio aeuo superstitibus: ut
 quiuis non possit non Antiquitatis fidem in eis
 agnoscere. **TVA** potissimum, **ILLVSTRIS-**
SIME COMES, insignia, fortitudinis maio-
 ribus probatae documentum exhibent, aut lapi-
 dis

)(

dis

dis ictu , aut teli iactu pertusum uexillum
ostendentia ; adeo , ut ex maioribus TVIS non-
nullos aduerso pectore cum hostibus pugnasse , et
non nisi re fortissime gesta , cum magno uitae pe-
riculo , ex bello rediisse , coniiciam. Studium
Maiorum VESTRORVM, MAECENA-
TES GRATIOSI , de locis et personis
Sacris bene merendi , lubens iam praetereo ;
alias multa mihi commemoranda essent , de Sa-
cellis aliisque domibus sacris, Munificentia et
Pietate PERTVSATORVM conditis ; item-
que de eo , quod Norimbergae in honorem D.
Virginis Clarae , a FRIDERICO et EBER-
HARDO EBNERIS fratribus , exstructum
fuit. Non tamen possum , quin breuibus attingam
amplissimas illas instructissimasque BIBLIO-
THECAS , quas magno studio magnisque sumti-
bus collegistis , et curiosis Historiarum ac rei
literariae scrutatoribus , publico hucusque usui
esse uoluistis. Tantum quoque desiderium , possi-
dendi non modo , sed euoluendi , imo deuo-
randi

randi optimae notae libros animum TVVM
cepit, ILLVSTRISIME COMES,
ut non Viennae solum eiusmodi librorum The-
saurum curares conquirendum, sed et Medio-
lani alium seruari iusseris; praeter Numophy-
ladium, quo numismata rariora, et antiquio-
ris et recentioris aevi, non dicam asseruata, sed
ab interitu vindicata, eruditorumque usui sa-
crata habentur: ut adeo iure meritoque eruditi,
delectum et numerum manuscriptorum Codi-
cum ac Numismatum, mirentur, et publice pri-
uatimque collaudent. Nec minus TV, PERIL-
LVSTRIS EBNERE, ex innato et haeredi-
tario in literarum studia amore, BIBLIOTHECAM
TVAM rariorum librorum in primis manu scri-
ptorum et diplomatum, haud exigua copia am-
plificasti: inter quos eminet Codex Graecus Noui
Foederis membranaceus, magnis sumtibus olim
exaratus, et hactenus in Europa nondum uisus;

) () (2

hunc

*hunc ut cum notis TVIS criticis et obseruatis
illius uariantibus lectionibus , pio et erudito orbi ,
uti constituisſi , communices , eſt quod omnes me-
cum optant. Quare , una cum optimo Fratre
TVO , PERILLVSTRI ac GENE-
ROSISSIMO DOMINO IOHAN-
NE CAROLO EBNERO , ab
Eſchenbach , rerum Prouincialium in Patria
Praefecto meritiffimo , qui inſtruſtiſſimum , Ico-
num aeri incifarum , et Numorum recen-
tioris aevi apparatus , magno ſtudio ſumtibus-
que collectum , poſſidet , teſtimonium perhibes ,
literarum ſtudia a Viris Nobilitate claris , non
modo non ſperni , ſed potius adiuuari. Hoc
ipſum quoque Opuſculum TVA , PERIL-
LVSTRIS EBNERE , ſingulari huma-
nitate non parum creuit ; utpote qui , negotia
Reipublicae cauſa Viennae tractans , perlu-
ſtrandis tamen Bibliothecis , quod a negotiis ſu-
pere-*

pererat publicis , tempus , impendisti , euolutis-
que libris rarioribus , quae scopo meo inseruie-
bant , perbenigne mecum communicasti : imo ,
quod maximum , **ILLVSTRISSIMVM**
COMITEM PERTVSATI , eius-
modi rariorum Librorum copia abundantem ;
mihi conciliasti. Quis igitur mihi uitio uertat ,
si **VOBIS** , **MAECENATES OPTIMI**
MAXIMIQUE , praesentem libellum , qua de-
cet animi submissione , offero : qui ex **VESTRIS**
Bibliothecis enatus , **VESTROS** Codices de-
scribit , aut leui saltem penicillo adumbrat.
Quod si aliqua saltem ex parte **VESTRAE** de
me expectationi me satisfecisse iudicetis , mul-
tum me profecisse putabo , eoque enitar , ut
VESTRAM Gratiam Patrociniumque et
in posterum demereri possim. **DEVS VOS**
seruet , **Statores reipublicae literariae** , et ,
omni rerum optandarum copia cumulatōs , quam
diu-

*diutissime florere iubeat: in Gentium VESTRA-
RVM Decus et Ornamentum, reique ciuilis et
literariae emolumentum. Valet, et fauore
VESTRO complecti ne dedignemini*

ILLVSTRISIME ET EX-
CELLENTISIME DO-
MINE COMES,

PERILLVSTRIS ET GENEROSIS-
SIME DOMINE,

VESTRORVM Nominum
Splendidissimorum

ALTORFII NORICORVM XIII. Cal.
Nouemb. A, Æ, V. cldo c cxxxvi.

Cultorem atque Clientem humilli-
mum obseruantissimumque

Georgium Martinum
Raidelium.



SYLLABVS

ARGVMENTORVM HVIVS OPVSCVLI

CAP. I. De CLAVDIO PTOLEMAEO eiusque *scriptis* exponit.

§. 1. et 2. *Generalia* de PTOLEMAEO traduntur.

§. 3. *Tempus* determinatur, quo ille floruit.

§. 4. *Iudicia* de PTOLEMAEI *scriptis* allegantur.

§. 5. 6. contra inique sentientes *defenditur*.

§. 7. *auctores primarii tabularum*, Geographiae PTOLEMAEI adiectarum, breuiter recensentur.

§. 8. *Via* ad seqq. Capp. *pertractationem panditur*.

CAP. II. De CODICIBVS MStIS GRAECIS GEOGRAPHIAE PTOLEMAEI.

§. 1. *Generalis* omnium Codicum MStorum, ex verbis DN. WASSE, *recensio* continetur.

2. Codex egregius VIENNENSIS, cum aliis duobus FETTICHII et PICI MIRANDVLANI, recensetur.

3. 4. De duobus Codicibus Bibliothecae D. Marci apud VENETOS, exponitur.

5. Codex CAROLI GRIMANII.

X X X

§. 6. Co-

§. 6. Codices *tres* FLORENTINI, et *unicus* BONO-
NIENSIS

7. *quinque* ROMANI

8. *unicus* COISLINIANVS

9. LVGDVNENSIS *unicus*, et *tres* impressi cum MSS.
collati

10. *decem* in ANGLIAE Bibliothecis extantes

11. *impressus* LIPSIENSIS Bibliothecae Senatoriae, cum MSS.
ROMANIS collatus, recensentur.

CAP. III. De CODICIBVS MSS. LATINIS.

§. 1. a IACOBO ANGELO, et EMANVELE CHRYSOLORA
Geographia PTOLEMAEI in *latinam* linguam fuit trans-
lata.

2. *quis fuerit* IACOBVS ANGELVS inquiritur.

3. *contra* accusatores *defenditur*.

4. Codex NORIMBERGENSIS, ubi simul *mentio* fit mem-
brae perantiquae, Norimbergae asseruatae

5. TREVIRENSIS, PATAVINVS, VENETVS,

6. *tres* in ANGLIAE Bibliothecis, et *duo* in LVGDVNENSI, delite-
scentes, describuntur.

CAP. IV. De Codice splendidissimo EBNERIANO.

§. 1. *Externa* Codicis describuntur.

2. *Insignia*, in primo illius folio conspicua

3. *Scriptura*, enarrantur.

4. *Dedicationis* verba initialia explicantur, et vindican-
tur.

5. *Ipsi* dedicatio et *textus* perlustratur.



§. 6. *Tabularum auctor* inuestigatur : qua occasione in hoc et

7. plura de NICOLAO DONIS traduntur.

8. 9. ipsae *Tabulae* recensentur , *ordoque* eorum indicatur.

CAP. V. De GRAECIS et GRAECO-LATINIS *Geographiae* PTOLEMAEI editionibus.

§. 1. Indicatur *ordo* scribendi.

2. cur tam *paucae* extent *editiones Graecae* disquiruntur.

3. FETTICHII humanitas insignis laudatur , editioque *Baileensis Graeca* de Anno M D XXXIII recensetur.

4. Editio *Parifensis* An. M D XLVI excusa.

5. 6. Editio *Graeco-Lat. Francofurtensis ac Amstelodamensis* An. M D CV.

7. Editio alia *Amstelodamensis* , *Lugdunensis* et *Francofurtana* An. M D C XVIII. enumerantur.

CAP. VI. De Editionibus *Geographiae* PTOLEMAEI *Latinis* , *Seculo* XV. excusis.

§. 1. *Studium* primorum typographorum , excudendi *boni* *libros* laudatur.

2. 3. Editio BONONIENSIS de An. M CCCC LXII. allegatur , sed in indicando anno errorem commissum esse docetur.

4. Editio VICENTINA de An. M CCCC LXXV.

§. 5. 6. Editio ROMANA An. M CCCC LXXVIII, excusa
describitur, et nonnulla, de primis Urbis Romae Ty-
pographis, differuntur.

7. Alia Editio de An. M CCCC LXXXII. allegatur, sed
in indicando loco impressionis errorem commissum
esse docetur.

8. Editio VLMENSIS An. M CCCC LXXXII. typis ex-
scripta, recensetur, et de Exemplari Viennae asser-
uato nonnulla insperguntur.

9. Alia Editio, VLMENSIS de An. M CCCC. LXXXVI.

10. ROMANA de An. M CCCC XC. describuntur.

CAP. VII. De PROLEX Geographiar editionibus Latinis Seculo XV. ex-
cusi.

§. 1. 2. 3. 4. De Editione ROMANA Anno M D VII. uel
M D VIII.

5. VENETA An. M D XI.

6. ARGENTORATENSIS An. M D XIII.

7. NORIMBERGENSI An. M D XIV.

8. ARGENTORATENSIBVS An. MDXX. M D XXII. et
ficticia NORIMBERGENSI An. M D XXIV.

9. NORIMBERGENSI An. M D XXV.

10. LVGDVNENSIBVS An. M D XXXV. et M D XLI.

11. COLONIENSIS An. M D XL.

12. 13. 14. BASILEENSIBVS An. M D XL. M D XLI.
M D XLII. M D XLV. M D LII.

15. INGOLSTADIENSIS M D LIII.

16. VENETA M D LXII.

17. COLONIENSIS M D LXXXIV.

5. 18. BASILEENSISVS MD LXXXII. MD LXXXIV.
VENETA MDXCVI. et COLONIENSIS MDXCVII.
19. ROMANA MDXC. fictitia.

CAP. VIII. De Editionibus Latinis Seculo XVII, excusis.

- §. 1. ordinem scribendi indicat.
2. quare Sec. XVII. pene neglectus fuerit hic liber disquiritur
3. binæ editiones, ex *Catalogo Lugdunensis Bibliothecae*,
allegantur: quarum una ARNHEMII MDCVII.
altera BONONIAE MDCVIII. excusa putatur.

CAP. IX. De aliis Geographiae Ptol. VERSIONIBVS.

- §. 1. *Italica*, PETRI ANDREAE MATTHIOLI MD XLVIII
MD LV. MD LXXXIV.
2. *HIER. RVSCELLI* MD LXI. et MD LXXIV. Vene-
tis excusa, et ex emendatione ROSACCII, VENETIIS
MDXCIX.
3. *LEONARDI CERNOTI* MDXCIX et MDCXXI.
impressa.
4. *GALLICA ANT. VERDIERII*, nondum typis exscripta.
Lusitanica, *Lisabonae* MDXXXVII. excusa.
5. *Germanica* et *Persica*, putatitiis.

CAP. X. De Commentationibus in Geogr. PTOLEMAE.

- §. 1. et 2. *Nicolai Donis*, *lo. Regiomontani*, *lo. Werneri*,
3. *lo. Stoeffleri*, *Iac. Ziegleri*,
4. *Serueti*, et aliorum Commentationes enumerantur.
§. 5. 6. *Francisci Berlinghieri* opus recensetur, et perquam egre-
gius Codex MSus EXC. COM. PERTVSATI
laudatur.

§. 7. De



7. De Paulo Decanali, Menfons Altingio, et Rudolpho a Salicibus
quaedam in medium proferuntur.

CAP. XI. De inferioribus variationibus Tabularum, ad Ptol, mentem deli-
neatarum.

- §. 1. De Historia Tabularum Geogr. generali.
2. De Agathodæmonis Tabulis.
3. De Nicolai Donis Tabulis præcipuæ variationes addu-
cuntur.

CAP. XII. De Editionibus Geographiæ Ptolemæi, quas

- §. 1. Petrus Apianus, et Bilib. Pirckheimerus.
2. Haacrus Vosfius, Eduardus Bernardus, Jacobus Gronovius præ-
miserunt.
3. 4. quedam in anteced. Capitibus omiffa fupplentur.



L.B.S.



L. B. S.



Geographiae CLAUDII PROLEMAEI Historiam traditurus, nonnullis laborem superuacuum ac inutilem suscipere uidebor, qui nil nisi studia, quibus a Iuuentute assueti, quibusque tractandis magnam uitae partem impenderunt, amant. Hi enim parui ut plurimum aestimantes rei literariae studium, iam de ambitu istius, iam uero de numero librorum, aut aliis rebus, conueruntur. At erunt hi forte, qui nesciunt, *nihil esse tam abjectum in uniuersa literatura, quin et culturam mereatur, et cultum afferat generi humano emolumentum.* (1) Nonne enim saepius isti optarunt, fata, editiones diuersas, auctores librorum, quos emere cupiunt, noscere, ne illis mancae aut deprauatae editiones obtudantur? Quos non alii edidere notas, quasi primi inventores, proposuerunt; quae iam a pluribus, etsi non eadem uerborum serie ac methodo, tamen mente, fuerunt pertractatae. Haec autem Historiae litterariae contemptum produunt, qui se per omnem uindicta aetatem. Nolo iam reperere rationes, quibus eruditi ad studium rei litterariae diligentius excolendum impelli debeant, ab aliis enumeratas; (2.) quae satis sunt multae, magnique momenti. Sufficiat iam dixisse, me illis impulsus, non solum partem uitae Academicae, addiscendae rei litterariae impendisse, sed et animum ad scri-

A

bendum

(1.) His uerbis EDUARDUS BERNARDUS finit Praefationem, praefixam Catalogo Librorum Manuscript. Angliae et Hiberniae Oxonii 1697. in fol. excuso.

(2.) M. GEO. HENR. ZINCKIUS Primitiis suis Halae 1719. in 8. editis, adiecit Schediasma, de re litteraria et Bibliothecaria, cuius Cap. 1. Sect. III. p. 19. — 30. agit, de utilitate Historiae litterariae. CAROLUS ARNDIUS Orat habuit, de utilitate scientiae litterariae in Theol. Catechist. et Philol. Rostochii 1711. in 4. impress.

Bendum hunc libellum applicuisse, suadente imo iubente Perillustri DN. EBNERO, cuius mandatis resistere multa ab eo in me collata beneficia non permittebant. Equidem iam aliquot abhinc annis (3.) libellum hunc typis mandare decreueram; cum uero tunc temporis iter litterarium, per aliquot Germaniae nostrae regiones, instituendi animus esset, etque occasione uariae perlustrandae Bibliothecae, ex quibus haud parum incrementi, uti in exigua mea litterarum studia, ita inprimis in hacce opellam, redundaturum esse sperabam, non prius eam prelo mandare uolebam, quam finitum iter esset.

Reducem me ex illo, a proposito nonnihil retardarunt uaria, in quae tum distractus eram, negotia, et munus sacrum, mihi paulo post demandatum. Cum autem nonnihil temporis a functione muneris mei superesse uiderem; quae in itinere notaueram, suo loco inserui, imo plane nouum libellum conscripsi: siquidem textus, nunc altera parte auctior, in duodecim capita distributus, comparet: Horum I.) agit de Claudio Ptolemaeo, et eius scriptis, inprimis de Geographia, II.) recenset Manuscriptos Codices Graecos, ac impressos, cum MS. collatos. III.) Codices MS. Latinos, IV.) insignem Codicem EBNERIANVM. V.) Exemplaria Graeca et Graeco-Latina impressa VI.) Editiones Latinas Seculo XV. excusas. VII.) Editiones Latinas Seculi XVI. VIII.) easdem Seculi XVII. editiones, IX.) enumerat Versiones Italicam, Gallicam, Germanicam, et Lusitanicam, X.) Commentatores in Ptolemaei Geographiam, interque eos *Berlinghierum*, cuius perquam egregium Codicem MS. possidet *Illustriß et Excellentiß. Comes PERTUSATTI*. XI.) tradit insignes Variationes Tabularum huius Libri. XII.) Editiones promissas breuiter recenset: Videbis in hac Diatribe multa, a diligentissimo et eruditissimo Fabricio, cuius manes pie ueneror, et aliis, minus recte dicta, aut praetermissa, modeste corrigi et suppleri; ut adeo, quantum fieri potuit, Tibi perfecta tradatur huius Libri Historia. Vtere igitur B. L. hacce oppella: et, si qua in ea occurrant memoritu digna, beneuolentiae Patronorum ac Praceptorum, qui, communicando libros rariores, opusculum hoc adjuuarunt, ea tribue; minus autem recte dicta pro humanitate Tua corrige, et emenda. Vale:

(3.) Vid. Cl. I. F. BEYSLAGII *Sylogem, uariorum Opusculorum* T. I. p. 222. et *Notae Literar. Germ. Lips. 1727. P. 728.*



CAPVT I.

DE CLAVDIO PTOLEMAEO, EIVSQUE
SCRIPTIS, INPRIMIS GEOGRAPHIA.

§ 1.

DE *Claudii Ptolemaei Geographia* quaedam mihi dicturo, ante omnia necesse esset, nonnulla de auctore ipso in medium proferre: ast cum praeter alios a) celeberrimus J. A. FABRICIUS, cuius obitum eruditus orbis luget, fusius de Ptolemaeo, cuiusque scriptis, in *Biblioth. Graecae* L. IV. Cap. XIV. pag. 411—466. egerit, ea saltem proponam, quae a Fabricio sunt praetermissa.

§. 2.

CLAUDIUS PTOLEMAEUS, Vir ingenio, industria, eruditione admirandus, Pelusio b) ortus esse creditur; quam urbem nonnulli Damiatam, alii uero Tenexen hodie dictam esse, coniiciunt. Hinc cognomen Pelusienfis ei a Patria, Alexandrini autem a loco habitationis tribuitur; utroque autem a tot aliis Ptolemaeis distinguitur. c) Amore Matheeseos capiebatur, cuius addiscendae causa se conferebat Alexandriam; forte etiam plures Aegypti et Graeciae urbes, frequenter hominum eruditorum

A 2

con-

(a) GESNERUS nempe in *Biblioth. Universali* p. 174—176. KOENIGIUM in *Bibl. Vet. et Nova* p. 667. RICCIOLUM in *Chronico*, praefixo eius *Almagesto* novo; ZEILERUM de *Historiis* p. 134. MAGNUM in *Praefat. praemissa* Commentariis in *Geographiam* Ptolemaei, BOISSARDUM T. III. p. 1. o. C. A. Z. in *Iconibus* p. 136. 137. DOPELMAYERUM in *Hist. de Mathemat. et Artificibus Norimbergens.* p. 12, 104. CHRIST, WOLFIIUM in *Hist. Scriptorum Mathematic.* p. 465.

b) Teste inprimis HALY, Commentatore eius in *L. II. de Iudiciis* BILLIALDUS, referente GASSENDI, in *Vita Petrescii* L. V. p. 332, edit. mendosiss. Quedlinburg. de An. 1706, in 2vo, putavit, "ptolemaeum natum fuisse in urbe Ptolemaide, quae Arabice *Pbelud* dicatur, indeque *Pelusiensem*, siue ut in nonnullis MSis legitur, *Pbeludensem*, vocari.

c) quorum Catalogum dederunt GESNERUS L. c. et FRISIUS in *Supplem.* J. A. FABRICIUS L. c. §. 15. p. 453 sq. Hic quoque Isidori et aliorum notavit errores, qui Ptolemaeum nostrum ex Aegypti regibus fuisse, arbitrantur. Erravit etiam THOMASINUS, in *Indice, Biblioth. Actorum Patavinac* subiuncto, eum vocari *Ptolemaeum Almagestum*,

concurſu celebres, adiit, et ex ore Virorum eruditorum pendit; Hinc in ſcriptis eius mentio ſaepe facta Marini Tyrii, Hipparchi, Theodori Samii, aliorumque, ex quorum libris uel doctrina profecit. Cum uero Ptolemaeus rerum Mathematicarum et Philoſophicarum ſibi comparaffet ſcientiam, Canopum d) tandem ſe contulit, inque eius urbis Pteris e) in illa aedium parte, quae Serapidi f) conſecrata erat, per 40. annos commoratus g) aetatis anno ſeptuageſimo et octaſto diem clauſit nouiſſimum. h.) Quid uoce Pteris Olympiodoro indicetur, haud ſatis cuius patet, niſi uocem origine Graecam eſſe ſciat. Apud Graecos vox πτερά, a ſingulari πτερόν, designabat, quicquid ſummum aut extremum eſt in re aliqua, item muros pinnatos, uel columnata aedis lapideae latera. i) Cum uero STRABO Lib. XVII. p. 800. teſtetur, in urbe Canopo fuiſſe templum Serapidi conſecratum, quae apud Graecos et Aegyptios in locis editioribus exſtruere, iisque porticus, columnis marmoreis circumcluſos, addere moris erat; inde facile colligi poteſt, per πτερά indigitari locum editiorem, templo Serapidis contiguum, in quo Ptolemaeus obſervationibus uacauit Aſtronomicis; quas etiam in columnis illic poſitis, teſte OLYMPIODORO l. c. deſcripſit. Vnde quoque tanta Ptolemaeus Serapidis amore capiebatur, ut omnia opera ſua literis mandata iſti dedicauerit numini; cuius dedicationis Exemplar fuit olim inter Mſta doctiſſimi Angli, EDUARDI BERNARDI: Conf. *Catal. Mſorum Angliae et Hiberniae* T. II. P. I. n. 7597.

§.3. Tem-

d) de urbe Canopo et oſtio Canopico uid, SALMASTIUM in *Exercitatt. Plinian.* p. 476. ſq.

e) teſte OLYMPIODORO, ſeculi V. ſcriptore, in *Phaedonem Platonis*, quem citat MEMAGIUS ad *Laert.* l. 109.

f) in urbe Canopo templum fuiſſe Serapidis, ait STRABO L. XVII. p. 801. Ptolemaeu uero in aede huic templo contigua habitaffe, BULIALDUS probauit, qui *Tractatui Ptolemaei, de iudicandi facultate*, Pariſ. 1663. et 1681. in 4. edito. Inſcriptionem, Canobi. in templo Serapidis, repertam, de iuentis eius Aſtronomicis, adiecit, deſumptam ex codice Mſto Florentino 300. annorum, qui ad Demetrium Cydonium olim pertinuit. Vt iam niſi dicam de fide THEODORI MELITONOTAE, cui Bulialdus multum quoque tribuit.

g) OLYMPIODORUS et Bulialdus. ll. cc.

h) LUC. GAURICUS, in *Præf. ad Almageſtum Ptolemaei* Baſil. 1551. excuſum, qui in Haly commentariis id hauſit.

i) SAARASIMUS l. c. p. 573. et 1218.



§. 3.

Tempus, quo floruit PTOLEMAEUS, non uno ab omnibus determinatur modo. Nonnulli k) putant, eum sub initium seculi secundi floruisse; complures uero l) et quidem firmioribus innixi rationibus, superuixisse eum huius Seculi medium arbitrantur: siquidem ipse temporibus non solum Hadriani, sed et Antonini adhuc in uiuis fuit. Imo saepius laudatus FABRICIUS l. c. p. 412. ex Ptolemaei Canone refert, Antonium 23. annos regnasse; ex quo sane patet, eum superstitem fuisse Antonino, et forte anno aerae Christianae 162. uel 163. in uiuis esse desuisse. Hinc Celeb. SCHURZLEISCHUS in *Diff. Academ.* p. 45. non sine causa contigisse putat, quod Ptolemaeus fortuna coniunxerit cum temporibus Antonini; cum huius amor in studia Philosophica ex scriptis nota sit, et ab omnibus depraedicetur.

§. 4.

Quamuis autem annus, quo obiit Ptolemaeus, adhuc sit incertus; hoc tamen certius est, eum uariis suis scriptis magnam sibi conciliaffe nominis celebritatem: Superuacuum iam foret, singula recensere, cum id copiose satis fecit memoratus Fabricius l. c. cui si quis addat *Gesnerum* in *Biblioth. Vniuersali*, *Pope Blount* in *Censura celebriorum auctorum* p. 156. edit. Genev. de An. 1694. et BULIALDUM in *Astronomia Philolaica*, sufficienter de meritis huius uiri in uniuersam Mathesin edocebitur. Singula enim scripta profundam ostendunt eruditionem; libro autem, qui Geographia inscribitur, de uniuerso orbe erudito optime meruit; de quo nunc plura in medium proferam:

§. 5.

Inscribitur is Graece *περί γεωγραφικῆς ὑψηλότητος*, quae uerba plurimi latine transtulerunt *Geographiam*, siue *Geographiam descriptionem*; Iacobus autem Angelus *Cosmographiam*. Apud Alexandriam, Aegypti ciuitatem, et Canopo uicinam, editus hic liber Lucae Gaurico m) uidetur;

A 3

cui

k) inter quos praeter ceteris memorandus L. GAURICUS, in *Praef. cit.* allereas, Ptolemaeum diem obiisse anno salutis 147. cum annum ageret aetatis octauum supra septuagesimum.

l) FABRICIUS l. c.

m) in *Praef. saepius cit.*

cui sententiae subscribit quoque BEGMANNUS in *Præcogn. Geograph.* p. 2.^o Laudatur ab his, culpatur ab illis. Eorum, qui auctoritatem Ptolemaei in Geographicis labefactare conati sunt, unum saltem allegabo, eumque recentissimum, *Cbrystopherum Cellarium*, in Praefatione notitiae orbis antiqui praemissa sic loquentem: *Diffusus Cl. Ptolemaeus, adeoque suspectus saepe. Mirari enim subit, unde aegyptius homo disiunctissimarum rerum tam certam, ut prodit, notitiam habuerit. Aequè enim in remotissimis, quo viæ dum homines adierant, copiosus est, nec dubius, ut in propinquis ac notissimis. Quamvis autem magna sint Cellarii in Geographiam antiquam, imò in uniuersam Historiam, merita; attamen eius uerbis per omnia assensum haud possum præbere. Primo enim is celebritatem portus Alexandrini, quæ tempore Ptolemaei fuit maxima n) non attendisse uidetur: Non enim solum Romanorum, sed et aliarum gentium naues eodem concurrunt, et non nisi frumento aut aliis mercibus onustae recesserunt. Cum iis uarii homines, qui remotissimas peragrarunt regiones, aduenerunt, ex quorum relatione Ptolemaeus, quæ ad notitiam Geographicam faciebant, percipere, et applicata Mathesi in uerum locorum situm inquirere potuit. Deinde et id attentionem meretur, quod Ptolemaeus adhibuerit relictas ab Hipparcho obseruationes elevationis Poli plurium Ciuitatum, ceu ipse testatur L. 1. c. 4. Quod si uero alij porro insistant, Ptolemaeum probabilem saltem locorum situm pro uero posuisse, ii revocabunt sibi in memoriam desideria hodiernorum Mathematicorum, qui, crebrisque quamuis obseruationibus, per tot seculorum decursum institutis, paucissimorum tamen locorum uerum situm indicari posse conqueruntur; adeoque non maiorem in Ptolemaeo requirent industriam, quam quæ ab homine, pro ratione illorum temporum, potuit adhiberi. o) Denique, et hoc notandum, Geographiam Ptolemaei a librariis, et aliis, qui eam ante inuentam Typographiam descripserunt, mirum in modum fuisse deprauatam; quod iam Desid. Frahmus, in Praef. ad Edit. Geographiae Graec. Basil. 1533. agnouit, dicens; *Primam et numerorum notas, sicut a Ptolemaeo tradi-**

n) uid. *Hutius*, uel quisquis auctor sit descriptionis belli Alexandrini.

o) uid. S. R. *Hauberi Epit. Hist. Tab. Geograph.* p. 55. not. et 116 not. L, qui in posteriori loco errasse innotuit, dicens uix duorum locorum obseruationes Ptolemaeo innotuisse: cum aliud colligitur ipse *Ptol. L. 1. c. 4. Geographiae*.



traditae sunt, incorruptas haberemus, praesertim Libro octavo, etc. Si igitur a Mathematicis Graecae, et Latinae Linguae probe gnaris, tantum operae impenderetur Ptolemaeo, quantum a Casaubano et aliis Philologis emendando Straboni; emendatior non solum compareret hodie Ptolemaeus, sed in addiscenda quoque Geographia antiqua cum Strabone haud parum iuaret huius rei studiosos. Qui enim corrigendo aut uertendo hucusque Ptolemaeo operam suam locarunt, uel non sufficientem Graecae linguae habuerunt cognitionem, uel plane rudes fuere in Mathesi, adeoque haud ex uoto eorum cessit labor.

§. 6.

Non tamen defuere, qui antiquo et recentiori aeuo Ptolemaei merita agnouerunt, et laudarunt. Sic STEPHANUS BYZANTINUS eum uocat *ἀνδρα ἀξιόπιστον*. MARCIANUS HERACLEOTA in initio Peripli *Ἐξιστάτωρ καὶ σοφίστατωρ*. STEPH. WARD, in Praef. ad Astronom. Geometricam, dicit, fuisse eum ingenio, industria, eruditione admirandum, qui Hipparchum fere ubique *κατὰ πείδα* sequutus sit. Magnum praeterea illud eruditi orbis ornamentum, ERASMUS L. XXVIII. Epist. 19. fatetur, Ptolemaeum omnium primum Geographicam disciplinam ad certiores rationem redexisse, commentum dimensionem Latitudinis uniuersi orbis, Longitudinis ab exortu ad occasum, adhibita collatione terrae habitabilis ad coelum; ut iam non facile quis toto, quemadmodum aiunt, coelo possit aberrare. Et RELANDUS in Palaeestina L. II. c. 10. p. 456. Edit. Batav. eum de omni Geographia praecclare promeruisse dicit. Necessae igitur est, ut fateamur, Ptolemaeum ob adhibitam industriam omnino esse laudandum; et, quamuis in quibusdam errauerit, (cum nihil ex omni parte sit perfectum,) non plura praestare potuisse, quam ratio illorum temporum permisit.

§. 7.

Labor hic a Ptolemaeo in conscribenda Geographia praestitus, quamvis multum per se habuerit perspicuitatis, maioris tamen euidetiae causa uidebatur necesse, in piano faciem totius orbis, eiusque partium sistere. Hinc AGATHODAEEMON quidam, in Bibliotheca Gesnero-Frisiana p. 16. et in nonnullis Exemplariis MSeis *Ἀγαθὸς Δαιμων* dictus, Mechanicus Alexandrinus, p) Tabulas Geographicas primus omnium

ex

p) Dubians uiri eruditi, num hic sit AGATHODAEEMON GRAMMATICUS, ad quem nonnullae

ex mente Ptolemaei delineauit ; quae delineationes a S. R. HAUBERO in *Epist. Hist. Tab. Geograph.* p. 17, not. l. p. 12. et alibi, pro primis Tabulis Geographicis, ex quibus reliquae omnes promanarint, merito habentur. Harum Tabularum Apographa pluribus Geographiae Ptolemaei Codicibus addita reperiuntur; imo, interdum separatim, etiam manu picta habentur. In *Catalogo enim manuscriptorum Angliae et Hiberniae* T. I. l. I, n. 1658. occurrit mentio imaginum Ptolemaei, quae, cum aliae tabulae isti Volumini sint adiectae, Tabulas Agathodaemonis nostri esse puto. Vti uero ipse Ptolemaei textus a uariis Librariis olim fuit deprauatus; ita forte in has Agathodaemonis tabulas, successu temporis, et ratione non habita graduum longitudinis ac latitudinis, uaria irreperunt menda, testante NESSELIO, loco paulo inferius citando, adeoque pristinam penitus amiserunt formam; praeterea quoque nominibus locorum Graecis erant insignita. Hinc Nicolaus Donis, conuerso prius in linguam latinam a Jacobo Angelo textu, ut lissimum in se suscepit opus, uertendo locorum in tabulis occurrentium nomina, et tabulas simul Agathodaemonis restaurando, ac corrigendo; de quo Nicolao, et eius instituto, infra dicendi locus erit.

§. 3.

Sic igitur omni aeuo hic Ptolemaei liber inter eruditos magni aestimabatur: id quod testantur tot codices MSti, medio aeuo exarati, qui in Bibliothecis diuersis hodiernum super sunt. Quoniam autem Lingua Graeca Saeculo XIII. et sequenti paucissimis fuit, in occidentalibus terris, cognita, hinc, renascentibus Saeculo XV. literis Graecis, statim sub initium illius Emanuel Chrysoloras, et Iacobus Angelus, de transferendo hoc libro in idioma Latinum cogitarunt; quorum ille morte forsitan praeuentus, opus hoc non ad finem perduxit, cum nihil illius hodie supersit, hic uero istud non solum inchoauit, sed et perfecit; quos

dein-

nullae ISIDORI PELUSIOTAE extant Epistolae uid. FARRICIUS l. c. p. 412. et KOENIG *Bibl. V.* et N. p. 16 qui Agathodaemonis alius, ex Borrichio, mentionem facit. R. P. MONTFAUCONIUS in *Paleogr. Graecae* l. I, c. VII. p. 94. putat, Agathodaemonem fuisse scribam Alexandrinum, qui Libros VIII Geographiae Ptol. descripsit. At uero in hoc errauit: siquidem Calligraphus, Codicem bi memoratum describens, saltem in subscriptione ista Auream Tabularum indicauit. De Agathodaemonis tabulis conf. I. A. FARRICIUM in *Bibl. Graec.* l. IV, c. XIV, §. 1. p. 412. et *Bibliogr. Antiquar.* C. V. §. 9.

Ἐπίγραφη

ΘΕΑΟΤΙ·ΘΕΟΤΑΝ·Α·ΤΡΩΝ


ΜΑΤΕ·ΚΑ·

ΟΝ·ΚΕΤΕ·ΠΑΡΑ·ΝΤΩ·

ΖΗΝΙ·ΡΟ·C·Ι·Η·C·

MORTAL
FATA M
RA·DE·DE·RE
DIEM.

SED IOV
INGENI
Q₃ RELINQVO
OS





deinde alii, transferendo in linguas Italicam, Lusitanicam, et forte Germanicam, ac alias, sunt secuti. Cum uero omnes uersiones ex textu Graeco sint desumptae, et quidem, ut plurimum in subsidium uocati Codices MSti.; ratio ordinis postulat, ut Codices Graecos manu exaratos ante omnia recenscam, quorum notitia ad me peruenit, subiungis denique latinis.

CAPVT II.

DE CODICIBVS MStis GRAECIS GEOGRAPHIAE PTOLEMAEI.

§. 1.

ANte uero, quam ad recensionem Codicum MStorum huius Libri procedam, necesse est, ut uerba adferam Cl. WASSE, Rectoris Scholae Aynhoensis, qui generalem quandam notitiam omnium Codicum MStorum huius libri dedisse uideatur. Sic autem ille in Epistola quadam, inserta Bibliothecae Litterariae, Londini 1722. in 4to excusae, parte II. p. 33. q) *I refer the Reader to Dr. Bernard, who has given large directions for the Publication of this Scarce author. See Fabric. III. 563 there are four MS. in the Royal Lib. Paris, three at Camb. nineteen in Vossius's, and the Lib. of England, ten in Ireland, many at Vienna. Particularly the oldest one yet known of the Geography; a collation of which is in the Hands of that eminent Mathematicien Dr. Halley, who is the fittest Person in the world, to undertake an Edition of Ptolemy. In Bibl. Laurent. is also a MS. of the Geog. Writ 1445. and one, of the 15th Cent. etc.* Quod si tantus Codicum MStorum Geographiae Ptolemai, in citatis a DN. WASSE Bibliothecis superesset numerus, certe mira esset res, si omnes fuissent deperditi. In Bibliotheca enim Vindobonensi praeter eum, quem modo describam, nullus hodie comparet; neque etiam in Vossianis Codicibus totidem habentur. Hinc de omnibus Ptolemaei Libris ea uerba esse intelligenda censeo, quorum numerum FABRICIUS l. c. satis magnum al'legat; quos uero omnes iam enumerare ratio instituti mei non permittit.

B

§. 2. De

q) Communicationem illius debeo Humanitati ac Beneuolentiae Exc. KRAUSE, P. P. Hist. in Acad. Wittebergenii, nuperrime pie demortui.

§. 2.

De sola Geographia mihi iam sermo est. Inter uero tot alios hodie superstites eius Codices, praestantissimus est, qui Vindobonae, in Bibliotheca, Augustissimi nostri Imperatoris Munificentia mirum in modum locupletata, asseruatur. Dignum cum censeo, quem uerbis NESSELI, quamuis paulo prolixioribus, describam. Sic autem ille in *Catalogo Bibliothecae* iam memoratae P. V. p. 3. *Primus Codex MSus Historicus Graecus est membranaceus, antiquus, perelegans, et optimae notae, in folio, ut uocant, superregali, constatae folijs 93. et quantum ex magnificientia scripturae et compacturae, aliisque uariis circumstantiis, conicere licet, ad magnum aliquem, et eruditionis Graecae amantem Principem, olim pertinuit. Continentur eo CLAUDII PTOLEMAEI Pelusiorae, Philosophi Alexandrini, qui Seculo post Christum natum secundo, sub Imperatoribus, Hadriano, Antonino Pio, et M. Antonino Philosopho, floruit, Geographiae Libri octo, cum antiquis tabulis Graecis, diuersitate colorum adeo insigniter ac mirifice distinctis, et illuminatis, ut splendidius ac sumtuosius istius Geographiae Exemplar manu scriptum, in nulla totius Europae Bibliotheca extaret, certo arbitrer. — — Dignissimum est Exemplar hoc MSum, ut omnes iam memoratae Geographiae haecenus impressae editiones, tam Graecae quam Latinae, diligenter et accurate cum eo constarentur; et quidem praecipue optima illa editio Graeco-Latina in folio, quae opera et studio Petri Bertii, Galliarum Regis Cosmographi celeberrimi, Lugduni Batavorum, typis Isaaci Elsevirii An. 1613. adornata est — — Refert quoque NESSELIUS loco eodem, Codicem laudatum Waradini olim fuisse asseruatum, et ex satis antiquo exemplari descriptum. Collocationem cum eo in D. HALLEY manibus olim fuisse, DN. WASSE loco superius adducto testatus est. Num Codex iste, quem THEOBALDUS FETTICHIIUS olim cum ERASMO communicauerat, et aliis, quo PHILESIUS in adornanda Versione latina, Argentorati 1513. excusa, quique olim ad IO. FRANC. PICUM, Mirandolae Comitem, pertinuit, hodie supersint, haud liquet: alias enim in praesenti uberius essent recensendi.*

§. 3.

Alterum proin ab Exemplari Viennensi locum attribuo Codici itidem membranaceo, qui in Bibliotheca D. Marci Venetiis extat. Non recorder, ab ullo rei Bibliothecariae scriptore, cum commemorari: quapropter descriptionem illius suppeditabo, quam *Nobiliss. DN. I. B.*

STARCK



STARCK, *Sereniff. Duci Saxo-Hildburghusano a Confiliis*, pro sua in me amicitia, et singulari fauore, mecum communicauit; utpote cui a Praeclariff. DN. MADERO, *Bibliothecae illius Praefecto*, beneuole concessum fuit, accuratius eum perlustrare. Scriptus est in membrana nitidissima, formae maioris, siue Regalis; charactere uulgari minuitiori, Seculo XIII. conuenienti: ita tamen, ut primae cuiusuis Capituli aut Libri literae, uariis ductibus inauratis, et coloribus eleganter sint pictae; librorum quidem crassioribus et splendidioribus, capitum uero subtilioribus. Frontem Codicis ornat effigies Ptolemaei, uestitu regio induti, imposita capiti Corona. Eam non solum accurate ex Autographo delineari, a uiro artis pictoriae perito, sed et eadem, qua Codex scriptus est forma, aeri incidi curauit, in adiuncta huic opusculo tabula. Error est pictoris, nonnullis quoque Viris recentioris ac medii aevi communis, qui eundem esse Ptolemaeum nostrum cum Ptolemaeo Aegypti Rege, aut saltem ex Ptolemaeorum stirpe prognatum, putabant. Sed cum Ptolemaei Aegyptii aliquot Seculis nostrum antecesserint, facile hic est, deprehendere Parachronismum, inscitiae medii aevi tribuendum. Coniectura enim cuiusdam Viri eruditi, quasi ob ingentia Ptolemaei in Mathesin et Geographiam merita, caput eius Corona ornatum sit, ingenium quidem prodit; nulla tamen adest ratio, cur ei accedam; potius opinio, medio aeuo consueta, quam et Grynaeus fouit, inscitiam illorum temporum indicat. Num Epigramma, iconi huic Graece et Latine adscriptum, ipsum auctorem habeat Ptolemaeum, alii iudicent; ego minime in eam sententiam ire possum. Adscribam tamen illud, et quidem Graece primum:

Ἐπίγραμμα ὅπερ εἶπε πτολεμαῖος ἑς αὐτόν.
 Οἶδ' ὅτι θνητὸς εἶπ' οὐκ, καὶ εἰς φθαρτός, ἀλλ' ὅταν ἄρ' οὐ
 μακρὸν πικρὰς ἀμφιμέμους ἔλκεας.
 Οὐκ εἴ' ἐπὶ τῶν γαίης ποσσὶν; ἀλλὰ παρ' αὐτῷ
 ζῆνι θεοτροφὸς κίμπλαμα ἀμβροσίας.

r) SIMON GRYNÆO in *Praef. ad Almagestum* Basil. 1533. et, ut VOSSIIUS, de *scient. Mathem.* p. 162. testatur, ante eum alii,



Haec Carmine latino ita redduntur ;
Epigramma Ptolemaei ad seipsum

*Mortalem vitam perituraque membra dedere
fata mihi, et summum praestituere diem,
Sed Iouis ambrosia uescor, terramque relinquo
Ingenio cursus dum noto sidereos.*

Varia circa modum scribendi hoc Epigrammā Graecum sunt notanda : 1.) quod textus uterque, tam Graecus quam Latinus majusculis exaratus sit litteris, sine ullo scribendi compendio 2.) quod in Epigraphē minusculis litteris scripta, adfint abbreviaturae 3.) quod Spiritus asper indicetur per τ, lenis per λ, apostrophus uero itidem per τ 4.) quod littera Υ per V sit expressa. Picturam in altero statim folio excipit Ptolemaei textus, paucissimas habens abbreviaturas : eumque tabulae Graecae numero XXVII. tot scil. quod Agathodaemon teste Fabricio, loc. cit. delineauit, elegantissime coloribus distinctae, inprimis pretiosissimo illo colore, qui pictoribus Ultramariis dicitur. His demum in ultima pagina σίχοι adduntur sequentes :

Στίχοι ἑρῳικοί εἰς τὴν πτολεμαίᾳ γεωγραφίαν.
Ἐν γραμμαῖς τὸν κόσμον ἀριθμηθέντα νόησον.
ἄρκτον τ' ὠκεανὸν δύσιν ἀντολὴν τε νότον τε.
Χεῖμα, βέρος, φυσικὰς τ' ἀτρεπτοὺς σκολιάς τε κελεύουσιν ;
ἀνδρίπας τ' ἀδρανῆς, γεμνῶν δύσμορα φύλα,
σαυσεμάτων χεῖρισιν εἰκείας. Ἡ δὲ καὶ αὐτῆς
αἰνομένη σκυβίης χαλεπὸν γένος ἀρχικόντων
ἰδὼν τέ σφῶν τέ ὃ γὰρ πέρας ἀντολῆς ἡγῆς.

In ultimae paginae parte auersa, communis omnibus, impressis quoque, addita subscriptio : Ἐκ τῶν κλαυδίᾳ πτολεμαίᾳ γεωγραφικῶν βιβλίων ὁκτῶ, τὴν οἰκονομικὴν πᾶσαν ἀγχιὰς δαίμων, ἀλεξάνδρῳ, ἐὺς μηχανικός ὑπετύπωνσα. Quamuis hic Codex destitutus sit indicio temporis, quo scriptus ; attamen, ex allatis a Reverendiss. Abbate Gottwicensi, GODEFRIDO, in Cōron. fol. L. l. c. VI. 5. 2. criteriis, Seculo XII aut XIII, eum esse descriptum puto : cum in saeculi XIV. Codicibus, dicente Godefrido, maior reperiatur miseria. Forte

Fortē ex hoc quoque Codice impressa possent emendari exempla, dummodo Vir, Graecae peritus Linguae, eum cum editis conferre velit, aut possit.

§. 4.

Praeter autem hunc egregium Codicem Membranaceum, in iam laudata *D. Marci Bibliotheca*, alius quoque extat chartaceus, paulo minoris formae, textum integrum Graecum cum XXII. tabulis complectens. Multae in eo occurrunt siglae, et scribendi compendia; adeo ut difficulter, et non nisi ab harum rerum perito, textus legi possit. Litterarum ductus satis tenuis, et minus legibiles, pallido et subflavo scripti atramento; qui, asserente modo laudato Abbate *Godfrido*, l. c. §. 3. p. 62. indicant, scriptum esse Codicem Seculo XIV. cum alii e contra, ob colorem atramenti, et alias causas, pro longe eum habeant antiquiore. Tabulae, quidem coloribus nonnullis distinctae, quae praeterea ornatu et elegantia a prioribus Codicis tabulis longe superantur, et calamo potius scriptae, quam a pictore delineatae videntur.

§. 5.

Aliud in eadem adhuc urbe, et quidem penes CAROLVM GRIMANVM, Patricium Venetum, fuisse olim exemplum, R. P. MONTFAUCONIVS, in *Diario Italico* p. 40. testatur. Sed, praeterquam quod mutilum istud fuerit, non adeo magnam quoque ostendebat antiquitatem; siquidem uix Seculi XV. aetatem attingebat. Quoniam uero haec Bibliotheca commune cum aliis habuit fatum, ut scilicet post obitum Illustris Possessoris, a Haeredibus uel neglecta, uel in alium plane locum transportata sit; hinc de codice isto, ubinam locorum hodie lateat, nihil rescire potui.

§. 6.

Ad reliquas Italiae urbes procedam, et qui in iis asseruentur codices breuiter recensebo. MONTFAUCONIVS *Florentiae* in *Bibliotheca Monasterii B. Mariae* uidit Exemplar Graecum Geographiae Ptolemaei, in Codice membranaceo Seculi XV. descriptum, uti refert in *Diario Italico* p. 368. Sed cum recentioris paulo sit aevi, parum fidei, in nominibus imprimis Regionum ac Urbium, meretur; nisi ex alio probae notae Codice sit descriptum. In eadem urbe Florentina, et quidem in *Bibliotheca*



Magni Ducis, Laurentiana dicta, asseruari Codicem Bombycinum, idem testatur MONTFAUCONIVS in *Palaeogr. Graec.* L. I. p. 79. qui et addit, a Deme-
trio quodam eum descriptum fuisse Anno 1445. Diuersum ab hoc est
Exemplar membranaceum, incertae aetatis, quod in modo dicta Biblio-
theca se uidisse testatur idem MONTFAUCONIVS l. c. p. 92. Hoc uti supra
c. 1. §. 7. not p. iam monui, ab Agathodaemone scriba Alexandrino esse
descriptum, falso putauit, quamuis p. 94. inter Calligraphos eum retu-
lerit. Incertae pariter aetatis est alius Codex, extans in *Bibliotheca Ca-
nonicorum Regularium S. Saluatoris Bononiae*, ab eodem MONTFAUCONIO, in
Diat. Ital. p. 409. commemoratus.

§. 7.

In Vaticana solum Bibliotheca plura latitare exempla auctoris nostri,
manu exarata, non sine omni ratione conicio. Excell. enim I. D. KOE-
LERS. *Historiarum Prof. Publ. in Academia Goettingensi*, quem Praeceptorem in stu-
dio Historico colo, in *Deliciis Numism.* Germanice editis P. III. p. 239. men-
tionem facit Exemplaris Graeci MSti, quod Cardinalis PETRVS BEMBVS
olim possedit; mortuo uero illo cum aliis libris, in Vaticanam peruenit
Bibliothecam. Idem forte Exemplar B. GOEZIVS. *Senator Lips.* cum edi-
tione Parisiensi contulit, ubi mentionem facit MSti Vaticani; qua de
re pluribus infra exponam. Bini quoque Codices Graeci, qui in Biblio-
theca Heidelbergensi olim extiterunt, teste *Catalogo Monumentis pietatis
ac literar. T. I. inserto* p. 94. n. 314. et 123. n. 388. cum innumeris aliis in
Vaticanam Bibliothecam sunt illati; quorum primum *Michael Apostolus*
exscripsit. Nec minus aliud olim Romae erat Exemplar MStum, manu
Germisbi Philosophi correctum et emendatum, quo DOMITIVS CALDERINVS in
adornanda Editione Romana Anni 1478. usus erat, ceu docet *Praefatio
illius editionis*. Vtrum uero hodie adhuc ibi supersit, aut ad alias perue-
nerit manus, certo non constat. In Bibl. Barberiniana quoque extitisse
Codicem MS. ex Collatione Goeziana concludo, utpote quem in mar-
gine saepius citat.

§. 8.

Relictis Italiae Bibliothecis ad Gallos progrediar: apud quos
plura haberi exemplaria conicio. Sed, quod dolendum! unius saltem
notitiam exhibere potui, cum reliqua in Monasteriis delitescant, aut a
possessoribus maxima cura asseruentur. Extitit is olim in *Bibliotheca
Cen-*



Coisliniana, et descriptus fuit a MONTFAUCONIO, in *Catalogo dictae Bibliothecae* p. 611. sequentibus verbis : *Codex Coislinianus CCC XXXVII. qui Cl. Prolemaei Geographiam continet, descriptusque fuit XIV. vel XV. Seculo, tam multa tamque gravia praefert lectionum discrimina, ut operae pretium duxerim, eius lectiones varias eruditus offerre. Vnius igitur ex nostris Graecis, periti, et accurati Viri, opera manique usus, qui etiam Xiphilini et Alexiados Commenae, quas supra edidimus, varietates collegerat, has etiam typis dandas censui. His sane conspectis nemo literariae rei studiosus non satebitur, nobilissimum Scriptorem medica manu egere. Omnia siquidem in edito susque deque versa sunt urbium et locorum nomina, passim labefactata, situs secus positi, numeri vitiosi; ita ut persaepe occurrant plus quam 30. vel 40. huiusmodi Sphalmata, una in pagina deprehensa. Neque tamen dixerim, vitium semper in edito, nunquam in MSto reperiri: in hoc quidem non raro, secus quam oportet, legitur, maxime vero in nominibus propriis; in ceteris autem fere semper error in edito iacet, etc. Haec MONTFAUCONIVS, qui et subiunxit huic descriptioni varias lectiones ipsas, cum editione Lugdunensi Graeco-Latina, de An. 1618. institutas; in quibus indicandis tanta fuit adhibita sollicitudo, ut et spirituum et accentuum discrepantiae compareant notatae. Quod si aliorum etiam Codicum haberemus collationes, pari modo institutas, fore spero, ut auctor hic suae integritati iterum a Viris doctis restitui posset.*

§ 9.

In Hispaniae et Lusitaniae Bibliothecis num extent huius libri exemplaria. manu exarata, iuxta cum ignarissimis scio. In his enim regnis paucissimarum Bibliothecarum Catalogos euulgare, haecenus permittebatur eruditus; et si qui forte editi sunt, ii aut ualde imperfecti et mancaprehenduntur, aut rarius in nostris terris comparent. Nam quae MORHOF. in *Polybist. Litt. L. I. C. VII. n. 18. p. m. 57.* de nimium invidis MStorum Possessoribus dixit, ad Hispanos quoque applicari posse puto. Forte autem ad exempla aliorum populorum Hispani se impotenter component: quos vident, humanitatem cum eruditione, felici connubio, iungere, et hinc laudem reportare; quorumque exempla Lusitani ex parte sunt imitati. Vberiore Bibliothecae Lugdunensis in Batavis notitiam habet orbis eruditus, euulgato iterata vice Catalogo illius, 1640. in forma quarti ordinis, et 1716. in fol. In hoc, p. 341. inter Libros MStos Legati Scaligeriani occurrit editio Graeca Paris 1546. excu-

excusa, in omni pagina a Scaligero multum notata. Praeterea quoque priuatas eruditorum Batauorum collectiones impressis quibusdam cum MStis collatis condecoratas fuisse, palam est. Sic NIC. HEINSIUS, teste *Catal.* eius *Bibliothecae* P. I. p. 299. habuit exemplum Geograph. a Ptol. Basil. 1533. editum, plurimis locis emendatum, et cum MS. a Viro docto collatum. PETRVS autem FRANCIVS, eandem possedit editioem, quae olim erat Guil. Xylandri, et aliam Graecam Paris. 1546. excusam, cum MSto collatam, et a Salmasio emendatam; referente *Catal.* 1705. *Amstelod. edito.* In quorum autem manus, diuenditis, post obitum possessorum, Bibliothecis, peruenerint isti libri, haud certo constat.

§. 10.

Anglia, felix illa Insula, mole, ut aliorum librorum optimae notae, sic et Apographorum nostri auctoris, laborat; uti ex *Catalogo MStorum Angliae et Hiberniae*, ab EDUARDO BERNARDO 1697. in fol. euulgato, patet. In huius enim libri rarioris Cl. I. P. I. n. 721. mentio fit Ptolemaei Geographiae, cum Scholiis Nicephori Gregorae, quae autem manca sit ex parte: sic alius Codex fuerat inter libros IO. SELDENI. c. n. 3375. a quo diuersus n. 3367. Geographiam Ptol cum adscriptis hinc illinc ad marginem Arabicis, continens. His duobus Codicibus usus erat IO. CRAVIVS, conferendo eas cum editione Bertiana; docente Fabricio Bib. Gr. L. IV. c. XIV. p. 414. n. 3785. in Hyperoo Bodleiano asseruata fuit descriptio Arabiae, ex Ptolemaeo desumpta; Graece et Latine, prelo parata, n. 6605. mentio facta Codicis Graeci inter libros HENR. SAVILI extantis, cum notis eiusdem. In Tom. II. P. I. istius Catalogi, occurrunt n. 2325. et 2395. bini Codices, qui inter Graecos Isaaci Vossii olim fuerunt, et alius n. 7417. qui inter libros fuit Eduardi Bernardi: ut taceam excerpta ex Ptol. Geograph. de Hibernia, desumpta ex Codice MS. Petri Bembi, quae T. II. P. II. n. 280. commemorantur, et alia, ex nescio quo Codice descripta n. 424. Optandum uero, ut de aetate, scriptura, et pretio cuiusvis codicis, paulo uberius collector diligentissimus disseruisset; quo in futura editione huius auctoris, conferendo optimos et antiquissimos, si possint adhiberi. Sed sufficit iam eos indicasse, et editori uiam monstrasse qua in emendando Ptolemaeo possit incedere. In reliquis Europae Regnis plures adhuc delitescere Codices MStos facile est colligere: sed cum nemo consignandis iis operam huc usque suam impenderit, acquiesco, et reliquorum inuestigationem aliis relinquo.

§. 11.

§. II.

Vnius tamen praestantissimi Codicis, impressi quidem 1540. Parisiis apud Wechelios, sed cum pluribus MStis collati, adeoque magni aestimandi, non possum, quin sub finem huius Capituli mentionem faciam. Ornatae le Bibliothecam Senatus Incluti Lipsi, magnis sumptibus laudabiliter auclam. Ipse vidi eum quondam, ast obiter saltem, inter alia rariora dictae Bibliothecae; postea uero a Consultissimo Dn. Io. IACOBO MASCOVIO, Senatore Lipsi, qui curam ornandae et augendae indies Bibliothecae agit, precibus impetraui, ut doctissimo M. Io. Andr. Mich. Nagelio, Solisbacensi, copiam eius perlustrandi faceret. Posuerat eum olim Consultissimus GOEZIVS, *Senatus Lipsiensis decus, et Bibliothecae Senatoriae filicissimus Restaurator*; hic forsan in itinere litterario, aut ipse cum Manuscriptis contulit, aut collationes ab aliis susceptas, describi curauit. Imo, si coniecturis aliquid dandum, magna est convenientia scripturae, in margine libri citati, cum manu Henrici Stephani. Inueniuntur in eo, praeter lectiones uariantes, notae, et emendationes, typis excusi huius exempli. Notae maximam partem petitae sunt ex Strabone, Stephano Byzantino, Eustathii Commentationibus ad Dionysii Periegesin, Arriano, Scylace, Plinio, Mela, aliisque ueteribus Scriptoribus. Manus, qua lectiones uariae, notae et correctiones sunt exaratae, est nitidissima, neque unquam maculis aut lituris deprauata. Signa, quibus indicatur, unde quaelibet lectio uarians sit desumpta, sunt, uel litterae: V. B. P. VV. uel compendia scribendi: MS. Var. MS. VatiC. MS. Pal. MS. Barb. V. alius Vat. minor. Vatt. Pall. Sic MS. Ceterum nullum adest indicium, ex quo tuto concludi posset, ubi instituta fuerit collatio, cum codicibus MStis: nisi quod sub initium libri IV. in margine addita sint haec uerba: *Coll. cum MS. Vatic. 177. et cum B.* Praeterea notandum est, lectiones uariantes in fine libri septimi, et in toto libro octauo, esse admodum raras; itemque codices MSS. Vaticanum et Barberinianum saepius suppeditare lectiones uarias, quam ceteros. In Libro primo Cod. Vatic. sed in Libro tertio Codex Barberinanus omnium maxime occasionem lectionum uarietati dederunt. Vtrum ex comparata hac editione Geographiae Ptolemaei cum MSS. speranda sint magna lacunarum supplementa, ii dispicient, quibus accuratius eam cum aliis conferre est permissum. Praeterea enim lectiones uariantes singulas solasque literas, syllabas, aut uo es concernunt; et uix quatuor sunt loca ex MSS. annotata atque expressi,

quae tres aut quatuor restituunt uersus. Dabo L. B. specimen ex hoc codice descriptum, quinque scil. priora Libri primi Capita, ex quo de toto opere iudicari potest.

Textus impressus.

Τίτι διαφέρει γεωγραφία χωρο-
γραφίας.

versu 7. ὡς.

ibid. αὐτῶ.

versu 9. αὐτῇ

12. ἐμπεριλαμβανομένων.

15. ὡς.

16. μόνων τῶν ἐν αἰαῖς
περιεπικνωτέρας.

17. διον κόλπων

18. μεγάλων, ἐθνῶν τε

22. ἀπογεγραμμένοις

23. τῶν πρώτων

ult. ἐν ᾧ πάν

Pag. 2.

14. et 15. καὶ εἰς τὴν χωρο-
γραφίαν

16. γεγραμμένων

18. οὐ δεῖ

20. καὶ τῆς

26. τὰ περὶ οἰκίσσεως λόγῳ

ult. δι᾿ αὐτῶν

Pag. 3.

1. et 2. ἀθρόως

Margo.

Eustath : Praef. ad Dionys. Ale-
xandrinum.

deleatur.

αὐτῶ. Sic MSS.

leg. αὐτῇ.

quae locus, siue regio, illa in se
complectitur.

ὅπως

generalioribus. Sic Hesychius
συνεκτικώτερα exponit κεφα-
λαιωδέστερα.

(κοιμῶν μεγάλων. Vat.)

(εἰς ὅρων. V.)

ὑπογεγραμμένοις B.

προγεγραμμένων. Vat.

ἐν ᾧ πάν.

Pag. 2.

Pictura Chorographo necessa-
ria.

γεγραμμένων Vat.

εἰς τὴν δεῖ

αὐτῆς

τῶ λόγῳ

δύναται φανεθῇ

Pag. 3.

ἀθρόως. V.

Cap.



Cap. II.

13. μετεωροσκοπίαν
 23. μερικωτέρας
 24. τοιαύτην
 28. βαβαίος
 ult. περιπίπτειν

Pag. 4.

5. ἰδυτενείας
 8. αμυιφθέντων
 11. ἀκριβῶς
 18. δια τῶ

Pag. 5.

12. τὸν πρὸς τὴν ὅλην

Cap. III.

24. ἐν
 27. τῶν μεσημβρινῶν

Pag. 6.

1. ἐκλαμβανομένων
 12. μετεωροσκοπικῇ

Cap. IV.

Pag. 7.

6. ποιῶσα
 7. καταγραφὴν

Cap. V.

Pag. 8.

6. ἐπειδὴ,
 ib. ὅπως
 11. τὴν
 ib. ἡμῶν
 ib. οἰκωμένην
 14. ὅτι δὲ καὶ (αὐτὰ.
 16. ὑστάτως

Cap. II.

- μετεωροσκοπικόν. V.
 — κακῶ — V.
 ἴκτον V.
 βαβαίαν. V.
 ἐμπίπτειν V.

Pag. 4.

- ἰδυτενείας V.
 emensorum
 ακριβῶς V.
 δια αὐτῶν. V.

Pag. 5.

- τὴν πρὸς τὴν ὅλην. V.

Cap. III.

- ἐφ' V.
 τῶ μεσημβρινῶ V.

Pag. 6.

- ἐκβαλλομένων. V.
 μετεωροσκοπία. V.

Cap. IV.

Pag. 7.

- ποιεῖται. V.
 ἐσισαγραφὴν. V.

Cap. V.

Pag. 8.

- de'catur. V.
 πασι V.
 τῆς. B.
 ἡμῶς. B.
 οἰκωμένης B.
 | διὰ τὴν ἐν αὐτοῖς μεταβολὴν. V.
 ἐγγυτέραις. V.

CAPVT III. DE COCICIBVS LATINIS MStis.

§. 1.

Recenſitis in Cap. praecedenti Graecis Codicibus, nunc enumerabo, qui uerſionem Geographiae Ptolemaei Latinam continent, hodiernum ſuperſtites. Iam enim in medio aeuo, cui magna uulgo et craſſa, ut elegantiorum literarum in uniuerſum, ita et inprimis Geographiae tribuitur ignorantia, a) Ptolemaeum magni fuiſſe aeſtimatum, tot teſtantur Apographa Graeca, ſuperius recenſita. Hinc non eſt mirum, cur Seculo XV. renaſcentibus literis, bini uiri eruditi, de uertendo illo in linguam latinam, cogitarunt; quo ſcil. liber in addiſcenda Geographia antiqua quam maxime neceſſarius, in plurium, linguam Graecam non callentium, perueniret manus. Primus illorum, EMANVEL CHRYSOLORAS b) Vir Graece doctiſſimus, opus quidem inchoauit, c) at uero morte praeventus, aut a iis negotiis impeditus, iſtud non abſoluiffe uidetur; quoniam inter reliqua Emanuelis *avēdora* iſtud non habetur. IACOBVS autem ANGELVS primus omnium hoc opus perfecit, cuius Archetypum Florentiae in h. bibliotheca Abbatiae ſuperfuit temporibus Poccianti, ceu teſtatur in Libro de ſcript. Florent. p. 83. Cum igitur tantopere de Ptolemaeo mereri ſtuduerit Iacobus Angelus, dignum eum cenſeo, in cuius uitam paulo penitus inquiram.

§. 2 Fx

a) contrarium euincere ſategit b Polyc. Lyſerus, Prof. Helmſtadienſis, in Praef. Hiſtoriae Poetarum et Poematum medii, aeui Halae 1711, in 8, excuſae, praemiſſa

b) De EMANVELE CHRYSOLORA, uid. praeter citatos a Cl. DN. KAPPIO in Diſſ. de *Nico Polentone* pag. 4. not. m. auctores, KOENIGIUS in *Bibl. F. et N.* 190. IOVIVS in *elogiis illuſtrium literis V. o. um* pag. 41. CRVSI Germano-*Graecia* L. V. pag. 214. HALLERVORDII *Bibl. Curioſa* p. 66. WAGNERVS in *Diſſ. de erudit. uel it. lus*, A. 40. MABILLONIVS, in *Itin. Ital.* T. I. L. I. pag. 181. SCHEITHORNII *Amicitia. Literar.* T. V. p. 193. MONFAUC. *Diar. Ital.* p. 40. S. R. CYPRIANI *Catal. Aſtorum Bibliothecae Ducalis Gothanae* p. 108. *Catalogus Aſtorum Angliae et Hiberniae* T. I. p. 1. Catal. *Biblioth. Lugduno-Batav.* p. 344. 345. 349. Vitam eius deſcripſit PONTICVS VIRIVS, quae praefixa *Erotematibus Graecae Linguae* a Chryſolora conſcriptis, *Ferrariae* 1509 editi. Iam anno 1403 Emanuelẽ Pariſios ab Imperatore Manuele fuiſſe miſſum, reſert MONT. AUC. *Palaeogr. Graec.* L. I. C. VI, p. 56, et C. VII, p. 103.

c) IACOBVS ANGELVS in Praef. ad uerſionem Latinam Geographiae Ptolemaei, a ſe perfectam, dicit: *Manuelẽ Conſtantinopolitanum, ſuauitimum Graecarum literarum in u. be Florentinae Praeceptorẽ in latinum eloquium tranſ-* incepiſſe.



§. 2.

Ex quam familia, siue gente is originem traxerit, non est mihi perspectum. Pauca enim sunt, quae de eius in Ptolemaeum meritis, et scientia Mathematica, tradit POCCIANIVS, in *Catalogo scriptorum Florentinorum*, p. 11. edit. Florent. de Anno 1589. in 4. qui et ipse fatetur, se ignorare patriam et nomen gentilitium Angeli, scribens: Angelus, cuius familia ignoratur, bonarum literarum promtuarium, et Geographiae assiduus Professor; teste virorum illustrium quodam Catalogo, Geographiam Ptolemaei vertit, etc. Idem meo iudicio est IACOBVS ANGELVS, quem POCCIANIVS l. c. p. 83. ANGELICVM vocat, et de eo narrat, quod a natura maximis dotibus decoratus, ac, naturali quodam instinctu, ad Corporum Coelestium indagandas proprietates progenitus, haec naturae nobilissima munera repetens, labore non immodico postea transmittendam curauerit Cosmographiam Tolomei; quam diligentissime e Graecis Codicibus, et Tabulis aeneis d) ex picturae dimensione expressam, Alexandro V. dedicauit; e) quo munere gentium omnium Historiae ingentem requisitae lucis splendorem videntur — — Latinus in eius laudem haec habet:

En tibi stat meriti e tabulis laus, Angele, summi,
cum mundo aequaleis fati habitura dies.

Hinc te perpetuum Comicem Teblonius habebit;
pes, oculusque alter, cuius et orbis eris.

Eadem fere habet P. IULIVS NEGRI, in *Istoria degli Scrittori Fiorentini Ferrara 1722. in fol. edit. p. 43. b. p. 319. b. 320. b. seq.* qui uti in locis citatis, ita et alibi POCCIANIVM partim exscripsit, partim suppleuit. Hic IACOBVM ANGELVM de SCARPARIA, et IACOBVM ANGELVM FLORENTINVM pro uno eodemque habet: siquidem locus, SCARPARIA dictus in agro Florentino situs. Vtrum uero haec ita sint, iis iudicandum relinquo, quibus Magnum Etruriae Ducatum, aut mente, aut corpore, accuratius perlustrare contingit. Gesnerus enim,

C 3

d) quis sit horum uerborum sensus, non satis clarum est. Eo enim tempore, quo Iacobus Angelus, suum laborem Alexandro inscripsit, nondum ars Chalcographica erat inuenta; neque etiam Iacobus, alias, quam pictas tabulas, Alexandro obtulit, quales Auographon eius habet.

e) forte causa dedicationis erat, desiderium Iacobi, ut a Pontifice Maximo inter Secretarios eius cooptaretur, ceu docet Epistola LEONARDI BAVNI: L. I. Ep. I. p. 1. 2. edit. recentiss. Hamburg. de An. 1724.



enim, cum Continuatoribus, huic sententiae contradicunt, et diuersos esse aiunt IACOBVM ANGELVM FLORENTINVM et IACOBVM ANGELVM DE SCARPARIA. Ipse autem R. P. NEGRI errauit, p. 319. ea scripta adtribuens IACOBO RINUCCIO, quae sequenti pag. 320. IACOBO ANGELO FLORENTINO adscribit. Locus quoque ex BLONDI FLAVI *Italiae Illustratae* L. I. ab ipso R. P. NEGRI, ad corroborandam suam, de IACOBO ANGELO de SCARPARIA, Florentino, relationem, obflare potius ei uidetur; quamuis enim ibi mentio fiat Iacobi Angeli de Scarparia Graece Latineque doctissimi, non tamen ei Versio Geographiae Ptolemaei tribuitur, sed alius liber, a Gesnero adscriptus Iacobo Angelo de Scarparia. Praeterea Gesnerus a R. P. Negri in testimonium antea dictorum allegatus, duos assert, imo plures Iacobos Angelos, ex scriptis saltem a se inuicem discernendos: quae omnia P. Negri non attendisse uidetur. Ceterum, praeter hucusque allegatos auctores, uideatur quoque de Iacobo Angelo, Iovivs in *Elogijs illustrium literis uirorum* p. 212 edit. Basil. de Anno 1575. in fol. KORNIGVS in *Bibl. Vet. et Nov.* p. 45. I. A. FABRICIVS *Bib. med. aevi* L. IX. M. WOLFG. PERISTEVS in *Praef. ad Iac. Angeli Vitam Cicronis*.

§ 3.

Quamuis, ob susceptum in se laborem, uertendae Ptolemaei Geographiae in idioma atinum, laudem promeruisse uideatur Iacobus Angelus; nescio tamen, quare GESNERVS in *Bibl. sua* p. 351. de eo pronunciet, male et indocte eum Geographiam Ptolemaei latine reddidisse, cum tamen p. 44. sub tit. ANGELVS FLORENTINVS. idem scriptum referens, omiserit haec uerba, *male et indocte*; hinc etiam, unum hominem pro duobus eum uenditasse puto. Pocciantio enim, et nonnullis aliis, Iacobus Angelus, ob suam in Graeca Lingua peritiam, quam maxime laudatur; imo ipse, teste Negri l. c. Constantinopolin profectus fuit, ad uberiores linguae Graecae notitiam imbibendam; et non parum Florentiae, ab Emanuele Chrysolora, in adornanda uersione, fuit adiutus. Quare etiam uerba ista, *male et indocte* ab Epitomatore et Continuatoribus GESNERI, forte aliud ex ipso scribendi genere edocilis, fuerunt omitti. Coniunctissime autem et familiarissime Iacobum cum Emanuele Chrysolora uixisse probat, praeter satis multas illius Epistolas, quae referente Negri l. c. fuerunt olim in Bibliotheca Antonii Magliabechii, alia quoque Iacobi ad Chrysoloram Epistola, de Gregorii XII. electione, quam Florentiae in Bibliotheca Laurentiana uidit MABILLONIVS, camque prae-

praeclaram uocat, in *Itinere Italico* T. I. p. 164. Quae B. PIRCKHEYMERVS, decus illud eruditae nobilitatis, et nostrae Patriae, in *Praef. ad Geographiam Ptolemaei* Argentorati 1525. excusam, de Iacobo Angelo profert, quasi is Graeca aliquantulum calluerit, disciplinas uero Mathematicas ita ignorauerit, ut plerumque nec semetipsum intellexerit, fere consentiunt cum uerbis SEBAST. MUNSTERI, in *Praef. ad Edit. Basil. de Anno* 1540. et forte ex eo proueniunt, quoniam in indicanda locorum longitudine et latitudine multa deprehendit falsa. Sed cum forsitan Angelus, in uersione Libri concinnanda, usus sit Codice Graeco, in annotanda locorum distantia non adeo accurato, excusationem mereri uidetur. Taceo, hodiernum, ubi tanta studium Astronomicum cepit incrementa, maiorique industria obseruationibus uacant Vranophili, certos plurimorum locorum situs uix indicari posse, ut ait Cl. HAUBERVS in *Discursu de praesenti Geographiae statu* §. 29. p. 122. 123. multo igitur magis Angelo nostro, siue etiam ipsi Ptolemaeo, errores commissi condonandi uidentur. Quicquid autem sit harum rerum, Iacobus tamen Angelus ob suam in uertendo industriam laude non frustrandus; siquidem auctorem in Geographia addiscenda ualde necessarium, in eorum quoque manus tradidit, qui rudes plane linguae Graecae erant; hincque etiam complura ex Autographo descripta fuerunt exempla, quorum plura, qui mihi innotuere, iam enumerabo.

§. 4.

Ante uero omnia describendus esset Codex, cuius mentionem fecit B. SAUBERTVS in *Orat. II. de Bibliotheca Norimb.* pag. 64. et ex eo celeb. STRUVIVS in *notit. rei literar.* C. IV. §. 17. pag. 153. quique Trapezuntii manu fuit correctus; sed nullum hodie eius uestigium apparet. Ast superest adhuc membrana illa, a SAUBERTO in *Orat. cit.* p. 72. ob antiquitatem simul et tenuitatem laudata. Quod tenuitatem concernit, ea mihi non tanta uidetur, ut admiratione digna sit. Codex enim ille Bibliorum Latinus, qui in publica Academiae Altorfinae Bibliotheca ex b. D. Io. Iac. Baieri Medici olim primarii, donatione extat, longe tenuiori et nitidiori membranae est inscriptus; quae omnes, quotquot eum inueniuntur, in sui admirationem rapit; ut adeo ex tenuitate, membranae idoneum pro antiquitate Libri argumentum non peti possit. Deinde literarum quibus insignita est ductus minusculi. si cum aliis conferantur, Seculi X. scripturae, cuius specimina MONTFAUC. *Palaeogr.* Lib. IV C. III. p. 279. exhibet, quam maxime conueniunt; ut adeo potius, pro ueteris cuius-



cuiusdam Mathematici, Seculo X. uiuentis, et Graece docti, quam Ptolemaei manu sit habenda. Occasionem errori dedit, quod aliena manus, paulo recentior reliqua scriptura, auerso Schedae lateri inscripserit: *Ptol. MS.* Ceterum huius membranae longitudo ad quinque, latitudo ultra sex extenditur digitos. Praeter autem eam Norimbergenfis Reipubl. Bibliotheca habet Codicem Latinum Geographiae Ptolemaei membranaceum, in forma maiori eleganter scriptum, quem nunc primo, inter Codices Latinos, recensebo loco. Constat ille foliis XLVII. Sed, quod dolendum, Praefatio et Capituli I. Libri I. quaedam desunt: reliqui uero Libri integri comparent. Tabulae saltem XXIII. textui sunt subiunctae, caeque omnes ligno insculptae, quales nempe, in Editione Vlmenfis de Anno 1482. habentur, ex qua desumptae uidentur: attamen quatuor quoque tabulae desunt; siquidem Vlmenfis, et aliae antiquiores editiones tabulas XXVII. continent. Subscriptio ultimae tabulae addita testatur eas Vlmae fuisse membranae impressas; quam editionem inferius paulo describam. Singulae tabulae coloribus elegantissimis sunt pictae, et distinctae: Additum quoque *Registrum Alphabeticum super octo libros Ptholomei* itidem in membranae foliis 25. manuscriptum; quod sub singulis locorum nominibus, ordine Alphabetico collocatis, situm ex mente Ptolemaei indicat, addito non solum Libro et Capite textus. in quo illius sit mentio, sed et tabula, in qua ille melius possit in plano cognosci. Plurimis locis adscripta sunt uaria memoranda, maximam partem ex Martyrologiis desumpta; ita tamen, ut recentioris locorum denominationis maior habeatur ratio, quam antiquae; tabulae quoque modernae Geographiae saepius citentur: quibus forte ad tabulas modernae Geographiae, a Nic. Donis delineatas, et nonnullis editionibus post annum 1480. additas, respicitur. Tractatus hic, ut et alius mox subsequens, XIII. folia comprehendens, Nicolaum Donis habet auctorem. Vltimae paginae inscriptus Annus 1502. utpote quo anno Codex hic fuit ad finem perductus. De utroque Libro, ut et de auctore, infra pluribus differendi dabitur occasio.

§ 5.

Alterum ab hoc Codice locum tribuo exemplo Treuirensi, cuius meminit PETRVS MONTANVS, in *Praef. ad edit. Ptolemaei Graeco-Latinam, Amstelodami 1605. et 1618. in fol. excusam.* Nactus erat ~~idem~~ beneficio Reue-

Reuerendissimi et Illustrissimi Principis Electoris, *Iacobi ab Elz*, *Archipraefulus Treuerensis* : sed aetatem Codicis non distincte indicat ; nisi quod, cum mandato N COLAI DE CUSA, *Cardinalis*, ex ipsomet Iacobi Angeli Autographo, descriptum esse, dicat. Forsitan Montanus NICOLAI DONIS laborem intelligit, nomenque eius cum nomine Nicolai de Cusa commutat. In reliquis Germaniae Bibliothecis plura adhuc latere Exempla manu exarata, plane mihi persuadeo ; de quibus autem nihil certi constat. In Italia, praeter ipsum Angeli Autographon, de quo supra dictum erat, IO. BAPT. FICHETVS, Cinis Patavinus, THOMASINO teste, in *Bibliotheca Manuscripta Patavina*, *Vini 1639*. in 4. edita, p. 124. inter rariores Bibliothecae suae Codices, habuit Cosmographiam Ptolemaei, in papyro scriptam, in fol. Quamvis enim Thomasinus non distincte indicet, num Graecus Codex sit, an uero latinus, ex uocabulo tamen Cosmographiae eum latinum esse conficio ; quoniam in Graeco textu uox Geographia adest, quam Angelus per Cosmographiam expressit. MABILLONIVS Venetiis, in Bibliotheca Monasterii Canonico-regularium S. Antonii, in Castello, uidit Latinam Versionem Geographiae Ptolemaei, a Iacobo Angelo concinnatam ; uid. eius *Museum Ital.* T. I. L. I. p. 37. Sed cum hoc Monasterium, cum integra Bibliotheca, optimaе notae Codicibus referta, ante annos plus minus sexaginta, igne fuerit consumpta, fortasse et hic Codex periit. Mentionem eius factam fuisse uideo a I. A. Fabricio in *Bibl. Graec. Lib. IV.* pag. 413.

§. 6.

Relictis aliarum Regionum Bibliothecis, ad Anglicanas peruenio, in quibus uaria reperiri Exempla, manu exarata, testatur *Catalogus MSSorum Angliae et Hiberniae*, supra laudatus. Sic e. g. T. I. P. II. n. 2178. mentio fit, inter Codices MSSos Collegii Mariae Magdalenae, Ptolemaei Cosmographiae, cum Epistola ad Alexandrum V. a Iacobo Angelo data ; itemque alius : c. n. 1905. inter Codices Collegii Etonensis, sub arce Windsor, maioris formae : a quo diuersus qui inter Codices Isaaci Vossii n. 2395. refertur. Inter Libros autem Roberti Burrough, teste eodem Catalogo, n. 7699. fuit exemplum pariter Versionis Iac. Angeli.

D

Nel-

Belgicae Bibliothecae non plane destituuntur eiusmodi Codicibus. In sola enim Lugdunensi, testante Catalogo p. 372. b. bini habentur Codices Chagtacei, inter MSS. Bibliothecae Vossianae: unus comprehendit Cl. Ptolemaei Cosmographiam Libris VIII. ex uersione Iac. Angeli, cui praemittitur dedicatio ad Alexandrum V. Pontificem Maximum; alter p. 374. commemoratus, forte ab eo non differt, quamuis l. c. Inscriptiones saltem Iacobi Angeli, Alexandro V. Pontifici Maximo dicatas, cum Indice Geographico, comprehendere dicatur. Praeter enim Cosmographiam non alius, Iac. Angeli Liber inscriptionum Pontifici Alexandro V. dicatus, innotuit; hinc librarium in describendo errasse conicio, et, loco uocis Inscriptionum, legendum esse Descriptionum (scil. Geographicarum) puto: quam tamen coniecturam nemini obtrudo.

CAPVT IV. DE SPLENDIDISSIMO CODICE LATINO EBNERIANO.

§. 1.

E Numeratis hucusque omnibus, quotquot inuestigare potui Geographiae Ptolemaei Codicibus manu exaratis, ad splendidissimum EBNERIANVM nunc peruenio, utpote qui primus occasionem huic scripto dedit. Cum autem illius accuratius perlustrandi copia a PERILLVSTRI DN. POSSESSORE mihi facta sit, descriptionem dabo, non qualem Codicis dignitas postulat, sed qualem fandi imbecillitas permittit. Exemplum hoc in membrana, formae maioris, siue ut loqui amant, Regalis, elegantissime conscriptum, crassitie duos adaequat pollices, foliaque continet CIII. Ligatura constat ex corio Vitulino, quod uariis inauratis lineis et circulis exornatum. Eae Ligaturae partes, quibus fibulae sunt annexae, ex panno confectae sunt serico, intertexto auro: ex quo sane colligitur, primum Libri possessorem, uirum haud fuisse uulgaris sortis.

§. 2.

Vberius id probare censeo insignia, in margine inferiore, primi statim folii, conspicua. Olim enim moris erat, insigniorum insignia holpi-





ad Cap. IV. § 2. p. 27.



hospitum foribus praefigere, docente *Barthio ad Lib. IV. Thebaid. Statii* pag. 954. Quid igitur impedit, quo minus credamus, haec, quae in splendissimo EBNERIANO Collice occurrunt insignia, eius primum prodere possessorem. Nam eruditi, prae aliis opibus valentes, confucuerant olim insignia, elegantissimis expressa picturis, Libris, qui aliquo essent pretio, praefigere: id quod praeter alia innumera exempla, ex S. R. DN. *Cypriani Catal. Bibl. Gotthanae* p. 20. *NESSLEII Catal. Bibl. Vindobon.* P. V. p. 45. P. VII. p. 73. 74. 102. et *Lib. IX. ap. Schelhorn, in Amoenitat. litterar. T. V. p. 104.* patet. Ipsa Codicis EBNERIANI insignia exhibent conspiciendum scutum, fere quadrangulum, in cuspidem desinens, et corona laurea circumdatum; cui telamonis loco, ut vocant Heraldici, adest genius, sive Angelus, desuper dextra tenens coronam, sinistra uero scutum coronae huic inclusum. In ipsius scuti parte inferiore tres apparent montes, ex quorum medio, inter duos eminente, surgit arbor, eaque ni fallor laurus. Intra coronam, alteri scuti lateri adscripta est litera L. alteri uero B. quibus literis, primus Codicis Possessor sine dubio designatur.

S. 3.

Scripturam Codicis si respiciamus, litterae quorumvis Librorum et Capitum initiales, sunt auro uariisque coloribus artificiosissime pictae; quam pingendi artem nonnulli deperditis hodie accensent. Vid. *MONTEFAUC. Palaeogr. Graec. L. I. C. V.* et *M. GUHLINGII Diss. de Autographis ueterum* p. 6. seq. Reliqua Scriptura uenusta quidem accurataque est, nec tamen Seculum XV. excedit: id quod partim cognoscitur ex aetate, qua Tabulae Codici adiectae sunt delineatae, partim uero ex Scriptura ipsa, quae ubiuis fere convenit cum Criteriis, a REVERENDISS. ABRATE GOTTWICENSI, in *Chron. L. I. C. VI. §. 3. et 4. p. 62.* et celeb. STRUVIO in *adis litterar. & MStis erudit. T. I. Fasc. I. pag. 30.* Seculo XV. adsignatus.

S. 4.

Hisc generatim observatis ad ipsam operis dedicationem procedo, quam altera statim exhibet pagina. Omnes fere Codices Latini, qui adhuc supersunt, eam perhibent ad Pontif. Max. Alexandrum V. esse directam: in Codice uero EBNERIANO haec leguntur dedicationis verba initialia:



BEATISSIMO PATRI INNOCENTIO
QVINTO PONTIFICI MAXIMO
IACOBVS ANGELVS.

Errorem a librario fuisse in describendo commissum, ii conicient, quibus series Pontificum Romanorum est cognita. *Innocentius* enim, qui vulgo *quintus* audit, iam A. 1276, diem suum obiit, Iacobus uero Angelus sub initium Seculi XV. floruit. Sed refragantibus quamuis tot aliis Codicibus, auctoritatem tamen EBNERIANI ex parte stabilire possumus. Etenim, non omnes inter se conueniunt, in numerandis Pontificibus: imo ipsi Pontifices interdum dubitant de numero nominibus suis adiciendo; quale exemplum in Benedicto XIII. nostro tempore occurrit. Num enim is *decimus tertius*, an uero *decimus quartus* debuerit saluari, initio haerebant: et recte quidem, quoniam Innocentius VII. in Diplomate ap. VGHELLIVM *Ital. Sacr.* T. IV. p. 306. Benedictum, qui Antipapam habebat Gregorium XII. iam decimum tertium appellauit. Forte igitur, si coniecturis locus dandus, Iacobus Angelus, qui munus Secretarii ab Innocentio petierat, teste LEONH. BRVNT *Aretini L. I. Epist. I. pag. 1. et 2. edit. recentiss. Hamburg. de A. 1724.* obtinendi illius causa, Pontifici hunc suum laborem inscribere uoluit: quo fatis functo, et Versione nondum ad finem perducta, Alexandro V. eam dedicauit, cuius nomen in omnibus expressum legitur Codicibus. Librarius autem EBNERIANVM describens exemplar, retento numero, Alexandri nomini, in ordine Pontificum, conueniente, nomen Innocentii substituit, adeoque errorem commisit. Id quod eo magis probabile mihi uidetur, quoniam ad titulos librorum aut dedicationum describendos, antiquissimis temporibus adhibebantur Chrysographi, qui eos membranae purpureae literis inscribebant aureis, referente MONTFAUC. in *Palaeogr. Graeca* L. I. C. I. p. 4. seq. et diuersi erant a Calligraphis. Hi aut nimis incurii, aut aliis rebus intenti, facile errare potuerunt; ut plura exempla, in aliis Codicibus obuia, docent. Cum igitur in memorato Codice EBNERIANO ea pars membranae, cui uerba, superius adducta, deprehenduntur inscripta, minio sit picta, primae autem Calligraphiae indicia adhuc pelluceant, facile fieri potuit, ut Chrysographus tineta iam membrana, ueri nominis oblitus, aliud loco eius substituerit.



§. 5.

Inscriptionem hanc ipsa sequitur dedicatio : quam , cum in Bononiensi, aliisque extet editionibus, huc transcribere nolo. Excipit eam textus ipse, complectens ueram et genuinam Iacobi Angeli uersionem; quae in Romana et reliquis editionibus nonnihil fuit emendata; in sola autem Bononiensi editione, quantum ego conlicio, incorrupta legitur. Causa uero emendationis in plerisque editionibus fuit diuersitas meridiani : Ptolemaeus enim secundum Meridianum Alexandrinum omnia loca dimensus est, reliqui uero recentiores Mathematici rationem computationis Ptolemaei non habuerunt : inde Ptol. adeo fuit mutatus, ut, cente *Erasmo*, in *Praef. ad Edit. Basil. Graecam*, eos numeros, quos Ptolemaeus tradidit, quam maxime corruptos hodie habeamus.

§. 6.

Considerata nunc prima splendidissimi EBNERIANI Codicis parte, scil. textu, ad alteram, quae tabulas Geographicas comprehendit, pedem promoueo. Illae collocatae deprehenduntur post ultima uerba Capitis II. ex Libro VIII. hincque capita reliqua, tabulas ipsas, earumque dispositionem concernentia, quae in omnibus fere editionibus Graecis pariter ac Latinis reperiuntur, in laudato Codice deficere uidentur; sed sciendum, unius cuiusvis tabulae auersae parti eas esse inscriptas, maioris forsitan causa euidetiae. Ante uero quam ipsas tabulas accuratius considerem, dispiciendum est, quid sibi uelint ista uerba, quae sub finem Cap. II. ex Libro VIII. leguntur. Sunt ea, aureis literis, in parte membranae minio tinctae scripta, sequentem in modum : *Nunc sequuntur Tabulae per Nicolaum Germanum*. Quis fuerit iste Nicolaus, obscurum est, Germanum eum fuisse ex cognomine patet; quale uero ei fuerit nomen gentilitium, aut quae patria, ex uerbis Codicis haud licet cognoscere. Quod si alios euoluamus Scriptores, tantas deprehendimus opinionum diuersitates, ut aliquid certi statuere sit difficile. Princeps ille Graecae litteraturae I. A. FABRICIVS, in *Bibl. Graec.* L. IV. p. 413. mentionem faciens Geographiae Ptol. Romae 1482. apud Nicol. Hahn impressae, in not. subiuncta haec habet : *Hunc puto esse Nicolaum Donis, quem Vossius de scientiis Mathematicis p. 413. & Ficino tradit, A. 1470. (f.) emisisse in Cosmographiam Ptolemaei opus mirandum,*

D 3

(f) Clariss. *Annal. Typograph.* Conditor, MAITTAIRE T. I. p. 167. not. edit. prior. eundem citans locum, forte ex errore typothetae aut Librarii 1480. annum posuit.



dum, cum novis tabulis. Eandem quoque sententiam amplectuntur Viri de Ecclesia pariter, ac re literaria meritissimi, I. F. REIMANNVS in *Introd. ad Hist. litter.* imprimis *Germanorum Sect. III. P. II. Quaest.* 167. p. 392. E. D. HAVBERVS in *Idea Historiae tabularum Geogr.* p. 17. in not. nisi quod hic in *addit.* ad *Ideam Hist. Tabul. Geogr.* p. 8. seq. ex mente celeb. I. G. DOPPELMAYERI coniciat, per Nicolaum Donis indicari Nicolaum Cusanum, et opinionem S. R. DN. D. LIEBKNECHTII, in *Programmate*, de *Hasia Mathematica* propositam, reiiciat, uel saltem in dubium uocet. At enim uero, pace tantorum uirorum, liceat mihi asserere, Nicolaum Donis diuersam esse a *Nicolaio Cusano*, et *Nicolaio Hahn*, si quis unquam fuit, personam; quo meo asserto neque auctoritati neque fidei illorum quicquam derogari cupio: modeste potius in sententias eorum inquiri, memor dictorum a cel. etiam post mortem I. A. FABRICIO in *Praef. ad L. I. Bibl. Graec.* FATIOR — me nondum in omnibus potuisse mihi ipsi satisfacere; itaque gratias agnoscens sum ei, qui uel omisa a me uel perperam etiam posita non aueris obseruatione sua primata, etc. Agnouit ipse quoque S. R. HAVBERVS hunc errorem in Epistola quadam ad Rev. F. I. BEYSCHLAGIUM, cuius excerptum dedit in *Sylloges Variorum Opuscul.* T. I p. 490. Sed quibus rationibus adductus sit, non addidit. Ego itaque rationes allegabo, et, quod diuersi plane sint, NICOLAUS CUSANVS exinde probabo, quia diuerso hi Viri inclaruerunt tempore: Nicolaus enim Cusanus iam An. 1464 in Umbria diem supremum obiit, quicquid in contrarium proferat HAVBERVS in *addit.* cit. p. 10. ex sententia DOPPELMAYERI, notatus ea propter a laudato FABRICIO *Bibl. Med. Aeni L. III.* pag. 1238. Nicolaus uero Donis 1470. adhuc claruit. Deinde neque inter opera Cusani, repetita uice edita, est relata haec uersio, neque in Catalogis Bibliothecarum unquam Cusano tribuitur. NICOLAUM uero HAHN et NICOLAUM DONIS diuersos esse probo, quoniam merita Typographi, qui typis saltem exscripsit Ptolemaeum, non sunt tanta, ut uiri maximi, quales fuerunt auctores infra nominandi, eum certatim ornarent encomiis. Neque etiam Nicolai Hahn nomen unquam inter Typographos comparet. Quamuis enim MAITTAIRE T. I p. 167. edit. prior. id allegat, facili tamen cuiusvis legenti patebit, eum Exemplar, a Fabricio citatum, oculis non usurpasse, sed saltem ex eo uerba instituto suo inferuentia allegasse. KRANZIUS quidem in *numerabil. Biblioth. Vratisl. Elisabernae* p. 74 dicit, se miratum esse exemplar *Cosmographiae Ptolemaei*, a *Nicolaio Hahn*, qui primus Typographiam *Kuliacensis*, *Romae 1482.* membranarum impressae, tabulis

que



que coloribus interstinctis ornatae; Sed praeterquam quod eadem uerba fere legantur apud FABRICIUM l. c. in eo errasse mihi uidetur KRANZIUS, Nicolaum Hahn pro primo in Italia Typographiae auctore habens; cum alii Vdalricum Hahn s. Gallum primum exercuisse Romae artem Typographicam putent, nos uero infra Arnoldo Buckinck et Conrado Sueynheym eam laudem merito tribuimus.

§. 7.

Nil igitur superest, quam ut ipsis scriptorum fide dignorum uerbis doceam, quis fuerit Nicolaus, qui ob suam in emendando et illustrando Ptolemaeo industriam, tantis praedicatur encomiis. Audiamus prae ceteris IOHANNEM TRITHEMIUM, scriptorem fide dignum, et satis accuratum: qui, in *Catalogo Virorum litteris illustrium* p. 162. edit. Francf. de An. 1601. sequentia profert: *Nicolaus Donis, Monachus diui Patris Benedicti, Monasterii, ut serunt, Reichenbacensis, Vir certe in secularibus litteris studiosus et eruditus, et diuinarum Scripturarum non ignarus, Philosophus et Astronomus insignis, Cosmographiae Ptolemaei vigilantissimus repertor, et diligentissimus* (edit. Colonienfis de An. 1546. in 4. legit sagacissimus) *restaurator, ingenio praestans, et clarus eloquio: scripsit non contemnenda Volumina, quibus memoriam sui posteris commendauit. E quibus extat opus mirandum et celeberrimum, cum picturis et nouis tabulis elegantissime ornatum, in Cosmographiam Ptolemaei, ad Paulum Papam II. Libros VIII. de locis quoque mirandis Librum I. Epistolas etiam multas, et iudicio meo non inelegantes, ad diuersas composuit. Floruit sub Triderico Imperatore III. et Paulo Papa II. Anno MCCCC LXX. Haec iisdem ferme repetuntur uerbis in laudati TRITHEMI Tractatu, de Scriptoribus Eccles. p. 370. Ex quibus forte hausit GESNERUS, quae in Bibliotheca Vniuersali p. 519 edit. Tigur. de Anno 1545. habet. Quis exinde non uidet, Nicolaum Donis fuisse Monachum, adeoque a Nic. Hahn, Typographo, si quis unquam fuit, et Nic. Cusano, diuersum. Trithemius quidem patriam non indicat, Gesnerus autem natione Teutonicum fuisse dicit: ut proin nullus dubitem, Nicolaum Donis et Nicolaum Germanum esse unam eandemque personam. Si quis autem horum virorum testimoniis fidem tribuere nolit, ei uerba Nicolai ipsius, quae in Praefat. ad edit. *Geog. Ptol. Vlmensem* de Anno 1482. et 1486 leguntur, bene pensitanda relinquo. Ibi inter alia scribit: Nos cum per otium Ptolemaei scripta legeremus, quod a Professione nostra non plane abhorrebat, etc. Et paulo inferius, causas indicans, cur hoc opus Pontifici inscripserit, ait: Quod a Sacerdote provenit, id ad omnium Sacerdotum Archimandri-*



mandritani referendum erit, etc. Imo et aliud argumentum mihi suppetit, desumptum ex pictura, qua prima litera dedicationis editionum Vlmensium exornatur. In illa se conspiciendum praebet Pontifex Maximus, throno insidens, in capite gestans diadema papale. Ante eius genua prouolutus iacet Monachus, porrigens librum; quae certè Nicolaum Donis, Monachum ordinis Benedictinorum, dedicantem et offerentem Pontifici Maximo librum, a se emendatum, indicare mihi uidentur. Ex mea igitur sententia Nicolaus Donis nonnulla in uersione Iacobi Angeli correxit, quod instituta exemplarium collatio docebit: deinde tabulas Geographicas, quas iam Agathodaemon ex mente Ptolemaei delineauit, expressis nominibus urbium et locorum latinis, conuertit, emendauit, et Estensi Ferrariae Principi g) obtulit; in quibus tamen, uti se ipse fatetur, nulla in re a Ptolemaei intentione, licet a pictura, discessit. Ex hoc Auctoris autographo Florentiae asseruato, et nitidissime scripto, cum ars Graphica in solis fere Monasteriis fuerit exulta, plura fuere descripta exempla; quorum unum peruenit ad manus Leonardi Hol, ciuis et typographi Vlmensis, qui istud, una cum tabulis ligno incisus, typis imprimi curauit. Nullibi legimus, quod Iacobus Angelus uersioni suae ulla adiunxerit mappas Geographicas; Nicolaus potius Donis de se ipso testatur, quod mundum tali delineauerit modo, quasi ante eum nemo, cum e. g. magnitudinis Insularum rationem habuerit; is igitur pro primo Geographiae tabularis restauratore merito habendus, ac cum cautione legenda, quae habet I. A. FABRICIVS et REIMANNVS locis supra citatis, Addatur eiusd. FABRICII Bibl. med. aeu. T. V. p. 330.

§ 8.

Sed pergendum est in ulteriori Codicis EBNERIANI recensione: cumque haecenus de auctore tabularum ipsius egerim, nunc ad ipsas tabulas propius considerandas procedam. Hic autem non repetam, quae in superioribus de Agathodaemonis cuiusdam tabulis differui; quae uel longitudine temporis, uel incuria descriptorum, adeo fuerunt deprauatae, ut uix quicquam pristini decoris superfuisset, nec nomina urbium et locorum amplius dignosci a se inuicem potuerint. Hinc Nicolaus Donis s. Germanus eas correxit, nomina locorum Graeca latine reddidit, situm ac magnitudinem Insularum indicauit; ordine tamen tabularum

Agathodaemonis

g) forte etiam Viri illius urbis eruditiss. Digna esset integra praefatio, quae adponeretur, nisi chartae esset parcendum.

Agathodaemonis ita seruato, ut non plures quam XXVII. delinearet tabulas; totidem scil. quod egregii Codices, Viennensis et Venetus, ostendunt, quotque etiam EBNERIANVS Codex habet. Huius autem tabulae uariis Coloribus, non oleo, sed aqua gummiq̃ temperatis, distinctae; ita, ut color ille coeruleus, ultramarinus dictus, mare uel fluuios in mare descendentes, rubeus, flauus, aut alii, pro earum diuersitate Insulas designet. Gradus longitudinis et latitudinis extremis tabularum limbis, auro obductis, buxco sunt colore inscripti. Nomina Regionum Prouinciarumque litteris aureis aut rubris, iisque maioribus, urbium uero et oppidorum tantum atramento, sed diuersi nigroris, significantur. Quo etiam situs locorum accurate potuerint indicari, lineae in membrana perpendiculariter et transuersim sunt ductae; quarum uestigia in Codice adhuc deprehenduntur. Praeterea et hoc mihi uidetur consideratione dignum, quod urbes, prae aliis maiores, semper puncto maiori aureo, minores uero circellis tantum minusculis, atramento ductis, indicuntur.

§. 9.

Ordinem tabularum Codicis EBNERIANI quod concernit, is cum Agathodaemonis tabulis idem fere est; prima enim sistit uniuersum orbem, tunc temporis cognitum, secunda Insulas Albion et Hiberniam, et sic porro, secundum seriem, quam ipse Ptolemaeus Libro VIII. seruauit. Reliqua enim Capita Libri huius, inde a secundo, auersae tabularum parti sunt inscriptae: ut scil. quaeuis tabula textum ipsum, ad quem delineata sit, facilius ostendat. Ultima tabula ultimam quoque Periodum dicti libri sistit; qua finita nihil amplius de anno aut die, quo hic Codex descriptus, nihil de ipso autographo, ex quo desumptus, nihil denique de Calligrafo, ipsi adiectum legitur. Quantum autem ex hucusque commemoratis licet conijcere, post inuentam demum Typographiam Exemplar, EBNERIANVM manu exaratum fuisse arbitror; Nicolaus enim Donis, auctor tabularum, floruit circa annum 1470. post idem tempus igitur, uel ex autographo, uel ex alio exemplari fuit descriptum: ita tamen, ut inter annum iam dictum, et inter annum scriptionis, haud multum temporis interciderit.



CAPVT V. DE GRAECIS ET GRAECO-LATINIS PTOLEMAEI GEOGRAPHIAE EDITIONIBVS.

§. 1.

Recensitis hucusque uariis Geographiae Ptolemaei Codicibus manu exaratis, tam Graecis, quam Latinis, ad ea progredior Exempla, quae typis sunt exscripta. In his recensendis ante omnia rationem habebo editionum Graecarum et Graeco-Latarum, iisque demum Latinas, secundum seculorum seriem, in Capitibus sequentibus, subiungam.

§. 2.

Mirantur haud pauci inter eruditos, cur auctor, tantopere a uiris elegantiorum literarum amantibus aestimatus, rarissime Graecus compareat; cum tamen fere uiginti exempla manu scripta, in diuersis Europae extent Bibliothecis. Quod si uero causam tantae raritatis scrutari uelimus, in eo positam esse deprehendemus, quoniam uix quater textus Graecus typis est exscriptus. Ipse, multis in rem literariam meritis clarissimus I. A. FABRICIUS in *Bibl. Graec.* L. IV, C. XIV. §. 2, tres saltem allegat Graecae editiones, quarum tamen una uersionem latinam in margine habet adiectam; non autem refert, quid in unaquaque sit notandum, aut quibus in rebus una alteram antecedit. Cum uero mihi ipsi contingerit, singulas euoluere, breuem earum notitiam suppeditabo.

§. 3.

Primus, qui obstetricias praebuit manus textui Graeco in lucem proferendo, magnus ille fuit ERAEVS; cui THEOBALDVS FETTICHIVS a) *Medicus Ingolstadiensis*, magni nominis. Codicem, quem possederat, manu exaratum, misit euulgandum. Hic Anno 1533. in forma quater complicata typis *Frobenianis*, textum saltem Graecum, sine ulla Versione, aut explicatione latina, excudi iussit, eumque Fettichio, in grati animi telli-

a) De Fettichio multa proferre promissit Apostata ille notissimus, RUB. MART. MEHLHERRVS, in Diss. qua sistit *Germaniam Orientalem* §. 9. qui, dum promissis non stetit, Almelouenii *Bibl.* promissam et latentem, a se continuatam, adauxit.



testificationem, dedicauit. b) Laudat in ea Erasmus humanitatem Feticchii, qui gratis typographo Graeci voluminis fecit copiam, nomenque Theobaldi, a tot millibus studiosorum celebratum iri, dicit. Dolet praeterea, tam uetustum auctorem neminem tot seculis fuisse nactum, a quo pro dignitate latinis auribus traderetur. A duobus enim interpretibus c) male eum fuisse tractatum, rem ipsam loqui; et Pirckheymeri laborem, utpote perfectissimum, inchoatum quidem fuisse, sed non ad finem perductum. Optat igitur, ut a uiro docto suscipiatur labor utilissimus, emendenturque numerorum notae, a librariis mirum in modum deprauatae. Haec summa est dedicationis; quam excipit textus Graecus, multis scribendi compendiis refertus; adeo, ut uix, nisi a linguae Graecae ualde perito, legi possit. Tabulae quidem editioni non sunt additae; quoniam Ptolemaeus nullas reliquit, sed Agathodaemon tantum addidit. Sumtus huic libro imprimendo supeditauit praeter *Hieronymum Frobenium*, *Nicolaus* quoque *Episcopus*, uti subscriptio Graeca in ultima pagina, docet,

§. 4.

Vix tredecim praeteriere anni, cum Christianus Wechelus, clarissimus ille Parisiensium typographus, Anno 1546. in eadem forma, textum rursus Graecum, in officina sua excudi iussit; eruditus sententibus fructum, ex lectione huius auctoris ad illos redundantem. Rarissimis libris haec editio merito est annumeranda; siquidem in paucissimis Bibliothecarum Catalogis mentio eius occurrit. In Biblioth. Lugdunensi adesse exemplar, testatur Catalogus p. 314. Fabricius quoque eam l. c. allegat; nec minus in Bibliotheca Incluti Senatus Lipsi. exemplar aliud extat, quod supra Cap. II. §. 11. uberius descripsi,

§. 5.

Praeter has binas editiones Graecas non alia mihi occurrit. Seculo tamen ineunte XVII. textus Graecus typis rursus fuit mandatus, addita simul uersione latina. Mira est apud Scriptores, in alleganda hac editione, diuersitas; alii eam *Francfurti* 1605. in fol. excusam esse dicunt, non-

E 2

nulli

b) Haec Dedicatio operum ERASMI T. III. in officina Frobeniana excus. est quae inserta.

c) per quos forte *Iac. Angelum* et *Nic. Denis* intelligit.

nulli *Amstelodami* eodem anno prodisse putant. Sed una eademque est editio, et *Amstelodamensis*, et *Frankfurtana*. Iodocus enim Hondius et Cornelius Nicolai, quorum sumtibus ista prodiit, in officina cuiusdam *Amstelodamensis* Typographi, textum Graecum pariter ac Latinum, imprimi curarunt; eumque, cum tabulis a Gerardo Mercatore in aes incisus, *Frankfurti*, in qua tunc urbe celeberrimum erat Bibliopolarum emporium, uendiderunt. Cognoscere id licet ex titulo, quem duplicem huic editioni praefigi curarunt: in uno sic legitur: *Iodocus Hondius excudit sibi et Cornelio Nicolai, in cuius officina prostant Frankfurti 1605.* in altero: *Sumtibus Cornelii Nicolai et Iodoci Hondii Amstelodami Anno D. 1605.* Ex qua duplici subscriptione colligo, Iodocum Hondium cum Cornelio Nicolai publicam habuisse officinam, et *Frankfurti* et *Amsterdam*. Reliqua Tituli uerba in utroque exemplari per omnia quam accurate conueniunt, quae huc apponam: CLAVDII PTOLEMAEI Alexandrini, Geographiae Libri octo Graeco - Latini. Latine primum recogniti et emendati, cum tabulis Geographicis, ad mentem auctoris restitutis, per Gerardum Mercatorem: iam nunc, ad Graeca et Latina exemplaria, a Petro Montano iterum recogniti, et pluribus locis castigati; adiecta insuper ab eodem nomina recentia et aequipollentia, ex uariis auctoribus ueteribus, et recentioribus, magna cura collecta, in gratiam et usum Geographiae Studiosorum. Adest huius editionis exemplar in Bibliotheca publica Academiae *Wittebergensis*, cui b. BOSIVS multa in margine adscripsit, in primis uero cum Bocharto id studiose contulit.

§. 6.

Praefixa legitur utrique editioni Praefatio Iodoci Hondii, in qua merita GERHARDI MERCATORIS recenset, eiusque in studio Geographico ardorem laudibus extollit. Hic enim eximius Vir, animum ad repurgandas Agathodaemonis, uel potius Nicolai Donis, in Ptolemaei Geographiam, tabulas, adiecit, easque 1578. Coloniae publici iuris fecit. Post eius obitum Iodocus Hondius, ut alias Mercatoris tabulas, ita et has, magno aere redemit. Audiamus ipsum Hondium, de occasione editionis huius, in Praefatione sic differentem: *Huius Mercatoris d) Tabulas omnes, praefecit*

d) GERHARDVS MERCATOR *Rupelmondanus*, obiit Duysburgi 1594. aetatis suae anno 82. Vitam illius dedit GVALTH. GLYNNIVS, quam praefixam leges Tomo II, *Atlantis a Iod. Hondio editi*, ex qua forte plurima descripsit MELCH. ADAMI in *Vitis Philof. Germ.* Vol. I, p. 392. CORN. PANTALEON, *Protopog.* P. III. BOISSARD, *Icon.* P. IV. n. 46, et alii.

prisca et recentes, ingenti aere ab haeredibus coemptas, cum in vulgus edere decrevissem, (intelligebam enim, iam pridem exemplaria desiderari,) ratus sum, me opus nominis et publico consulturum, si cum Viris, istarum artium peritis, consilium caperem. Itaque et alios complures, et inter alios Cl. Virum D. Petrum Bertinum, Philosophiae in illustri Batavina Professorem, qui mihi unus instar omnium fuit, adiit, compellausque. Is mihi auctor fuit, ut a Ptolemaicarum tabularum editione auspiciis felicitat facerem — Snavit idem, ut Graeca cum Latinis darem; ad latius nomina recentia, Europaeis nostris usurpata, adiungerem, similiq; adnotarem ex Strabone, Mela, Caesare, Tacito, Itineratio Antonini, aliisque, nominum diversitates. Etsi vero consilium placeret, (quid enim salubrius excogitari potuit,) sentiremque, me in uocum recentiorum nomenclatura a Villanovano, et aliis, haud leuiter adiutum: tamen, quia variantium nominum collectio, infinitam fere lectionem observationemque requirebat, et me alia alio uocabant, putavi, hanc prouinciam alteri alicui esse demandandam. Obrulit se autem mihi affinis meus, D. Petrus Montanus, bonus, (absit dicto inuidia,) Graece Latineque eruditissimus; qui et laborem usum in se recepit, et Latina cum Graecis collata examinataque, ubi opus fuit, (fuit autem locis compluribus) emendauit. Multa enim in Latina uersione deprauata, nonnulla addita, non pauca omissa, multa transportata reperit, etc. Ex quibus facile est iudicare, editionem hanc ceteris esse praefendam; non solum ob industriam, in emendandis Tabulis a Mercatore adhibitam; sed et ob collationem textus Graeci, cum aliorum Geographorum antiquorum scriptis. Hanc Hondii Praefationem excipit alia Gerardi Mercatoris: ea nempe, quae in editione Colonienfi de Anno 1584. legitur, et index omnium locorum, quae in Ptolemaei libris occurrunt, suafu DN. DAMIANI QVADI, Domini in Landskron, a Gerb. Mercatore concinnatus. Lubens praetermitto uaria Poemata, a Viris eruditissimis in hunc Petri Montani et Iod. Hondii laborem consignatis; et effigiem Ger. Mercatoris, a Bernardo Furmerio carmine celebratam. Textus Graecus paucissimas habet abbreviaturas, latinus satis est accuratus, et Graecarum uocum significatum omnino exhaustit. De Tabulis nihil in praesenti addam, cum paulo copiosius in sequentibus de iis disseram.

S. 7.

Diuersae ab hac edit. sunt aliae 1618. Amstelodami, Lugduni Batavorum, et Francofurti excusae; quarum, ut in alijs Bibliothecarum Catalogis, sic et Bodlejanae P. II. p. 83. fit mentio. Sed sciendum est, errorem ortum traxisse ex diuersa subscriptione. Isaacus enim Elzeuirius, typo-

graphus Lugdunensis, ex cuius officina prodierat haec editio, nomen suum in ultima expressit pagina; Iodocus autem Hondius, sumtus sup-
 peditans, in prima pagina: qui et Amstelodami et Francofurti officinam
 habuit librariam. Igitur pro una diuersae hae tres editiones sunt ha-
 bendae. Quantum ex relatione amicorum intellexi, (ipsi enim mihi
 istam editionem inspicere non licuit,) additae sunt uariae lectiones, ex
 Codice Heidelbergensi desumptae; itemque testante FABRICIO l. c. p. 413.
Itinerarium Antonini, et *Burdegalese*, cum *Tabula Peutingeriana*; qui uero
 nonnihil errauit. Inserta enim fuit integra editio, separatim quoque uen-
 dita, Tomo I. Theatri ueteris Geographiae, a *Petro Bertio*, Christianissimi
 Regis Galliarum Cosmographo, 1618. et 1619. editi, et duobus tomis ab-
 soluri: in cuius operis tomo posteriori, citati a Fabricio auctores, cum
 aliis habentur. Etsi uero tanto studio, tantaque diligentia, haec editio
 fuerit reuisa, IOHANNES tamen GRAEVS, referente FABRICIO p. 414. in
 ea multos animaduertit errores, conferendo istam cum quodam codice
 MSto. Vtrum uero error semper fuerit in MSto, an uero in impresso,
 ii iudicent, quibus editionem *Gravianam*, in qua dedit descriptionem
 Ptolemaicam Arabiae, accurate cum aliis conferre licet exemplaribus;
 quibusque obseruationes Astronomicae sunt perspectae atque cognitae.
 Haec Arabicae Petraeae descriptio cum tabula urbium insignium eius-
 dem Ptolemaei inserta est Tomo III. *Scriptorum Minorum Geographicorum*,
Oxoniae, e theatro Sheldoniano 1712. in 8. edito; Tabulam urbium
 HUDSONVS cum impressis et MStis exemplaribus diligenter contulit,
 variasque lectiones in inferiore margine annotauit: quibus multa
 Ptolemaei loca emendantur.



CAPVT VI.

DE EDITIONIBVS GEOGRAPHIAE PTO-
LEMAEI LATINIS, SECVLO XV. IMPRESSIS.

§. 1.

Non multo post inuentam, et nonnihil excultam artem typographicam, eruditi operam nauarunt, optimae notae libros, in lucem publicam protrahere, et ab interitu liberare; quare studia non parum fuerunt amplificata, eorumque cultoribus facilius, comparandi sibi libros utilissimos, via monstrata. a) Quoniam uero ob defectum typorum Graecorum, primi illius artis inuectores, et amplificatores, Graecos auctores, ad literarum studia non minus quam latinos, necessarios, prelis suis subiicere non potuerunt b) hinc operam dedere, ut libros Graecos, in latinam linguam translatos, eruditius potuerint legendos exhibere; quorum Catalogum. sed ualde imperfectum, dedit, Vir de Ecclesia ac literis insigniter meritus, DN. VAL. ERN. LOESCHERVS in *Symmat.* p. 277. 278. Inter eos fuit Cl. Ptolemaei Geographia, liber ab eruditissimis ualde expetitus, cuius uersionem latinam Dominicus de Lapis, ciuis Bononiensis, primus omnium dedisse typis impressam uidetur.

§. 2.

Extat huius editionis Exemplar in Bibliotheca Acad. Lips. Paulina, quod Cl. M. BÜTTIGIVS, pro sua humanitate, perlustrandum mihi, Lipsiae abhinc aliquot annis uersanti, concessit. Dabo subscriptionem, sub calcem libri legendam: *Hic finit Cosmographia Ptolemaei, impressa opera Dominici de Lapis, ciuis Bononiensis, Anno MCCCC LXII. mense Ianii XXIII. Bononiae.* Nihil in

a) Hinc minime est frustraneus labor, quem Excell. DN. KRAVSIVS P. P. *Hist. in Academia Wittebergensi* suscepit, conscribens peculiarem libellum s. Dissertationem, de incrementis studiorum Saeculo XV. per artem typographicam factis, Annalibus huius artis, quos meditatur, addendam: quam eruditus orbis frustra hucusque expectauit.

b) Quod si enim quaedam saltem uoces graecae in latinis libris occurrerent, eas non raro deprehendimus aut calamo libris insertas, aut integris tabellis ligneis inculptas, aut lineae spatio uacante omisas, aut denique typis ualde rudibus expressas. Conf. MARTINVS *Annal. Typograph.* T. I. ex edit. secunda, p. 21.



in hac subscriptione uidetur esse omisſum, quod ad notitiā illius, tam ratione anni, quam loci impreſſionis, ac typographi, pertinet. Quod ſi uero celeb. Maittaire T. I. Annal. Typogr. ex edit. ſecunda, p. 218. et 379. euoluamus, uidemus, hunc diligentiffimum Hiſtoriae artis Typographiae ſcrutatorem, non antiquiorem potuiſſe inuenire librum, a Dominico de Lapis excuſum, quam Benediſti di Nurſia opus ad conſeruatiōnem ſanitatiſ, et Gerardi Cremonenſis theoriā Planetarum: quorum prior anno 1477 poſterior uero 14. - in officina illius fuit impreſſus: nec etiam alii curioſi, Antiquitates artis typographicae inueſtigantes, reperiēre libros, aut eundem, aut paulo antiquiorem annum referentes. Hinc monente Excell. SCHWARZIO, Praeceptore meo pia mente colendo, uitium, in indicando anno, irrepiſſe typographicum putabam: in qua ſententia firmarunt me aliae quoque rationes, 1.) enim in euoluenda hac editiōe, deprehendi in cuiuſuiſ paginae limbo inferiori cuſtodes, quibus hodiernum utuntur typographi, conſuſionis foliorum euitandae cauſa: quorum originem ſupra laudatus D. Loefcherus reſert ad annum 1471. uid. ej. Stromat. p. 285. Cl. Maittaire uero ad Annum 1486. Annal. Typogr. T. I. p. 97. 2.) ſub finem totius libri habetur Regiſtrum pro Bibliopēgiſ; quod cum ſignaturis ad limbum paginae inferiorē, eandem habere originem putat Loefcherus l. c. 3.) eodem anno 1. quidem in celebrioribus Germaniae ciuitatibus, aut Romae, ars typographica exercebatur, multo minus Bononiae. Vnicus Nicolaus Ienſſon putatur, ſub id tempus, artem typographicam intuliſſe Italiae: Maittaire l. c. p. 6. Sed ne hoc quidem omni caret dubio: uid. Loefcherus l. c. p. 146. 4.) Non omnibus ſubſcriptionibus eiſuſmodi tuta fides eſt adhibenda; in multis enim unum a'terumue omiſſum eſſe numerum denarium aut centenarium, docent Maittaire l. c. p. 2. in not. et Loefcherus l. c. p. 142. ſeq. 5.) ſidem uiri, quorum in Praef. huiſ editionis tabulis praefixa, ſit mentio, quique typographum in adornanda ea adiuuerint, ſub finem demum ſeculi XV. uixerunt. Inde hiſ adductis rationibus concludo, binos in ſubſcriptione finali omiſſos eſſe numeros denarios, et legendum annum 1482. Cum enim ante annum 1477. Dominicus de Lapis, teſtante MAITTAIRE l. c. non excuderit libros Bononiae, ad tam grande uero opus perficiendum, inprimis tabulas aeri incidendas, multo labore et tempore opus habuerit, et non facile primum artis ſuae documentum illud eſſe uoluerit; hinc facile argumentum pro ſtabilienda mea ſententia peti poterit; quam pro uera aſſumo, donec probetur contrarium.

§. 3. Miſſo



S. 3.

Misso dubio, de anno impressionis, ad reliqua huius editionis memoranda pergo. Textum ea continet latinum, ex uersione Iacobi Angelii, cuius praefatio in frontispicio libri legitur: cum aliis editionibus aut Nicolai Donis, aut aliorum Praefationes sint praefixae. Signaturas in limbo cuiusvis paginae inferiori, et Registrum pro Bibliopegis, sub finem operis deprehendi, supra iam monui. Textum excipiunt tabulae, quarum index praemittitur; suntque numero XXVII. Quae, tam in textu, quam in tabulis, a uiris eruditis, adiuantibus hanc editionem, sint praestita, docent uerba, eidem cum indice paginae inscripta, quae ob raritatem libri appono. *Tabulas Cosmographiae, secundum dimensiones Ptolemaei impressas, tibi, quisquis es, nobilium operum studiose, non solum ob eam rem commendo, quod ex excellentissimi Ptolemaei scientia manarum; sed multo magis, quia et Characteres et figurae tanta sunt diligentia correctae, ut non multo plus Ptolemaeo ob primam compositionem, quam nouo correctori, ob emendationem congruam, debere uideamur.* c) Nam frustra suo coelesti ingenio Ptolemaeus scientiam mundo reliquisset, nisi praecursorum seculorum ignorantia simul ac temeritate, corruptos eius Codices, et peruersas confusasque tabularum figuras, noua corrigentis industria, sincera fides, ad ipsius auctoris dignitatem reuocasset, et Ptolemaeum non modo ceteris hominibus, sed ipsi quoque Ptolemaeo restituisset. Accedit mirifica imprimendi tabulas ratio; cuius inuentoris laus nihil illorum laude inferior, qui primi literarum imprimendarum artem pepererunt, in admirationem sui studiosissimum quemque facillime conuertere potest. Opus utrumque summa adhibita diligentia, duo Astrologiae peritissimi castigauerunt, Hieronymus Manfredus d) et Petrus Bonus e.) Nec minus curiose correxerunt summa eruditione praediti, Gallotus

F

Mar-

c) Errat auctor Praefationis, quisquis ille sit; cum Ptolemaeo tabulas tribuit, quas Agathodaemonem composuisse supra uidimus.

d) Conf. de Manfredo KOENIGH *Bibl. V. et N.* p. 503 qui eum uocat *Manfredum*, facile cum alio eiusdem Nominis, sequentibus temporibus claro, commiscendum. b. l. A. FABRICIUS in *Biblioth. Med. Aeu. T. V.* p. 37. Medicum et Astronomum Bononiensem eum uocat, et scripsisse dicit Centiloquium, de Medicis et infirmis; quod prodiiit Bononiae 1483. Forte circa idipsum tempus Ptolemaeo emendando insudauit.

e) idem forte, ac modo laudati FABRICII Petrus Bonus: de quo uid. l. c. p. 737. Vtrum noster PETRUS BONUS idem sit, cum PETRO BONO, cuius mentionem facit KOENIGHVS l. c. p. 114. aut cum PETRO BONGO, qui scripsit librum *de Numeris*, citatum in EMINGERI *Catalogo Bibliothecae Augustanae* p. 672. alii uideant.



Martius f) et Collamonianus, g) Extremam emendationis manum imposuit Philippus Broaldus b) qui Plinii, Strabonis, reliquorumque id genus Scriptorum, Geographiam cum Ptolemaeo conferens, ut esset quam emendatissimus elaboravit. Hanc ad Lectores Commonitionem excipiunt Tabulae XXVII. aeri incisae, sed stilo admodum rudi; ut pro primis omnium eas habendas esse censeam.

S. 4.

Altero mihi loco commemoranda uenit editio Anno 1475. impressa. De anno impressionis conueniunt omnes, de loco autem diuersae sunt opiniones; sed dirimet totam litem ipsa calci libri adiecta subscriptio Typographi, quam dedit Cl. MAITTAIRE T. I. *Annal. Typogr.* pag. 349. edit. secundae: praemisso quasi titulo, a MAITTAIRE concepto. Cl. Ptolemaei Cosmographiae Libri octo, Latine, cum Epistola Angeli ad Alexandrum V. Pontificem Maximum. *En tibi Lector Cosmographia Ptolemaei, ab Hermanno Leuslapide Colonienfi, Vicentinae, accuratissime impressa. Benedicito Triuisano, et Angelo Michaelae Praefidisbus MCCCC LXXV. 1DI. SEPT. fol.* In subiecta nota i) legitur Epistola commonitoria, Libri calci adiecta: posthaec Cl. Maittaire monet, Bunemannum, qui notitiam huius libri ex Catal. Gudian. p. 370. hausit, eum tribuere Coloniae, ostendens simul originem erroris. Hermannus enim LEVILAPIS, alias LIECHTENSTEIN, forte melius *Leichtenstein*, patria fuit Colonienfis, qui arti typographicae primum Vicentinae, postmodum Venetiis uacauit: docente MAITTAIRE l. c. pag. 224. Repetit superius dicta idem MAITTAIRE pag. 774. in not. 2. referens libros a Prospero Marchand sibi communicatos. Exstat haec editio Viennae, in Bibliotheca Caesarea, et praeter allata a Maittaire, annotatione digna, praefationem Iacobi Angeli libro praemissam, textum 70. philyris continet, ex uersione Iacobi Angeli, nonnihil immutata; singulae autem philyrae cust-

f) Gallotus Martius, docens Bononiae bonas literas, floruit circa annum 1490. uid. FABRICIUS T. III. p. 14. 15. KOENIGVS in *Bibl. V. et N.* p. 327.

g) forte idem est, quem SIMLERVS in *Continuat. Bibl. Gesneri* pag. 159. Colimontanum uocat.

b) Bini fuere Philippi Beroaldi; quorum unus natus Bononiae Anno 1490. senior, alter uero iunior dictus, circa idem fere tempus florere. Seniores hic indigitari puto: is enim totam fere uitam in lectione auctorum consumsit: uid. FABRICIUS in *Bibl. Med. Aetui* T. V. p. 851. seq. GESNERVS, cum *Epitomatore et Continuatoribus*, ac recentissime celeb. Menckenius Iunior,

stodibus f. signaturis in limine inferiori sunt notatae, tabulae denique deficiunt, quas tamen aliis exemplaribus additas esse cenſeo. Curarunt hanc editionem *Angelus Vadius* et *Barnabas PICARDVS VICENTINVS*; qui praefationem perbreuem praemiſerunt, insertam MAITTAIRE *annal.* l. c. pag. 349.

§. 5.

Ad editionem ſplendidiffimam pariter, ac rariffimam nunc peruenio, quam in nullo hucusque Librorum aut Bibliothecarum Catalogo inueni. Poſſidet eam *Magnificus C. G. SCHWARZIVS*, Vir, de uniuerso orbe literato meritiffimus. Romae impreſſam eſſe, ſequens inſcriptio docet, ſub calcem libri legenda: *CLAVDII PTOLEMAEI ALEXANDRINI Philoſophi Geographiam ARNOLDVS BVCKINCK e Germania Romae tabulis aeneis in picturis formatam, impreſſit, ſempiterno ingenii artificiique monumento, anno Dominici natalis MCCCC LXXVIII. VI. Idus Octobris, Sedente Sixto IV. Pontifice Max. Anno eius VIII.* Neque Maittaire, neque alii uiri, in eruendis typographiae antiquitatibus curioſi, de *Arnoldo BVCKINCK* quidquam referunt; quem tamen ex dedicatione praemiſſa penitus deinde noſcendum exhibebo. Directa eſt ea, ad Pontificem Romanum, Sixtum IV. uti ex modo allegata ſubſcriptione conſucio: nomen enim Pontificis in dedicat. expreſſum non legitur; ſed titulo ſaltem *ſanctiſſimi Patris*, penes quem hominum et deorum conſenſus imperium cum rerum omnium doctrina eſſe uoluit, compellatur. Neque etiam dedicantis nomen indicatur; quem tamen *Iohannem andream, Alerienſem Episcopum*, eſſe puto: vid. MAITTAIRE l. c. p. 10. Prae ceteris ſequentia dedicationis uerba commemoratione digna mihi uidentur; utpote in quibus editionis huius continetur *Historia*, et ſimul artis typographicae, in urbe Romana, *Historiae* non nihil lucis affunditur. *Nelibrarium inſcitia tuae ſanctitatis artes offenderet, Domitius Calderinus, Veronenſis, cui huius emendationis prouincia demandata fuerat, cum uetuiſſimo Graeco, manu Gemiſthi i) Philoſophi emendato, Latinos Codices ſe collocaturum (forte melius collaturum) Magiſter uero Conradus Suuynbeym, Germanus, a quo formandorum Romae librorum ars primum proſecta eſt, occaſione hinc ſumpta, poſteritati conſulens,*

F 2

ani-

i) de *Georgio Gemiſtho Plethone*, conf. praeter *KORNIGIVM* in *Bibl. V. et N.* p. 339. *SIMAEVS* in *Continuat. Bibl. Geſneri* p. 269.



animum primum ad hanc doctrinam capeffendam adplicuit; subinde mathematicis adhibitis nitris, quemadmodum tabulis aeneis inprimerentur, edocuit, triennioque in hac cura consumpto, diem obiit. In cuius uigilatum laborumque partem non inferiori ingenio ac studio Arnoldus Buckinck e Germania, uir apprimè eruditus, ad imperfectum opus succedens, ne, Domitii k) Contradique obitu, eorum uigiliae emendationesque sine testimonio perirent, neue uirorum eruditorum censuram fugerent, immensae subtilitatis machinamenta exausissimè ad unum perfecit. Ex quibus uerbis haud immerito conici posse puto 1.) Conradum Sweynheym solum peruenisse Romam, exercendae artis typographicae causi; Arnoldum uero, PANNARZ alias cognominatum, deinceps ab eo in socium laborum adscitum: Conradus enim solus Romanos artem formanderum librorum docuisse dicitur. 2.) Quamuis uarii antiquiores libri nomen Contradi et Arnoldi simul in fine ostendant, unumquemque tamen eorum separatim, emendandi cuiusdam auctoris curam gessisse; utrumque uero deinde communibus sumtibus excudisse. 3.) Cognomen uerum Arnoldi Pannarz fuisse BVCKINCK, quod hucusque a nomine obseruatum fuisse meminimus. Arnoldus enim ad imperfectum opus successit, ejusque ad finem perducendi curam egit, sumtus praeterea ad imprimendum suppeditans. Quod si diuersus ab Arnoldo Pannarz esset intelligendus, non omnes circumstantiae temporis, loci etc in eo conuenirent. 4.) Per multos annos et Conradum et Arnoldum saepius allaborasse, ut editiones librorum, ab iis excudendorum, accuratae et bene elaboratae prodirent. Hinc etiam patet, cur ii Anno 1472. Pontificem Romanum supplices adierint, et ab eo petierint, ut, consumtis pene ipsorum opibus, onus paupertatis miserum amohretur. 5.) Falli Cl. MAITTAIRE, l. c. p. 15. sine ulla addita probatione asserentem, quod Arnoldus ad annum usque 1476. typographicam artem exercuerit, cum praesens opus annum 1478. expressum ostendat. 6.) Conradum Sweynheym non soli arti typographicae uacasse, sed et alii, qua. ope tabularum aenearum, uariae figurae imprimuntur chartae; tribusque proximis ante obitum annis hac sola uictum sibi acquisiuisse. 7.) Errasse eundem MAIT-

k) Anno 1477. indiit. X. Calderinus obiit, testante T'ATHREMIO, de Script. Eccles. p. 370 edit. operum Trithemii, ex Bibl. Preheri. Catalogum Scriptorum Calderini uide in SIMLERI Contin. Bibl. Gysneri p. 206. et conf. FABRICII Bibl. Mediae Aevi T. I. p. 883. ERASMI praematurum Domitii Calderini obitum luget T. I. operum p. 348 sequentibus uerbis: Quid de Domitio Calderino? Bona spes erat: ni Romanae delicias, mox praematura mors intercepisset iuuenis bene coeptum in studiis cursum,



MAITTAIRE, p. 15. dicentem, quod citatus saepe Conradus non diu ultra annum 1473. uixerit; ob eam inprimis causam, quoniam libri p. 340. 347. et alibi, ab eo commemorati, nomen Arnoldi saltem gerant. Cum enim ipse Praefationis nostrae auctor dicat, Conradum aliud uitae genus elegisse; tale sibi eligendum putauit, quod a priori non plane alienum, et, exprimendo figuras tabularum aenearum in charta, uitam sustentauit. Conradus igitur, mea quidem sententia, 1476. diem clausit, sed post eius obitum Arnoldus toti operi finem imposuit: adhibitis ad imprimendas tabulas aliis uiris, a Conrado illud edoctis.

S. 5.

Sed redeundum mihi est ad recensionem Editionis huius: in qua, sequenti statim post praefationem pagina, Index legitur Capitulum Libri I. eumque ipse textus excipit latinus; qui in quam plurimis locis differt a textu Codicis EBNERIANI MSti, quae loca Domitius Calderinus sorte emendauit. Eadem est ratio textus in reliquis VII. Libris. Initiales librorum literae in textu non habentur, sed spatium adest illarum loco uacuum: Caput uero literae initiales, typo minore, et reliquo textui conueniente sunt expressae: ita tamen, ut in spatio maiori, et literis maioribus idoneo, sint collocatae. Custodes, quos uulgo uocant, in hac editione non comparent; sub finem autem libri registrum adest foliorum pro Bibliopegis, in quo primae cuiusuis folii uoces, more illorum temporum, habentur. Vid. MAITTAIRE l. c. p. 97. 98. et LOESCHER *Stromat.* p. 285. Post textum sequuntur tabulae XXVII. aeri elegantissime insculptae; adeo, ut mirum sit, eo iam tempore artem sculptoriam ad tantum perfectionis fastigium ascendisse. Imprimendarum quoque tabularum tunc temporis erat ratio peculiaris: uidentur enim hodiernum exemplaris huius tabulae, in ea parte, quae figuras ostendit, laeuigatae; in altera uero parte comparent uestigia lintei, quod inter imprimendum superimpositum fuerat chartae; cum hodie loco illius adhibeatur charta pura cum panno. Margini exemplaris SCHWARZIANI, manu eruditi cuiusdam uiri, inscriptae sunt emendationes uersionis Latinae, quae ad uerbum editioni Pirckheymerianae sunt insertae. Hanc ob causam plane mihi persuadeo, Pirckheymerum usum fuisse hoc exemplari, in corrigendo textu latino; num autem uera sit haec coniectura, ii iudicant, quibus manum Pirckheymeri cum Codice nostro conferre licet. Editionem, nescio quam, Cosmographiae Ptolemaei, manu Trapezuntii correctam, asseruatam fuisse in Bibliotheca Norimbergensium publica, refert SAVBERTVS, in *Orat. II. de Biblioth. Norimb.* p. 64. quae uero ab hac plane discrepat.

§ 7.

Quarta uice Geographiae Ptolemaei uersionem latinam esse dicitur prodia 1482. Romae ex officina Nicolai Hahn, FABRICIO *Bibl. Graec.* L. IV. C. XII. p. 413. qui narrat, se uidisse olim illius Exemplar, membranae impressum, in Biblioth. b. Abrah. Hinckelmanni, quod postea ad manus peruenit Summe Reu. DN. Ioh. Christ. Wolfii, Past. Hamburg. meritisimi. Sed ualde dubitabam, utrum omnia se ita haberent: siquidem facile fieri potuit, ut pro Romana, ex laplu quodam memoriae, uenditarit Fabricius editionem Vlmensem. Et uero praeter laudatum Fabricium, KRANZIUS in *Memorabilibus Bibliothecae Elisabethanae* p. 74. eius quoque mentionem facit; quae autem MAITTAIRE l. c. p. 438. habet, ea ex Fabricio sunt desumpta. Vterque istorum Virorum, et Fabricius et Kranzius, laudant exemplar membranae impressum; uterque Nic. Hahn typographum nominat, cuius tamen officina reliquis, Historiae Typographicae artis scrutatoribus plane est ignota; uterque iisdem fere, in describendo Exemplari, utitur uerbis: quae omnia fidem tantorum Virorum dubiam mihi reddiderunt; donec nuper amicus quidam, qui oculis suis in Bibl. laudati Wolfii usurpauit istud exemplar, uenustissimum pariter ac uetustissimum, ex subscriptione calci libri addita, me docuit, coniecturam meam esse ueram, editionemque Vlmensem pro Romana falso fuisse uenditam, Nicolai Donis nomine in Nicolai Galli conuerso,

§. 8.

Multo maiori proinde certitudine affirmare possum, auctorem nostrum eo ipso An. 1482. VLMAE a Leonhardo Hol fuisse excusum; siquidem tale exemplar, inter rariores Bibliothecae suae libros, numerat celeb. GODOFREDVS THOMASIVS, magnum inter Medicos Humanitatis Vindices Nomen; et bina extant in duabus instructissimis Vlmenium Bibliothecis, Krafftiana scil. et Marchtaleriana; perhibentibus *Amoenit. Litter.* T. III. p. 134. *Arbeiten der Gelehrten im Reich.* Vol. I. P. VII. p. 603. conf. MAITTAIRE l. c. p. 431. Insigne mendum haec editio, in primo statim dedicationis uersu, prae se ferre uidetur: Praefatio enim Nicolai Donis ad Paulum II. Pontificem, qui iam Anno 1471. diem suum obiit, Libro 1482. impresso est praemissa. Sed sciendum, Leonhardum Hol, Apographon, quod ad manus suas peruenit, una cum dedicatione, ad uerbum expressisse; hoc eo facilius fieri potuit, quoniam Dedicatio non Typographi, uerum Nicolai nomine est conscripta. Imo Bibliophilis nota erunt exempla talium librorum, quibus Dedi-



Dedicationes Seculo XIII. aut XIV. conceptae, sunt praemissae; quare, si nulla libris addita mentio loci et anni impressionis, ignari Historiae Typographicae eo insaniae se adigi passi sunt, ut statuerent, Librum eo, quem dedicatio ostendit, anno typis fuisse exscriptum. Haec Vlmenfis editio, referente MÜNSTERO in *Praef.* ad Edit. Lat. Geographiae Ptolemaei Basiliensem, de Anno 1540. *omnibus posterioribus editionibus, in calculo et locorum nominibus, est purior, et incorruptior.* Textus illius, in multis locis, discrepat ab Editione Romana, anni 1478. Tabulae Textui subiunctae XXXII. omnes ligno insculptae, a *Iohanne Schnitzer ab Arnsheim*; cuius nomen, in limbo superiore tabulae primae, legitur. Ex numero patet, tabulis XXVII. antiquioris Geographiae, a Nicolao Donnis quinque adhuc fuisse additas, situm et nomina recentiora urbium *Lusitaniae, et Hispaniae, Galliae, Scandinaviae, Italiae ac denique terrae Sanctae,* representantes. Nicolaum esse auctorem harum tabularum, ex eo conicio, quoniam in solis Exemplaribus, quae Nicolai nomen in fronte gerunt, primum habentur; et ab ipso in Registro s. Indice Alphabetico, super octo Libros Geographiae Ptolemaei, Editioni Vlmenfi Anno 1486. praemisso, ac supra recensito, plerumque citantur, Locus et annus impressionis, eum nomine typographi, in ultimae Tabulae parte auersa capitalibus literis indicantur, hunc in modum: *Claudii Ptolemei viri Alexandrini Cosmographie octauus et ultimus liber explicit. Opus Donni 1) Nicolai Germani secundum Ptolemeum finit, Anno MCCCC LXXXII, Augusti uero Kalendas XVII. Impressum Vlme per ingeniosum uirum Leonardum Hol, praefati oppidi ciuis.* Notandum est, nonnulla huius editionis exemplaria membranae fuisse impressa; ex quorum uno desumtae Tabulae, quae Codici MS. Norimbergensis Biblioth. sunt additae. Discrepant eae ab aliis huius editionis Tabulis, chartae impressis; membranaceae in prima parte, cui textus Ptol. ad eam explicandam quicquam faciens, inscriptus est, quatuor lineis paulo crassioribus, uariis duëctibus coloribusque distinctis, sunt exornatae; chartaceae uero iis destituuntur. Extare quoque editionis huius Exemplar in AVEGVSTISS. IMPERATORIS Bibliotheca, Reuerendiss. Gentilotti, ab Engelsbrunn, qui magno labore Lam-
becium

1) Vox haec *Donni* nonnullis occasionem dedit coniiciendi, uocabulum *Donis*, quod in sequentibus occurrit editionibus, non esse habendum pro nomine gentilitio, sed ortum ex uoce *Dominius*, per compendium scribendi *Donni*; quam autem coniecturam, meam non facio, maiorem tribuas fidem Trithemio, scriptori tere coaetuo.



becium et Neßlium auxit , annotauit ; quod Exemplar , multis annotationibus M^{is} in margine refertum, manu IO. SCHONERI, celeberrimi olim Mathematici correctum esse et emendatum putauit. Præterquam quod manus Schoneri ex aliis schedis ei innotuerit, coniecturam hanc non parum firmabat Scheda, exteriori ligaturæ parti agglutinata; quæ exhibet scutum transuersim bipartitum, cuius area superior libram antiquitatem, nonnihil uersus sinistrum latus inclinatam, inferior crucem, trabe transuersa notatam ✠ ostendit, cum hac Epigraphe:

Hoc te, posteritas, Schonerus munere donat,
quo stante ingenii stant monumenta sui.

Notæ margini adscriptæ manu Schoneri, non solum in textu, sed et in ipsis tabulis. Priores emendant textum, quoad gradus longitudinis aut latitudinis, indicantque tabulas, in quibus nomina urbium occurrunt. Posteriores exprimunt nomina urbium ac aliorum locorum Seculo XVI. consueta, et a ueteribus nonnihil recedentia. Diuersitas tamen manus in annotationibus deprehenditur; cum aliæ paulo crassioribus literis, aliæ uero subtilioribus sint exaratae. Exempla emendationum subiungrem, dummodo chartæ id permetteret angustia,

§. 9.

Ab editione modo recensita parum aut nihil differt alia, itidem Vlmæ excusa; cui NICOLAI DONIS *Tractatus, de locis ac mirabilibus mundi*, est subiunctus; fabulis abundans, admixtis nonnullis utilibus. Neque in textu, neque in tabulis huius editionis quicquam esse mutatum, quiuis, conferens eam cum proxime præcedenti, fatebitur. In calce libri hæc leguntur: *Impressum Vlmæ opera et expensis Iusti de Albano, de Venetiis, per Prouisorem suum, Iohannem Reger, Anno Domini MCCCC LXXXVI. XII. Kalendas Augusti.* Paulo inferius ardea, super colle tripiti viridi in scuto nigro, constituta; scuti lateri dextro litera I, sinistræ R adscripta est. Nonnulli putant, editionem hanc Venetiis fuisse typis exscriptam; cum uero 1) character editionis Vlmensis de anno 1482. cum character huius recentioris editionis per omnia conueniat 2.) ipse Iohannes Reger, de Kemnat, oppido Palatinatus superioris ortus, non solum eo anno, sed et nonnullis aliis m) libros ex officina sua prodire fecerit; Vlmæ hinc

m) uid. MAITTAIRE I. c. p. 474. 542. 609. 634.

hinc potius, quam Venetiis, quam prae manibus habeo, editionem impressam esse, plane mihi persuadeo. Non autem nego, Iustum de Albano, Bibliopolam forte Venetum, sumtus Iohanni Reger suppeditasse, ad opus integrum Ptolemaei imprimendum; siquidem diuersarum Bibliothecarum Indices, Lugdunensis scil. Venetae, ac Lipsiensis me docuerunt, omnia opera Ptolemaei, praeter Geographiam, eodem quoque anno Vimae fuisse excusa, Conf. et LOESCHERI *Sironiat*, pag. 149.

§. 10.

Quatuor rursus post annos Ptolemaeus Romae in fol. maj. prodit, quod bina exemplaria, Viennae, in Biblioth. Illustrissimi Comit. PERTVSATTI, et Ienae in Bibliotheca Academica, extantia docent. En uerba in ultima edit, pagina scripta: *Hoc opus Ptolemaei, memorabile quidem et insignis, exactissima diligentia castigatum, iucundo quodam charactere impressum fuit, et completum Romae Anno M CCCC LXXX, die 15. Nouembris, arte et impensis Petri de Turre. Euolue quoque Maittaire l. c. p. 528. Non aliud, praeter hoc unicum, officinae Petri a Turre monumentum, mihi innotuit, neque etiam celeb. Maittaire; qui in Indice Typographorum chronologico, ad annum saltem 1490. eiusdem facit mentionem. Tamen hoc unicum sufficere posse puto, memoriae Petri a Turre conseruandae; siquidem, ob nitorem chartae et typorum; ualde se commendat, et proxime cum editione Romana Anni 1478. conuenit. Textum nonnullis in locis fuisse emendatum, ex subscriptione adducta concludo; nam collationem cum aliis exemplaribus instituere mihi non licuit. Tabulae adfunt XXVII. et quidem aeri, quamuis paulo rudius, incisae, et superadditus iis memoratus iam saepius Nicolai Donis Tractatus, de orbis mirabilibus. Gerardus Mercator, in Praefat. ad Editionem Graeco-Latinam supra recensitam, fatetur, se, in adornanda ista editione, inter alias Editione Veneta de Anno 1490. fuisse usum.*



CAPVT VII.
DE PTOLEMAEI GEOGRAPHIAE
EDITIONIBVS LATINIS. SECVLO XVI.
EXCVSIS.

§. I.

STatim sub initium Seculi XVI. autor noster typis rursus fuit mandatus. Extat haec editio in thesauro librorum rarioꝝ EBNERIANO; cumque tituli tunc ceperint libris praefigi, etiam huius editionis integram rubricam, ut alii loquuntur, huc adscribam: In hoc opere continentur, Geographia Claudii Ptolemaei, a plurimis Viris utriusque linguae doctissimis emendata, et cum Archetypo a) Graeco ab ipsis collata. Schemata cum suis demonstrationibus correcta a Marco Beneuentano, Monacho Coelestino, et Iohanne Corta, Vironensi, viris Mathematicis consultissimis. Figura, de projectione Sphaerae in plano, quae in Libro VIII. desiderabatur, ab ipsis non tam instructa, sed sive adiuncta: eius enim uestigia in nullo, etiam Graeco Codice, extabant. Maxima quantitas dierum ciuitatum, et distantiae locorum ab Alexandria Aegypti cuiusque ciuitatis, quae in aliis Codicibus non erant. Planisphaerium Cl. Ptolemaei nouiter recognitum, et diligentissime emendatum a Marco Beneuentano, Monacho Coelestino Noua et universaliter cogniti orbis tabula, a Iohanne Ruych Germano elaborata. Sex tabulae nouiter confectae, uidelicet Liguorinae, Hispaniae, Galliae, Germaniae, Italiae, Iudaee. Cautum est edito Iulii II. Pontificis maximi, ne quis imprimere, aut imprimi facere audeat hoc ipsum opus poena excommunicationis, latae sententiae, his, qui contra mandatum iussuque conari audebunt. Anno Virgines partus M D VIII. Romae. Quae in hoc opere contineantur, titulus satis docet. Viri isti doctissimi, qui de hac editione bene meruerunt, sunt Marcus Beneuentanus, et Iohannes Corta; uterque eorum scriptis clarus. Marcus enim scripsit Dialogos aduersus Albertum Pighium, quos Erisius in Continuat. Bibl. Gesneri p. 566. Romae dicit in 4 fuisse excusos. Forte quoque nonnulla de Marco habet, Torreyus, in Bibliotheca Neapolitana. Bernhardus Syluanus, qui editionem Venetam, de Anno 1511. mox uberius recensendam, procurauit, in annotationibus ei praefixis, paulo iniquius de Marco sentit; dicens:

Non

a) Archet. pon. hic non sumitur, pro libro, ipsa Ptolemaei manu exarato; sed pro textu Graeco, qui respectu uersionis habetur pro Archetypo.

Non possum Marci Beneventani Monachi insitiam praeterire. Is enim cum Petrole-
maei opus emendandum assumisset, non modo non emendauit, sed in plerisque locis
adeo corripuit, ut manifestam implicet contradictionem, etc. Exempla etiam non-
nulla allegat Syluanus, ex quibus idem probare annititur. Fateor qui-
dem iubilantissime, Marcum multa pro arbitrio suo, et non semper ope
Codicum, et textus Graeci, emendasse: interim tamen non omnis eius
labor est frustraneus; siquidem margini uersionis appositae sunt non-
nullarum Graecarum uocum explicationes latinae, aliaque, explicationi
textus inferuentia. Vtrum uero ea Marco, an uero Io. Cottae sint
attribuenda, non satis constat. Syluanus certe, quaecumque in edi-
tione Romana laudem mereantur, in annotationibus citatis Io. Cottae
attribuit; scribens inter alia, quod demonstrationes illae, quae in primo et septi-
mo libro sequuntur, Ioannis Cottae sint ascribendae, utpote, qui ea loca emendauit.
Et paulo post in laudem eius sic loquitur; neque enim aut ingenio aut eru-
ditione cuiquam nostra aetate CORTA cedebas. Sed, prob DEVM atque homi-
num fidem, tum, cum maxime floveret, cum maturum iam ingenium, non spem mo-
do sui, magnam polliceretur, sed uberrimos iam fructus ferre inciperet, importuna
sane et immatura morte, non sine maxima bonarum artium iactura, trigesimo ae-
tatis anno, proxima aetate (anni uidelicet 1510) Viterbii decessit, etc. Haec
uerba, quamuis ab amico prolata, cui obitus Cottae magno erat dolori,
non tamen ex quadam adulatione profluxerunt. Frisius enim in *Con-*
tinuat. Biblioth. Gislei p. 521. plura eius recenset scripta, in primis *Chro-*
nographiam uersibus describi coeptam; quam uero, cum eruditio eius in Plinium
Scholus perisse dicit. Varia eius Epigrammata, cum M. Ant. Flaminii, An-
dreae Naugerii, Lamprijii, Sadoleti, et aliorum Epigrammatibus Parisiis f. a. in 8vo.
et Florentiae 1552. prodierunt. Ceterum notandum est, Cottam, qui,
in titulo nostrae editionis, Veronensis uocatur, teste Frisio l. c. ortum esse
apud Alieniacum pontem, oppido, supra Athesin sito. Conf. Iovivs,
in *elojiis illustrium literis Virorum* p. 107.

§. 2.

Vterque horum Virorum suscepit opus, curante Reu. Patre Dn.
Fabricio de Varano, Episcopo Camerensi, quod docet dedicatio nostrae edi-
tionis, directa ad Robertum Tir. s. Anastasi, Presbyterum Cardinalem, Nanne-
rensem; ex ea etiam discimus, Scipionem Carteromachum b) Pistoriensem, ut in

G 2

lati.

b) vid. de eo Fabricij l. c. p. 744. et Koenigii *Biblioth. Vet. et Nov.* p. 169.



latinis clarum, ita et in Graecis nulli illius temporis secundum; et *Cornelium Benignum*, c) *Viterbiensem*. Latini Graecique sermonis peritissimum, pleraque cor-
rexisse, et castigasse sedulo. *Planisphaerium Ptolemaei*, editioni huic adie-
ctum, Evangelista *Tossinus* accepit ex Bibliotheca Palatina. *Ioannes*
quoque *Baduarius*, *Patritius Venetus*, et *Senatus Veneti* apud *Pontif.*
Max. Orator, aliud Exemplar *Marco Beneuentano* tradidit, cum ille
apud *fosfas Clodianas Praetorem* ageret. Ex utroque igitur exemplari
latino d) *Marcus* hunc libellum restituit, quantum scil. ex versione la-
tina restitui potuit. Egit de hoc libello b, *FABRICIUS Bibl. Graec. L. IV.*
C. XIV. §. 11. p. 449. In calce nostri Exemplaris haec leguntur: *Expli-*
cit Planisphaerium Ptolemaei, recognitum diligentissime, a Marco Monacho Bene-
uentano Coelestinorum: quod antea in multis etiam latinis Exemplaribus corruptissi-
mam reperiiebatur. — Romae nouiter impressum, per Bernardinum Venetum de
Vitalibus. Expensis Evangelistae Tossini Braxiani Bibliopolae. Imperante Iulio II.
Pontifice Maximo, anno tertio Pontificatus sui, die VII. Septembris anni M D V17.
Quo longius Ars Typographica per orbem fuit dispersa, eo plures se
obtulere, sumtibus ad eam magis excolendam suppeditandis: quo au-
tem factum est, ut, qui reditus exinde potuerint sperari, Typographis
fuerint erepti. Iam sub finem Seculi XV. aliorum expensis libros a Ty-
pographis fuisse excusos, ex editione Vlmensi Anno 1486. superius addu-
cta, haud difficile est cognitu. Pari etiam ratione id, quod praec mani-
bus habemus Exemplar, a Typographo Romano, Venetiis orto, et in
arte sua satis claro, fuit impressa, Evangelista Tossino, Bibliopola Aca-
demiae Romanae, sumtus ferente. Quantum recorder, nomen Bernar-
dini de Vitalibus a cel. MAITTAIRE inter Typographos non fuit relatum;
quod forte in Supplementis Tomi II. fiet. Memoratu dignum est,
quod in nostra editione diuersus occurrat annus impressionis: uidelicet
in Titulo annus 1508. in calce uero Planisphaerii 1507. Sed cum in al'e-
gatione anni 1507. indicetur simul mensis et dies, quo liber praelum ef-
fugerit, maiorem certe huic tribuo fidem, quam titulo. Interim tamen
non nego, a Bibliopola alium titulum praefixum esse libro, annum
1508. in fronte gerentem, id quod collatio binorum diuerso anno in-
signi-

c) a quo diuersus *Georgius Benignus*, Episcopus Nazareus, de quo H. ab *HARDT*
Ionas in luce legendus p. 557. De nostro *Cornelio* uid. *KORNGIUS* l. c. p. 100.

d) Graecus enim textus, referente *Vossio de Mathesi* Cap. XXVI. §. 6. plane
interiit.

signitorum Exemplarium, *Viennae a Perillugeri DN. EBNERO* instituta, me docuit. In prioris enim editionis, anno 1507. excusae, frontispicio, nec annus exprimitur, nec figurae istae exhibentur, quae in posterioris editionis de an. 1508. titulo conspiciuntur. Deinde in posterioris titulo *nouae et uniuersalis tabulae cogniti orbis*, a IOHANNE RVVSCH inuentae, fit mentio, quae, una cum sexaliis tabulis, libro sit inserta; in prioris uero titulo eae non recensentur. Denique in dedicatione posterioris Exemplaris litera prima fuit omissa, loco autem illius Diua Virgo Maria, ante cuius genua uir, nigra ueste indutus, prouolutus iacet, picta uidetur; in priori uero ea litera habetur. Nihilo tamen minus conicio, utramque editionem pro una esse habendam; 1.) enim utriusque Exemplaris dedicatione ne uerbum est mutatum, quamuis diuersitas deprehendatur characteris 2.) in ipso libri textu nulla inuenitur uerborum aut typorum differentia; potius utriusuis exemplaris paginae et lineae quam accuratissime inter se conspirant. 3.) Subscriptio, in calce Planisphaerii legenda, eadem est in utroque Codice. Forte igitur Bibliopola, qui iam per integrum decennium Romae uiam agens, 500. huius libri exemplaria imprimi curauit, ex pia quadam fraude, hodienuum consueti, exemplaribus non statim diuendis, nouum et ampliorem praemisit libro titulum, nouasque addidit tabulas, ad alliciendos magis curiosos harum rerum emtores.

§. 3.

Sed, alia adhuc, in utraque editione, occurrunt memoratu digna. Alteram enim post dedicationem plagulam occupat Priuilegium Papale: id quod monendum contra S. R. LOESCHERVM, Virum de Ecclesia et literis bene meritum, qui in *Stromat.* p. 287. obseruationes tradens, de artis typographiae pueritia, sic scribit: *primum, quod sciam, Priuilegium librorum datum est 1514.* Sed altius esse repetendam Priuilegiorum originem, probant opera Campani, *Mediolani* An. 1495. a Michaelē Ferner, et Eucharzio Silber excusa, quibus priuilegium LVDOVICI SFORZIAE Ducis Mediolanens. praemissum est; imo in Catalogo Librorum ante Anno 1500. impressorum, quem dedit MAITTAIRE T. I. *Annal.* plura et antiquiora occurrunt exempla. Deinde et hoc ex laudata dedicatione notandum, quod: Typographis et Bibliopolis non fuerit liberum, pretium libris certum statuere, sed summos imperantes Viro harum rerum perito, et fideli, potestatem concessisse, libros aestimandi, Sic enim habent ipsa Priuilegii uerba:

Voluimus, quod dicti libri nullatenus vendi possint, nisi dilectus filius, Thomas Phœdrus, Canonicus Lateranensis, Bibliothecarius et familiaris noster, de cuius fide plenam in Domino fiduciam obtinemus, iustum pretium imposuerit; imò a cuius determinatione vendi debeant. Optandum esset, ut hodiernum illius rei curam agerent summi imperantes; ne iniquo interdum pretio emptores pecunia emungerentur.

S. 4.

Præter uero Ptolemæi Planisphaerium, addita appendix alia, quæ inscribitur: *Nova orbis descriptio*. Hic liber, ut ex duplici dedicatione, una Evangelistæ Tossini ad Cardinalem Nannetensem, altera, Marci Monachi ad Marianum Aretinum, Patricium Romanum, conicere licet, eundem Marcum habet auctorem. Continet autem Commentarium ad Tabulam cogniti orbis uniuersaliorem, ex obseruationibus recentioribus a IOHANNÆ RYSCHE) Germano, ad mentem Ptolemæi Lib. I. C. V. concinnatam; in quo tamen Ptolemæus, falsum nonnullis locis adtribuens situm, emendatur, et in uerum locorum situm inquitur. Tabulae in editione anni 1508 extant XXXIV, præter enim XXVII, quæ in antiquioribus occurrunt, septem aliae accesserunt, in frontispicio libri iam enumeratae: omnes aeri sunt satis eleganter incisæ. Subiicitur tandem Tabula Nicolai Denis Liber, de tribus orbis partibus, supra recensitis. Rarioribus libris hanc Ptolemæi editionem esse accensendam, ex eo patet, quoniam 500. saltem Exemplaria sunt typis expressa. Vnicum adhuc moneo, nulum distinctionis signum, præter punctum et comma, in hoc exemplari occurrere: cum tamen alii libri, sub idem tempus excusi, pluribus incisuris sint referti.

S. 5.

Vix tres elapsi sunt anni, cum noua nostri auctoris editio in Italia quoque lucem aspexerit: Venetiis scil. quæ urbs non olim solum, sed et hodie, optime de literis meruit. Titulus primò statim folio inscriptus literis rubeis, sequentem in modum: *Claudii Ptolemæi Alexandrini*

Liber

e) de quo ita loquitur Marcus Cap. III Iohannes Ryschius (*Adversus eum in Praef. Edit. 1540. Ryschium uocat.*) Germanus, Geographorum meo iudicio peritissimus, ac in pingendo orbe diligentissimus, cuius adminiculo in hac lucubratiuncula usi sumus, dixit, se nauigasse ab Albionis Australi parte, et tam diu, quoad sub parallelum ab subaequatore ad boream, sub gradum 53. peruenit: et in eo parallelò nauigasse ad ortus littora, per angulum notis, atque plures Insulas lustrasse, quarum inferius descriptionem assignabimus.

Liber Geographiae, cum tabulis et uniuersi figura, et cum additione locorum, quae a recentioribus reposita sunt, diligenti cura emendatus, et impressus. In aversa tituli pagina aliquot leguntur uersus, Iohannis Aurelii Augurelli, allocutionem eius ad lectorem comprehendentes; quibus monet, ne primo statim intuitu lector industriam, in edendo auctore hoc adhibitam, spernat, Syluano potius, qui eius curam gessit, gratias agat. Sequitur hos uersus dedicatio *Bernardi Siluani, Eboliensis, ad illustriss. DN. ANDREAM MATTHAEVM AQUAVIVAM, Adriac Ducem, et Eboli Dominum*; in qua inter alia Syluanus narrat, quod et Latina et Graeca exemplaria inter se contulerit, et, hortante *Pandulfo Cinnamo*, textum ac tabulas, Ptolemaeo ipsi, et menti eius conuenienter descripserit. Dedicationem ipsam excipiunt eiusd., *Bernardi* Annotationes in Geographiam Ptolemaei, quibus partim ad Quaestionem respondet, cur tabulae huius editionis ab aliis differant; partim uero errores nonnullos, quos *Marcus Monachus Bencuentanus* in editione sua commisit, recenset; cum e. g. Hydruentem terminum Italiae uersus tres plagas, orientalem, Septentrionalem et meridionalem posuit, eamque fluuium, non urbem, esse asseruit. Ipse textus Ptolemaei paucis in locis est emendatus; in reliquis cum uersione Iac. Angeli conuenit. Locorum distantiae plane a reliquis editionibus differunt, ex diuerso meridiano deductae. Summae Capitum aliaeque prae ceteris memorabilia rubris literis, reliqua textus uerba atris sunt expressa. Tabulae, non tam ad mentem Ptolemaei, quam ad relationes iter facientium, sunt delineatae, omnes autem numero XXVIII. ligno incisae. Locorum nomina minutiori characterē indicantur, male interdum diuisa, adeo, ut uix legi possint. In calce libri locus impressionis et typographus notatur, hunc in modum: *Venetis per Iacobum Penzium de Leuco Anno Domini MDXI, die XX, mensis Martii.* Eiusdem editionis mentionem facit MELLERSTADIVS, in *Epistola ad SPALATINVM*, quae *Manipulo I. Epistolarum a HECKELIO Plauiae 1695. in 8. edit. p. 104.* inserta habetur, dicens: *Bibliopolam Norimberg. habere uenalem Ptolemaicum in littera Veneta, et papyro subregali, decus Bibliobecarum.*

§. 6.

Vix duo praeteriere anni, cum noster auctor *Argentinae in fol. maj.* rursus prodit: quod certissimo est testimonio, eius librum ab eruditiss. magni fuisse aestimatum. Titulus praefixus, quae in editione hac singularia deprehenduntur, breuiter indicat, quem ea propter quoad
prae-



praecipua huc apponam: CLAVDII PTOLEMAEI Viri Alexandrini, Mathematicae disciplinae Philosophi doctissimi, Geographiae opus translatione e Graecorum archetypo castigatissime pressum, ceteris ante lucubratis multo praestantius: pro prima parte continens Cl. Ptolemaei Geographiam per octo libros partitam — una cum collatione dictionum Graecarum, & regione ad latinas, certissima graduum calculatione, Registrationem itom novam Regionum — ad ordinem chartarum et columnarum singula certissimo monstrans indice: quam brevis et doctissima Georgii Lili subsequitur instructio, de Graecorum numerali supputatione in translatione Graeca, res scitu aurea, Tabulae XXVII. auctoris: Pars II. moderniorum lustrationum XX. tabulis veluti Supplementum quoddam antiquitatis obsoletae, suo loco, quae vel abstrusa, vel erronea videbantur, resolutissime pandit. Adnexo ad finem tractatu — de variis moribus et ritibus gentium. Annum et locum impressionis ultima indicat pagina, his verbis: Anno Christi opt. Max. M D XIII. Martii XII. pressus hic Ptolemaeus, Argentinae, vigilantissima castigatione, industriaque Iohannis Schotti, urbis indigenae: regnante Maximiliano Caesare, semper augusta. Aversam tituli paginam occupat Epistola Io. Francisci Pici, Mirandolae Domini etc. ad Iacobum Esler, I. V. Doctorem, et complices eius, data IV. Kal. Septemb. 1508. In hac miratur iteratum Philesi in Italiam aduentum, e quo se tradidisse dicit Graecam Ptolemaei Geographiam; quam si Latinae variis typis excusae composuerint, cognoscerent, hanc ab illa tantum abesse, quantum Ptolemaeus absuerit a Regio fœderate, etc. Deinde in nomen et aetatem Ptolemaei, ac denominationem libri, inquit: laudat denique diligentiam Esleri et reliquorum, qui Ptolemaeo emendando hucusque iniudarunt: hortans eos, ne transuersum unguem recedant a diligentia in opere communicando adhibita; alioqui facile euenturum, ut eorum, quae magno labore parauerint, nullo labore fiat iactura, ob impressorum vel imperitiam, vel negligentiam. Cum igitur ab anno 1508. inuigilarint operi 1513. demum perfecto, sequitur, per sex annos eas allaborasse, editionem, tam bene et accurate emendatam, in manus tradere eruditorum, qualem ante eos nemo. Id quod laudatus ESLER, cum GEORGIO VBELIN, qui Curiarum Ecclesiast. Argentinenisum causarum Patronos se uocent, in Dedicatione 1513. XV. Martii ad Augustissimum MAXIMILIANVM Romanorum Imperatorem fatentur: uocantes hanc editionem, opus, sua uigilantia, curis, et sumptibus renatum. Textus ipse comprehendit uersionem, a Phileseo forte elaboratam: siquidem plane alia est, ac Iacobi Angeli. Interim tamen nec hoc negari debet, uersionem esse non adeo perspicuam: auctor enim illius fere ubique sequitur textum Graecum

Graecum , etiam in Idiotifinis linguae illius ; non raro quoque uerba Graeca latinis uocibus , sensum non satis exhaurientibus , et interdum barbaris reddidit. In secundo et reliquis libris , nominibus locorum latinis , Graeca quoque sunt addita , maioris forte euidetiae causa. In eo exemplari , quod possidet celeb. SCHWARZIVS , illuminatorem , ut MATTAIRE uocat , adhibitum esse , deprehendo , qui literas librorum et capitum initiales , a reliqui textus caractere non differentes , inque maiori spatio collocatas , uariis coloribus eleganter pinxit ; additis quoque in medio textu uariis ductibus. Post textum sequitur *Registratio* , cuius in titulo libri facta erat mentio ; indicans ordine Alphabetico loca , in Ptolemaei libris occurrentia. Totum opus finitur Epistolâ LIIII GREGORII ZIRALDI , ab aliis GYRALDI dicti , quae *Ferrariae* 1508. X. Cal. Sept. data est ; in ea quaerenti *Philoso* , de numeris Graecorum in MStis occurrentibus , respondet *Gregorius* , et eos breuiter explicat. Ceterum docet admonitio quaedam , in ultima pagina legenda , PHILESIUM f) concinnasse uersionem latinam ex textu Graeco. Proferam ex ea sequentia : PHILESII diligentiam in hoc plurimum cooperatam scias , cuius fideli doctaque manu totum quod uidet opus transcriptum , secundaria dein reuisione eius qui praesit , summis uigilantia et curis , aere graphatum est. Post tabulas XXVII quae in antiquioribus editionibus habentur , aliae XX. sequuntur , nouam Geographiam complectentes , inque pagina quadam , tanquam altera pars libri , enumeratae , addita allocutione ad lectores. His iuncta est tabula *Hydrographica* , per *Admiralem* quendam (sic habet allocutio) *Regis Portugalliae* , consignata , quae ex singulari fauore , RENATI Ducis *Lotharingiae* , editoribus tradita fuit , cum alia *Ducatum Lotharingiae* repraesentante. Additus tandem Nic. Donis Tractatus , de locis ac mirabilibus mundi , saepius laudatus. Hoc ipsum , quod in Bibl. celeb. SCHWARZII uidet exemplar , pertinuit olim ad clarissimum Ictum , Casparem Zieglerum , ceu inscriptum titulo nomen illius docet. Vid. de hac editione S. R. HAEVERI *Epitome Hist. Mapparum Geograph.* p. 22. not. u. et p. 94. not. g. Rarissimam merito eam uocat RELANDVS in *Palestina* p. 346. edit. Amstelod.

S. 7

Patria quoque mea dulcissima , Norimberga , de Ptolemaeo bene
H
mere-

f) PHILESIUM carmen condidisse de Volago , testatur KÜENIGIUS in *Bibl. V. et N.* p. 631 GARNERVS autem in *Bibliotheca* p. 583 , mentionem facit cuiusdam RINGMANNI PHILESI , diceps , eum scripsisse enarrationem Europae , Argentinae 1511. impressam ; quod forte opus diuersum ab eo , quod in praesenti recensui ,



mereri coepit. Florebat in ea Seculo XVI. ineunte IOHANNES WERNERVS, Vir ob Mathematicam scientiam, et multifariam eruditionem clarissimus. Hic suadente IOHANNE STABIO, Mathematico Caesareo, postquam delituerat hucusque Versio IOHANNIS REG OMONTANI, similem laborem suscepit; cum uero saltem uestigium primi Libri ad finem perduxisset, ei-que labori continuando non diutius insillere potuisset, suasu tamen amicorum quorundam eum prelo mandauit, et alios similis argumenti tractatus adiunxit. Titulum libri MD XIV. in fol. editi hic integrum descriptum dare, non est opus; cum eum celeb. DOPPELMAYERVS operi suo, *de Mathematicis et Artificibus Norimbergensibus*, multo labore, multaque eruditione conscripto, p. 32 33. et 44. not. u. inseruerit, quaeque in eo notanda, indicarit; ad quod B. L. remitto. Vnicum ibidem dictis addo; memoratum nempe WERNERVM fuisse Societati Rhenanae adscriptum, quae sub directione Dalburgii Seculo XVI. ineunte floruit; uti testatur Praef. ad opera HROSWITHAE Norimbergae MDI. et *Wittebergae* 1707. in 4to, excusae; add. Cel. IAC. BYRCKHARDVS, de *fatis Linguae Lat. in Germania* T. II. p. 403.

S. 8.

Post tot alias editiones Iohannes Scotus, Argentoratensis Typographus Anno MDXX. Ptolemaeum recudendum existimauit; quale exemplar est penes PERILL. DN. EBNERV. Vocatur haec editio in titulo *au-tilis, restituta, emendata*. Curam procurandae illius egit GEORGIVS VBELIVS, Illustrissimi Principis Guilielmi, Episcopi, a Secretis, et V. I. Doctör; qui textum ex uersione latina anni 1511. recudi iussit, et in pluribus locis puriori latinirati restituit. Cum qua editione et in hoc conuenit, ut Graeca locorum nomina latinis sint addita, tabulaeque ligno incisae; proinde ei uberius recensendae superfedeo. Signum, uti mihi uidetur, typographum, in ultima pagina conspicuum, non possum praeterire; duos nempe Canes, sese inuicem commordentes, cum Epigraphe: *Vim ut repellere licet*. Ab hac editione aliqua ex parte differt alia, ibidem Argentorati MDXXII. exscripta, *typis et impensis propriis Io. Greningeri, cum Neotericorum perlustrationibus*. Nihil enim in textu fuit immutatum; quamuis in tabulis adsit differentia, et XXVII. antiquioribus XX. recentiores additae. Vni earum lateri a tergo *explicationes breues sunt inscriptae, alteri uero lucubrationes succundissimae, rituum, aliorumque mirabilium*. Adornauit hanc editionem LAURENTIVS PHRISIVS, *artis Apollinae Doctör*,

Doct̃or, et Mathematicarum artium Clientulus : in lucem iussu prodire Io. Grieninger — qui opus insignis acrius notulis excepit, laudabilique sine perfecit XII, die Marcii Anno MDXXII. fol. Bina exemplaria huius editionis Viennae et Venetiis extant; mihi autem ipsi nullum perlustrare contigit. Sic et de Editione Norimbergenſi anni MDXXIV. cuius exemplar in Biblioth. Vindobonenſi extat, ceu relatum accepi, nil certi proferre poſſum. Quod ſi autem coniecturis inſiſtere licet, forte ex errore haec editio pro Norimbergenſi uenditur. Illius enim, quam mox recenſebo, epiſtola dedicatoria, Norimbergae data eſt; quem locum commemorationis Pirckheymeri alii pro loco impreſſionis habent.

§. 9.

Omnium, quas uidi, editionum Ptolemaei ſplendidiffima eſt, quae curante Bilb. Pirckheymero ſequenti prodiit titulo: *Claudii Ptolemaei Geographicæ enarrationis Libri VIII. Bilibaldo Pirckbrymero interprete; annotationes Iohannis de Regiomonte, in errores commiſſos a Iacobo Angelo, in translatione ſua: excedebat Baſileæ Io. Grieninger communibus Io. Kobergeri impenſis III, Cal. April, MDXXV. Poſſidet eam celeb. I. D. KOELERVS, Profeſſor Hiſtoriarum Goettingenſis. Non ſine cauſa eam nominaui ſplendidiffimam: etenim, dicente MAITTAIRE *Annal. Typogr. T. II. p. 666. not. b. ſingularum paginarum margines florulentis et columnatis limbis decoratae, et initiales maiuſculae Capitum ſingulorum literae figuris praefertim Mathematicis inſignitae. Praeterea in ſuperiore cuiuſuiſ folii limbo maiuſculis literis, in formam pittacii poſitis, indicatur, quotus ſit liber, quotumque folium. Exemplar hoc Pirckheymerus SEBASTIANO Epifcopo Brixienſi inſcripſit; quam dedicationem, multa erudite dicta in ſe continentem, Goldaſtus operibus Pirckheymeri, iunctim editis p. 235. ſeq. inſeruit, ex qua, ad Hiſtoriam huius editionis facientia, repetam. Duo, inquit Pirckheymerus, extiterunt, qui librum hunc uertere ſunt auſi; Iacobus nempe Florentinus, et Iohannes Berenberus, g) conſertaneus noſter. Italus tamen, licet Graeca aliquantulum calluiſſe uideri poſſit, diſciplinam tamen Mathematicam ita ignorauit, ut plerumque nec ſemetipſum intellexerit: Germanus uero, tametiſi in Maſtheſi admodum excelluerit, in Graecis tamen ita aliquando hallucinatus eſt, ut rebus potius caliginem obſcuderit, quam luminis aliquid attulerit. Ego uero, quamuis de eruditione mea, tam Graeca, quam Mathematica, non admodum gloriari poſſim, aut debeam; nullius tamen uiri boni ac docti iudicium in hac mea translatione formido: cum, adſtipulante ueritate, affir-**

H 2

MATO

g) Wernerus uulgo dictus, de quo ſupra §. 7. ſub ſin.

mare ausim, illam et prioribus dilucidiozem, et magis ad Ptolemaei accedere mentem. Quam re uel unicus testis, Iohannes nempe de Regio Monse, omnium Mathematicorum nostrae aetatis facile Princeps, mihi sufficit, cuius auctoritatem in plerisque me sequutum esse, adeo non dissimulo, ut etiam fragmenta annotationum eius, quae penes neminem praeterquam me fuisse, his meis lucubrationibus adungere uoluerim. Haec Pirckheymerus l. c. qui et paucis interiectis subiungit, ex prioribus translationibus, uix umbram quandam Ptolemaicae mensuratis et eruditioribus, ad latinas peruenisse aures. Ex quibus uerbis satis superquede labore a PIRCKHEYMER, praestito iudicari potest. Regiomontani annotationes textui huius editionis non sunt inspersae, sed sub finem demum octo librorum leguntur; in quibus uaria loca uersionis Iacobi Angeli, ex libro I. emendantur, et illustrantur. Fata harum annotationum describit memoratus DOPPELMAYERVS l. c. p. 12. not. d. d. p. 18. not. e. p. 24. not. g. et i. p. 32. not. r. p. 42. not. i. Quae sub finem annotationum leguntur uerba h) docent,

h) Sic ista se habent: Nec hoc praetercundum est, nihil a nobis, praeter Ptolemaei scripta, ac Iohannis de Regiomonte annotationes, editum esse: cetera uero ab aliis utenque addita, quo librariis suas merces facilius extrudere possint. Haec uerba probe notanda, quoniam iis, quae a SERVETO in Carcere fuerunt prolata, lucem affundunt. Etenim obiciebatur illi ex Ptolemaei Geographia a se procurata, quod Mosen, terrae Cananaeae magnam fertilitatem adscribentem, culpauerit, ut haec retulit SCHLWESSELBERGIVS, in *Catal. Haeret.* T. XI. p. 190. Respondit autem SERVETVS, ea iam ab alio fuisse dicta. Conjecerunt nonnulli uiri eruditi, ex editione PIRCKHEYMERI ea fuisse desumpta, in quae etiam, testantibus additionibus ad Noua literar. Lips. P. I. p. 10. leguntur. Sed cum laudatus PIRCKHEYMERVS, praeficiens quasi ea, quae postea acciderunt, his uerbis sese contra omnes iniquas censuras munierit, famaeque suae consulerit; hinc ea, quae praeter textum Ptolemaei, et Regiomontani annotationes, in edit. Argentoratensi leguntur, non Seruetum, sed alium quendam Virum, auctoritati Mosis quicumque derogantem, auctorem habuisse omnino puto. Conf. excerptum Epistolae celeb. des MAIZEAUX ad DN. de la MOTTE, in *Bibliothèque Raisonnée* T. III, p. 71. seq. ZORNIVM in *Annot. ad Hecataei Abderitae Fragmenta* p. 77. MYNSTERVS quidem eadem uerba repetisse uidetur, in *Isagoge, tabulae, terram sanctam* repraesentantis, tergo adscripta, dicens: Cum habitatores eius essent uelli — terra quoque ipsorum uariarum rerum fuit dones, frugibus fertilis — omni rerum genere abundans. Quando uero DEI obliui in uitia, prouocabant — iam non terra optima, sed infelicitissima, inculta, sterilis dicitur. Sed cum sollicite distinguit Munsterus statum terrae sanctae, tempore Iacobi I. Israelitarum in eam, ab alio, sub Regibus; plane diuersam a Serueto sententiam fouere uidetur, quae extendit: terram hanc, ob peccata populi, eam inhabitantis, omni fertilitate fuisse priuatam. Postmodum uero, expulsi Israelitis, rursus pristina solo bonitas reddita. Haec enim docent uerba Munsteri, in Appendicis Geographicae Capite, de terra sancta, legenda, ubi dicit, esse eam uariarum opum diuitem, frugibus fertilem, hinc, si coniecturis niti fas est, forte ex eod. 1521, excusa, et supra §. 8. recepit, uerba ista sunt desumpta: quae uero iam destituitur.



cent, indicem omnium locorum in Ptolemaeo. occurrentium, et brevem modum, regionum, Ciuitatum, aut quorumcunque locorum distantiam Arithmetice dimetiendi, qui unam saltem continet plagulam, alios habere auctores. Quod ad tabulas attinet, eae numero L. minus eleganter ligno sunt incisae, et splendori textus minime conueniunt; supra iam istas recensui §. 6. Quod si DEVS uitam et uires Pirckheymeri diutius conseruasset, illi animus fuisset, hanc uersionem emendandi; quod uero opus, interueniente ipsius obitu imperfectum cum reliquisse, docet Erasmus, in Praef. ad Edit. Geogr. Ptolemaei Graecam de Anno 1533.

§. 10.

Ad aliam nunc uenio editionem, quae nitore chartae pariter ac typorum, ut et raritate, se commendat. MICHAELIS SERUETI, a patria VILLANOVANI dicti, opera et labore ea fuit in lucem publicam edita; im-
 pressaque Lugduni in officina Melchioris et Casparis Trechsel, fratrum, in fol. MMXXXV. Illam ab aliis editionibus multum discrepare, et fidelius exactam esse, quam ut typographi officinae id imputari possit, putat MERCATOR, in Praef. ad Edit. Graeco-Latinam de Anno 1605. coniciens praeterea, a diuersi generis Exemplari Graeco ad Latinos eam esse traductam, MYNSTERVS quoque in dedicatione praemissa editioni Basi. de Anno 1540. in fol. laudat non poenitendas uigilias, quas Villanovanus collocauit in Ptolemaeum, emendando corrupta, explicando retrusa, et Scholiis illustrando obscuriora. Copiosius describendae huius editionis otium mihi fecit HENR. ab ALLWOERDEN, in peculiari Diff. quam de Historia Michaelis Serueti Helmstadii 1727. sub manu-
 ductione Theologi celeberrimi, IO. LAUR. MOSHEMI conscripsit, et publice defendit, qui a pag. 176 — 186. fufe eam recenset. Hoc saltem moneo, errasse clariss. auctorem, §. 2. p. 181. putantem, Annes quinquaginta tabulas ueterem continere Geographiam; siquidem saltem XXVII. earum antiquam, reliquae autem recentiorum locorum denominationem et situm indicant. Haec ipsa editio, ex secunda Villanovani recognitione, Viennae in Gallia, ex officina fratrum Trechselorum, sumitibus Hugonis a Porta, Bibliopolae Lugdunensis MDXLI. in fol. prodiit, quam non uidisse conicio ALLWOERDIUM, utpote ab eo non allegatam, Descriptum dedit illius titulum Cel. DOPPELMAYERVS l. c. p. 43. not. k. cum quo conf. FABRICII Bibl. Graec. L. III. C. XXIII. p. 584. Dedicata est PETRO PALMERIO, Archiepiscopo et Comiti Viennensi, Anno 1541. prid. Cal.

Mart. Et in hac editione quam emendatissime excudenda, Villanovanus haud parum adhibuit diligentiae, Bibliopola sumptuum; id quod ille exemplis quibusdam in Allocutione ad lectorem docet. Conuenit ea, paucissimis exceptis, cum Praef. edit. priori praemissa, quam Allwoerd. J. p. 177. seq. Diss. cit. inseruit. In margine textus leguntur recentiora locorum nomina antiquis adscripta. Tabulae quoque per omnia cum priori editione conueniunt; nisi quod ordo interdum immutatus, et in tergo nonnullarum, quae recentiore consistunt Geographiam, ac terrae sanctae descriptionem desint, explicationes Villanouani, quibus uaria contra Christianam fidem dicta continebantur; adeoque omni iure in titulo statim uocatur haec editio castigata. Falso eam Viennae Austriae tribuunt auctores Nouorum litt. Lips. in addit. supra. cit. Rarioribus libris accensendam esse utramque, docet Michael de la Roche, in Bibl. Anglic. T. II. P. I. p. 91. seq. Contra Cl. Allwoerdium Diss. suae §. 17. monendum, iam Anno 1541. Seruetum Viennae fuisse commoratum.

§. II.

Alia hanc excepit, MD XL. mense Martio Coloniae a Iohanne Rurmundano, in forma octies complicata, excusa. Nunquam, ceu bene monet titulus, uisa fuit editio commoditate simili. IOANNES NOVIOMAGVS eam procurauit. Postquam enim hic uir doctissimus, cuius merita exponit SWERTIUS in *Athenis Batavis*, uiderat, auctorem nostrum ualde fuisse corruptum ac deprauatum, ex textu Graeco emendare eum studuerat. Sed sentiebat, non maiorem se habiturum laborem, si ab integro transferret, quam in castigando et emendando. Igitur ab integro auctorem uertebat, dictionibus Graecis ad latini loquendi consuetudinem accommodatis: reliquit tamen Graeca nomina e regione latinorum, ut cuique suum maneret iudicium, proposita utriusque linguae Scriptura. Varia loca libri octauo non fuit ausus mutare, reclamantibus omnibus exemplaribus; sperans, exorturum aliquando, qui eum nudum, manente auctoris sententia, dissoluere. Tabulae nullae huic libro sunt subiunctae, ne scil. augeretur pretium Librario soluendum. GERARDVS MERCATOR in Praef. cit. ad Edit. Graeco-Lat. de Anno 1605. hanc editionem uocat *plus satis mendosam*, quoniam saepissime in numeris differt; sed causam discrepantiae ipse Io. Nouiomagus indicat, qui ex diuerso Exemplari desumpsit textum Graecum. Rarius haec editio com-



comparet, et quidem fortasse ob commoditatem formae. Extat tamen unum illius exemplar in *Bibl. Norimbergensi*, alterum in *Bibl. Celeb. SCHWARZII*.

§. 12.

Eodem quoque anno *Basilae*, ex officina *Henrici Petri*, hic auctor, in *sepio* prodit. Curam edendi illius in se suscepit *SIPASTIANVS MUNSTERVS*, Prof. *Basil.* qui et *Reu. DN. PHILIPPO A GVNDELSHEIM*, *Episcopo Basil.* eum dedicauit. Praeter alia, *Historiam uersionis latinae et tabularum spectantia*, fatetur in ea *Munsterus*, se in edendo hoc libro usum esse, uersione *Pirckhymeri*, et *Villanouani*, et primum librum commentario illustrasse, magna ex parte desumptum ex *Wernero*. i) Et paulo post: quid praestiterimus in ipso *Ptolemaico* textu, conferentes illum cum *Graeco* exemplari, et *Vlmenfi* editione, aliorum esto iudicium. Praemissus est textui *Index omnium locorum Alphabeticus*. In ipso autem textu, cuius *Capiti Libri I.* subiunctae sunt nonnullae *Munsteri* annotationes; reliquis *Libris* additae explicationes ex *Plinio*, *Strabone*, aliisque auctoribus, inter se collatis, desumptae, aut nomina locorum hodierna, diuerso caractere, a textu auctoris facile discernendo, adscripta. *Tabulae 50.* ligno incisae textum excipiunt; quas sequitur *appendix Geographica* *Sebast. Münsteri*; in ea tres orbis partes, iuxta modernum rerum statum, describuntur, ita tamen, ut non pauca ex *Serueti* editione desumantur, uti ex p. 188. a collata cum *Verbis* *Serueti*, *tabulae* terram sanctam repraesentantis tergo inscriptis, concludere quibus potest. Cum hac editione per omnia conueniunt aliae duae editiones, diuersum annum in frontispicio ostendentes; nempe 1541. 1542. quarum utraque ne in minimis quidem a priori differt. k) Mea igitur sententia *Munsterus*, qui post tot alias editiones, magnum exemplarium numerum imprimi curauit, aut singulis annis titulum et annum impressionis mutauit, exemplaribus istis non statim diuenditis; aut singulis annis integrum librum recudi fecit, quod omnia superat fidem. Non enim tanta in omnibus potuisset seruari characterum aequalitas, qualis tamen in unaquaque editioneprehenditur.

§. 13. Quae

i) S. R. HAVBERVS, in *Historia Tabularum Ducatus Suenici*, p. 3. not. b. conuicit *Munsterum* multa ex *Stoeffleri* *Misto* fuisse mutuatum.

k) 1541. quoque *Basilae*, ex eadem officina, omnia *Ptolemaei* opera, praeter *Geographiam*, prodierunt.



§. 13.

Quae anno MD XLV. ex ead. officina prodiiit Editio, plane prouiter recusa est habenda; siquidem in omnibus fere paginis diuersi a prioribus comparent typi, et Dedicatio, quibusdam mutatis, non ad Episcopum Basileensem, sed ad uniuersos Astronomiae atque coelestis Philosophiae ingeniosos scrutatores est directa; detecto sub finem illius Ptolemaei errore, in indicandis motuum coelestium radicibus. Tandem quatuor nouae tabulae additae (sic uerba tituli habent) *quae haecenus apud nullam Ptolemaicam impressuram uisae sunt*, Nihil plane in textu, nihil in annotationibus mutatum; sed omnia ad uerbum rursus expressa, quae in prioribus habebantur editionibus.

§. 14.

Nullus dubito, quin etiam omnia huius editionis exemplaria a Geographiae studiosis au'de fuerint coëmta: siquidem rursus ab eodem typographo MD LII. prelo fuit noster Prol. mandatus. Possidet tale Exemplar PERILL. DN. EBNERVS; in quo praeter textum, uariis Scholiis illustratum et tabulas, ac Elenchum Alphabeticum. adest alius index, itidem Alphabeticus, locorum, quae in tabulis occurrunt. Vterque index plagulas 41. occupat; et postremo praemissa *Comadi Lyceftbenis Rubeaquesis* praefatio, in qua de utilitate tabularum Geographicarum ag't, modumque ostendit, loca in iis inueniendi. In limine statim habetur *Privilegium Henrici IV. Galliarum Regis*, in quo Henrico Petri potestas conceditur, per sex annos hunc librum imprimendi, uendendique. Saepius Editiones Basileenses occurrunt; adeoque non tam raritate, quam potius utilitate se commendant: imprimis editio, modo a nobis recensita. In Exemplari hoc allegato B. FABRICIVS Bibl. Graec. L. IV. p. 413. errorem commisit, dicens, in forma 12. id expressum esse; cum tamen in folio excusum proferet.

§. 15.

Sequenti statim anno *Ingolstadtii*, primus saltem Liber Geographiae Ptolemaei, typis fuit exscriptus. PETRVS enim ATIANVS, *Leisnicensis*, cuius uitam Exc. SCHWARZIVS, singulari *Programmate* descripsit, ex quo forte Parnasso Boico T. II. p. 128. seq. inserta Germanice, *Introductioni suae in Geographiam Ingolstadtii*, 1553 excusae, illos adiecit libros, quos supra §. 7. *Norimbergae* MD XLV. excusos esse, ex DOPPELMAYERRI libro cit. docui,

docui, antea quoque *Ingeſtadii* M. D. XXXII. impreſſos. Cum uero hucusque nondum mihi obtigerit, unam earum oculis uſurpare, hinc ſcilicet illas indicare ſufficiat.

S. 16.

Post tot Germanorum in Ptolemaeum labores, Italus rursus cepit, de eo bene mereri; IOSEPHVS scilicet MOLETIVS, qui, postquam PIRCKHEIMERI Verſionem ex diuerſis inter ſe collatis Graecis Codicibus emendasset, et nominibus locorum antiquis recentiora adpoſuiſſet, eum Venetiis MDLXII. in 4. apud Valgrisios recudi curauit. Praemiſit Dedicatorem ad Cardinalem Aloyſium Cornelium, ex qua ea huc adſcribam, quae ad Historiam libri faciunt: *Præter Tabulas XXVII. antiquas (ait Moletius) quae Ptolemaei terram cognitam continent, XXVII. nouae, non a nobis, ſed ab alijs, efformatae, et erectae, typisque aeneis impreſſae: hae quidem terram totam, noſtra aetate cognitam, continent. In harum terga nos ea breuitate, qua potuimus, res peritiles atque neceſſarias Historicae cognitioni, adſcripſimus. Conſecimus deinde, aſſiduis uigilijs indicem copioſiſſimum; quod uix in Ptolemaeo inuenire liceat uerbum, quin non reperiatur in eo. Haec Moletius: qui et in primum ac ſeptimum librum ampliffimam addidit Commentaria, quibus omnia, quae ad Geographiam attinent, et quae praetermiſſa ſunt, a Ptolemaeo, illuſtrantur. Hanc ſine dubio indigitat editionem DAVMVS ad HEKELIVM ſuum ſcribens: *Eſſe, ſi poies, ut Ptolemaeum Latinum, editionis Moletio Valgrisiſſimae Venetae, a Barbio, Boſio, et Mullero Mathematico Liſiſſimum ingeni, ſaepiſſime laudatum — nancſcat. Conf. Epistoſas DAVMAI ad HEKELIVM a b. GLEICHIO Torgae 1697. iii 8. editas p. 19. Praeter exemplum, in Catal. Bibl. Perizonianae p. 141. occurrens, aliud quoque poſſidet celeb. GODOF. THOMASIVS.**

S. 17.

GERARDVS MERCATOR, meriti in ſtudio Geographico clariffimus, non certius ſamam ſui perennitatem fore ſperabat, quam ſi Ptolemaei Geographiam, curis ſuis emendatam, rursus in manus traderet eruditorum. Hinc Coloniae Agrippinae MDLXXXIV. in folio, typis Godofredi Kempſis, euulgauit iſtum librum, cum adiectis tabulis, ad Ptolemaei mentem reſtitutis. In Epistoſa dedicatoria, quam ARNOLDVS MYLVS, *Vymmerſheimerſis*, ad ABRAHAMVM ORTELIVM ſcripſit, inter alia legitur; quod, cum Anno MDLXXVIII. GERARDVS MERCATOR Tabulas ſecundum Ptolemaei mentem ediderit, nunc etiam, multorum ſatisfacturus deſiderio, textum

ipsum Ptolemaeum, at quidem ex uersione Pirckhijmeri, quam veterum Graecorum Exemplarium collatione Michael Vissanduanus postea recognouit, in lucem publicam emisit; ita tamen, ut uersionis Moletii nonnunquam etiam rationem habuerit, et nunquam ab eo recesserit, nisi ubi contra ordinem, a Ptolemaeo L. II. C. I. praescriptum, esse animaduertit, aut uiderit, quod contra uerum situm aliquid sit peccatum. Retinuit tamen quantitatem horarum et dierum, qua Ptolemaeus secundum Meridianum Alexandrinum est usus, et nomina urbium recentiora ueteribus adscripsit, Moletii autem Commentarios omisit; Quem Mercatoris laborem Mylius deinde in quibusdam locis emendauit. Tabulae saltem XXVII. toties allegatae huic editioni deprehenduntur adiectae, omnis reliquis, a recentioribus auctoribus delineatis. Exstat tale Exemplar in Bibliotheca publica Academiae Altorfinae.

Alias binas editiones, Basileae circa idem tempus, nempe MDLXXXII. et MDLXXXIV. extitas, commemorat LIPSENIUS, in *Bibliotheca Philos.* T. I p. 573. sed cum saepius exscripserit LIPSENIUS Catalogos Librorum, non omni fide maior es, hinc alii dispiciant, in quantum illi fidendum. Multo maiori certitudine affirmare possum, nostrum auctorem Venetiis M D XCVI. in 4to apud Haeredes Simonis Galignani de *Carra*, et sequenti statim Coloniae Agrippinae, a Petro Kischedi in eadem forma fuisse excusum. Cum autem utraque editio fere pro una sit habenda, et in eo saltem a se inuicem differat, ut illa, quasi pro Autographo habenda, multis scateat mendis typographicis, haec autem ex illa desumpta, simulque omnibus mendis sit purgata; hinc utriusque memoranda simul breuiter indicabo, magis tamen ratione habita Coloniaensis, tanquam correctioris. Praemissa est huic Epistola dedicatoria nomine Petri Kischedi concepta, ad Io. GYLL. Iuliae, Cuius et Montium Ducem. In ea fatetur Typographus, quod editionem Venetam, biennio abhinc uno plus minus in lucem emissam, secutus sit; quum uero ab innumeris, quibus sordebat mendis, purgauerit. Inuident enim animaduersione peragere esse sortita; in multis ipsum uerborum sensum, uel uerba omisione, uel fastidiosa nonnullarum dictionum inuersione esse obscurata, ac ne iudicem geremus, (excusatorum scilicet) quem typographus, resupinus suo labori excusando, libro inseruit, omnibus mendis emendandis sufficere. Sequitur hanc dedicationem Praefatio I. ANT. MAGINI, in qua pluribus exponit, de labore in emendando Ptolemaeo a se praef-

praestito, et suasu *Africanus Sforziae* Cardinalis, suscepto. Absoluitur integer liber duabus partibus; quarum prior textum continet Ptolemaei; eius primus liber *MAGINVS* amplissima illustravit Commentario, reliquis perbreues explicationes, ex Moletio, Villanouano et aliis desumptas, inseruit, quae maioribus characteribus a textu Ptolemaei discernuntur. Altera pars praeter antiquas tabulas, quas *MAGINVS* falso tribuit ipsi Ptolemaeo, complectitur nouas XXXV. a Hieronymo Porro Patavino in aëre incisas, quae uniuersae terrae, Seculo XVI, cognitae, faciem exhibent. Singulae tabulae amplissimis obseruationibus, imo iusto Commentario illustrantur, 74 continente phylas: in quo urbes, aliaeque loca, quorum in tabulis sit mentio, describuntur, quoad uerum situm, et cuiusuis loci memoranda. Index omnium locorum in hoc Commentario explicatorum, uniuersum opus finit. Ex iis, quae hucusque dicta sunt, patet, editionem Coionensem usui Geographiae Studioforum quam maxime inseruire, adeoque, cum rarius inueniatur, magni quoque esse aestimandam. Vnicum adhuc silentio praeterire nolo; subscriptionem scilicet in caele libri legendam, quae docet *ANNHEMVS* apud *Iohannem Lassonium, Bibliopolam* MDXCVII. librum hunc potuisse haberi. Aut igitur *Keshbede* communibus *Ioh. Lassonii* sumtibus librum impressit; aut *Lassonius* alteram illius partem suis sumtibus recudi fecit, *Petro Keshbede* sumtus ad recudendam primam partem suppeditante.

§. 19.

Vnica adhuc superest commemoranda editio nostri auctoris, quae Romae MDXC. prodit cum tabulis partim aëneis, partim ligneis. Mentionem illius facit *EDWARDVS BERNARDVS*, in Catalogo scriptorum ueterum Mathematicorum quae reperiri potuerunt, Voluminibus XIV. digerendorum: quem *B. FABRICIVS* inseruit *Bibliothecae Graecae* L. III. C. XXIII. p. 564. inprimis autem huc spectat p. 584. Sed uereor, ne in exprimendo anno error fuerit commissus: Nemo enim, praeter Bernardum, hucusque eam allegauit, editionem; neque etiam Seculo XVI. mortis erat tabulas unius Libri, partim aeri incidere, partim ligno insculpere. Cum autem 1490. Romae prodierit Ptolemaeus noster, uti supra C. VI. §. 10. docui, illiusque editionis tabulae tam eleganter ligno insculptae, ut proxime ad aeri incisae accedant; hinc puto loco Anni, 1590. esse scribendum 1490. reliqua autem uerba cum restrictione quadam, et modo antea dicto, interpretanda.

CAPVT VIII. DE EDITIONIBVS LATINIS SECVLO XVII. EXCVSIS.

§. 1.

IN hoc Capite a me proferenda, quamuis sint perbreuia, et fœcilè proxime antecedenti potuissent subiungi; nolui tamen ordinem transferendi naturalem, quem semel animo proposueram, interrumpere, aut mutare: inprimis cum hucusque sperassem, plures Latinas editiones Sæculo XVII. typis exscriptas, inuestigare. Sed decollata est omnis spes; et vix binæ earum extant, de quibus nihil præter titulum et annum, certè asserre possum.

§. 2.

Causa autem, quare Sæculo XVII. neglectus fuerit Ptolemæus, mihi uidetur non una fuisse. Etenim uariæ, quæ Sæculis antecedentibus prodierant editiones, in manibus adhuc uersabantur eruditiorum; deinde et maxima pars eruditorum non amplius delectabatur uersionibus, sed ipsum textum Græcū legere cupiebat; qui iterata uice, uti supra Cap. III. docui, et quidem ex MSs. emendatus, ineunte hoc sæculo prodiiit. Denique et hoc non prætereundum uidetur, quod Sæculo XVII. uiri eruditi operam suam magis impenderint emendando Straboni, aut aliis Scriptoribus antiquæ Geographiæ, quam Ptolemæo.

§. 3.

Interim tamen non negari posse consilio, Ptolemæi Geographiæ Latinam uersionem, etiam hoc sæculo, typis fuisse uulgatam; nisi Catalogo Bibliothecæ Orellianæ Lugd. Bat. 1692. excusis; omnem fidem uelimus denegare. Sic enim legitur in eius Catalogo P. II. p. 118. n. 8. ubi libri quarti ordinis enumerantur: Io. Anton. Magini Geographia uetus et noua, Arnhemii 1677. et noui, 9. eadem Bonon. 1609. Quamuis hic non expressa occurrat mentio nominis Ptolemæi, nullus tamen dubito, quin eius liber hic intelligatur. Notum enim est, ex supra dictis, quod Maginus amplum satis Commentarium in Ptol. Geographiam conscripserit, eique etiam addiderit Tabulas, cum necessariis Explicationibus, Geographiam recentiorum spectantibus. Notum quoque, Magini laborem 1597.

-AD

-I

Ann-

Arnhemii in 4to fuisse ad Exemplar Venetum recusum. Quid igitur impedit, quo minus asseram, eodem in loco, et forte ab eodem Typographo, iteratam editionem fuisse euulgatam, distractis prioris editionis Exemplaribus. Quod autem concernit Editionem *Bononiensem*, facile mihi persuaderi patiar, *Magnum*, natione Italum, qui Mathefin in Archi-Gymnasio Patauino docuit, opus suum in Ptolemaei Geographiam, typis Bononiensibus recudi curasse: cum auctoribus liberum sit, opera sua, secunda cura emendata, in aliis locis rursus prælo mandare. Ceterum lectori meam coniecturam inuito non obtrudo; sed potius Bibliophilis eam examinandam et corrigendam relinquo.

CAPVT IX.

DE ALIIS GEOGRAPHIAE PTOLEMAEI
VERSIONIBVS, ITALICA, GALLICA, LVSITANICA,
ET FORTE ETIAM GERMANICA.

§. 1.

Recenfitis huius Libri editionibus Latinis, reliquum est, ut eas commemorem, quae in aliis linguis fuerunt euulgatae. Inter uero has primo occurrit uersio Italica, quae a variis uario tempore fuit suscepta. Earum antiquissima putatur, cuius mentionem facit b. FABRICIUS Bibl. Graec. L. IV. C. XIV. p. 413. dicens: *italice translatum esse hunc librum per Andream Matthiolum, cum additamentis, et Sebastiani Munstero, et tabulis Geographicis, curante Luc. Castaldo, et Veker. 1548. 8. prodidisse.* Notum quidem est nomen Matthioli, inter Medicos celeberrimum; ac, de meritis eius in Geographiam omnes hucusque tacuere, qui uitam eius dedere. Hinc merito in honorem eiusdem, deficientibus aliis subsidiis, notitiae libri inseruientibus, dabo titulum, ex exemplari Viennensi breuiter descriptum; quo saltem aliqua ex parte de ipso libro, et operi Matthioli inuertendo praestita, possit iudicari. *La Geografia di CLAUDIO PTOLOMAEO All'ssandrino, con alcuni commenti et aggiunte fatte da Sebastiano Munstero-Alamanno: con le tavole non solamente antiche et moderne solite di stamparsi, ma altre nuove aggiunte di Messer Iacopo Gualtadio, Piemontese Cosmografo: ridotta in volgare Italiano da M. Pietro Andrea Mattiolo Senese: Medico Excellentissimo. Con l'aggiunta d'infiniti nomi moderni, di Città.*

Provincie, Castelli, et alii loci; facta con grandissima diligenza, da esso
 Messer Jacopo Gastaldo, il che in nessun altro Ptolomeo si ritrova opera veramente
 non meno utile, che necessaria. In Venetia, per Giovanni Baptista Pedrezano 1548
 privilegio dell' Illustriss. Senato Veneto per anni X. M D XLVIII. in Octavo. Quod si
 Aproposito fides adhibenda, idem liber 1555. Venetiis ex eadem proditi
 officina vid. *Bibl. Aprofiana ex Vers. S. R. Wolffi* p. 232. ubi prænomen
 Andreae mutatum est in Aretini; sed uidetur ipse S. R. Wolfius
 in nota subiecta aliquantisper de Veritate huius affecti dubitasse. In
 alleganda Editione de Anno 1548. b. FABRICIUS errasse mihi videtur
 cum ED. BERNARDO, siquidem in *Bibl. Graec. L. III. C. XXIII. p. 584.*
 Versionem Ital. *Castaldi* tanquam 1584. impressam adducit; ubi facilem
 permutationem binorum numerorum 4. et 8. quivis subolet.

§. 2. Post MATTHIOLI et CASTALDI labores HIER. RVSCELLI uertendo Pto-
 lemaeo operam suam impendit, quam uersionem MDLXI. cum tabu-
 lis excusam habuit olim *Bibliotheca Hohendorfiana*, cujus uide *Catal. P. II.*
p. 53. Nescio tamen, utrum huic exemplari additi sint Moletii Com-
 mentarii, quas alteri editioni de Anno MDLXXIV. apud Iordanum Ziletti
 in 4to excusae additos esse uidi. Haec textum ex eadem Versione a
 IOHANNE MALOMBERA reuifum comprehendit, cum MOLZII Discursu, ipsius-
 que RVSCELLI expositionibus. Tabulis XXVII. antiquioribus additae
 sunt aliae XXXVIII., quas supra in Magini editionibus annotauimus.
 Diuersus quidem in edit. Veneta legitur annus in titulo, ac in calce libri;
 hic scilicet MDLXXIII. ibi autem MDLXXIV. Sed cum saepius id obti-
 gisse, in recensione Edit. Romanae de Anno MDVII. iam monuerim,
 hinc indicasse illud sufficiat; ne forte alii ex uno exemplari bina effi-
 ciant. IOSEPHVS tandem ROSACCIUS uersionem modo dictam
 RVSCELLI de nouo correxit et emendauit, ac Venetiis apud Haeredes
 Melchioris Siffae MDXCIX. in fol. imprimi fecit; quae editio, ab
 ea quam §. sequenti recensebo, non quoad characteres, at tamen
 quoad reliqua differt.



S. 3.

Tertius, qui uersionem Italicam nostri auctoris concinnauit, est LEONARDVS CERNOTVS, Canonicus Ecclesiae S. Saluatoris; qui eidem addidit Commentarium I. A. MAGINI. Exscriptus est typis uterque liber Venetus, sumtibus Iohannis Baptistae et Georgii, Galignanorum fratrum, in forma primi ordinis. Nihil in hac editione occurrit memoratu dignum, quod non Cap. VII. §. 18 iam sit, occasione operis Magini, descriptum. Id autem non praetermittendum, quod idem opus, forte a Cernoto reuifum, MDCXXI in fol. Paduae sumtibus Pauli et Francisci Galignanorum sit recufum; aut saltem, quantum ego conicio, libro novus praefixus titulus.

S. 4.

Non autem in linguam solum Italicam Ptolemaeus noster fuit translatus, sed et in Gallicam, quae tamen uersio nunquam fuit typis uulgata; Exemplar tamen illius in membrana scriptum habuisse olim ANTONIVM VERDIERIVM testatur FABRICIVS l. c. p. 413. Imo et in Linguam Lusitanicam PETRVS NVNEZ eius Librum I. transtulit, quod a nemine hucusque fuit observatum. Inueni huius Versionis Exemplum in Bibliotheca Guelpherbytana, lex quo titulum sequentem descripsi; Lectori cum Beneuolo interpretandum relinquens. Sic autem ille: *Gratazo da Sphera, coma Theorica da Sol et da Luna. Ebo primeiro Livro da Geographia de Cláudio Ptolomeo Alexandrino: tirados nonamente de Latin em lingua yem pello Doutor Perro Nunez, Cosmographo del Rey don Iohannõ ho terceiro desse nome, nosso Senhor. E atrecenrados de muitas annotaciones et figuras, per que may facilmente se podem entender. Item douz tratados, quo mesmo Doutor Fez Sobre a Carte de Marrear, em os quaes se declaratio todas as principaes duvidas da Navegacao: Con as tavoads de movimento da Sol, et sua Declinacao: eo Regimento da altuza assiso meydioia como nos outras tempos. Acabouse de emprenmir a presente o'ra na muito nobre et Real Cidade de Lixboa, per Germano Galardo, Empreimidor, Anno primeiro dia domez de Decembro de MDX XXVII. annos.* in fol. Quantum hariolando assequi possum, uersionem saltem Libri

Libri primi, et quidem ex Latino factam, hoc opus continet: tabulasque Navigationum et Hydrographicam, cum declinationibus solis. Non dubito, in Hispaniae quoque Regno Ptolemaeum fuisse excusum; sed distantia illius a nostra Germania impedit, quo minus libri exinde ad nostras terras aduehantur. Sufficiat igitur paucissima saltem nosse, reliqua autem aliis, tamquam Spicilegium, relinquere.

S. 5.

B. Fabricius quidem l. c. allegat *Stobnizae* et *Dryandri* labores, ex quo colligi posset, in Polonicam quoque linguam Ptolemaeum fuisse translatum. Sed, quantum ex titulo, a Fabricio allegato, perspicio; Introductiones potius, quam uersionem eos uo'uisse scribere puto. Quod si autem contrarium mihi eruditi Bibliophili probauerint, lubentissime in partes eorum ibo. Sic etiam non satis firmiter persuasus sum, in idioma *Germanicum* Ptol. Geographiam esse conuersam. Quamuis enim in Catalogo *Bibl. Psephorianae Brunsvigae* 1735. uenditae pag. 17. n. 503. inter libros primi ordinis occurrat *Ptolemaei Geographia Germanica*, s. anno et loco impressionis addito; tamen facile credo, praeter alia menda, quae irreperunt in eum Catalogum, etiam in indicando hoc libro errasse auctorem Catalogi, et forte Munsteri Cosmographiam pro Ptolemaei libro uenditasse. Num *Ptolemaeus Persicus*, cum figuris misio accurate notatis, qui inter MSSA *ABRAHAMAE HINCKELMANNI* n. 72. fuit uersionem Geographiae, aut alius Libri huius auctoris contineat, ii dispicient, ad quorum manus Codices isti perueniunt.



CAPVT X. DE COMMENTATORIBVS IN PTO- LEMAEI GEOGRAPHIAM.

§. 1.

Quamuis Ptolemaeus prae aliis Scriptoribus sit perspicuus, tradens facili methodo notitiam uniuersi orbis, aeuo suo cogniti; at tamen, aut uitio librariorum, aut Typographorum, plurima locorum nomina adeo fuerunt deprauata, ut uix ullum uerae denominationis uestigium appareat. Praeterea quoque ipsi Ptolemaeo, qui plurima ex aliorum relatione accepit, non semper uera, ceu nonnulli putant, fuerunt indicata. Nihil iam dicam, de Veritatibus ex Mathesi petitis, in primo libro occurrentibus; hae enim sunt iis perspicuae, qui Historica cognitione sunt contenti; quod si autem alii, demonstrationibus solidioribus assueti, ea legent, multa certe inuenient, quae sine ulla demonstratione haud admittere posse uidentur. Varii hinc eruditi certatim de illustrando Ptolemaeo laborarunt, quorum Commentarios, occasione uariarum editionum, ex parte recensui. Nunc autem placet, ordine Chronologico eos enumerare; quidque singuli praestiterint, aut meis, aut aliorum uerbis referre.

§. 2.

Omniū antiquissimus, qui Ptolemaei Geographiam explicuere, est NICOLAVS DONIS, *Monachus Ordinis D. Benedi*, florens sub finem seculi XV. Cum uero de eius meritis in Ptolemaeum supra C. IV. §. 6. seq. pluribus exposuerim, nolo ibi dicta repetere. Ad IOHANNEM REGIOMONTANVM potius progredior, Seculo XV. exeunte clarum, qui annotationes perbreues in Librum I. conscripsit; has diu post eius obitum, blattis et tineis ereptas, PIRCKHEIMERVS Argentorati 1525. euulgari curauit, uid. DOPPELMAYERVS l. c. p. 18. not. b. Interim, cum Io. WERNERVS, sub initium Seculi XVI. eas pro deperditis habuisset, ipse eidem Libro I. illustrando manum admouit, et satis amplum concinnauit Commentarium, ab Appiano et aliis approbatum, ac laudatum. BILIBALDVS tamen PIRCKHEIMERVS in eo multa sibi deprehendisse uisus est, quae calculum suum haud promeruerint. Adduxi illius uerba CAP. VII. § 7. Cum igitur



turtantus Vir, qui WERNERVUM fouit eique fauit, non adeo bene de illius labore sentiat, necesse est, cum quidem ob industriam non laude sua esse frustrandum, nimis tamen non extollendum.

§ 3.

Hunc exceptit, aut potius praeiit IOHANNES STOEFLERVS, Iustingensis, qui magno cum applausu Mathesin Tubingae Seculo XVI. in eunte docuit. Hic enim, uti S. R. HAVBERVS, in *Hist. Tabul. Geogr. Sueviae* p. 3. not. b. refert uerbis SCHIKARDI, reliquit *Commentaria in Geographiae Ptolemaei Libros II. priores usque ad Caput, de Magna Germania*: quae hodiernum in Bibl. Acad. Tubingensis extant, nunquam autem edita sunt; quamuis Schradinus ea edenda promiserit. Circa idem fere tempus IACOBVS ZIEGLERVS, Landauio-Banarus, uariis scriptis clarus, quae SIMLERVS et FRISIUS in *Continuat. Bibl. Gesneri* p. 388. recensent, conscripsit uaria annotata in *Geogr. Ptolemaei*, tempore Gesneri nondum euulgata. Conf. eiusd. *Partit. Vniuers.* L. XI. Tit. I. p. 110. b. quibus tamen GERH. MERCATOR usus fuisse censetur, cum in *Catalogo auctorum*, ex quibus Synonyma suae editioni inserta depromsit, IACOBI ZIEGLERI nomen legatur.

§. 4.

MICHAELIS SERVETI laborem, in illustrando Ptolemaeo adhibitum, in hunc numerum referendum esse, censeo: siquidem is Munstero in Praef. Anni 1540. explicuisse retrusa dicitur. Ipse etiam MUNSTERVS fatetur de labore a se praestito, quod pauca de suo adiecerit, quae ad intelligendum Ptolemaeum faciunt, reliqua autem ex Wernero et aliis desumserit, imprimis ex Stoefflero, uti HAVBERVS loco supra citato coniicit. Sic quoque RVSCCELLI, MOLETTI, MAGINI aliorumque opera non sunt contemnenda, plurimum ad intelligendum Ptolemaeum facientia: inno et eorum, qui nonnulla Ptolemaei loca et capita silem illustrarunt: quales RAINERVS REINECCIVS, in *Comment. de Saxonum origine. Hannov.* 1612. in 4. et CONRINGIVS ad *Libellum Taciti de moribus Germanorum H. Imst.* 1652. in 4. excus. cui Capita XI.—XIV. ex Libro II. Ptolemaei, de magna Germania, Rhaetia, Vindelicia et Norico addita et illustrata sunt. Nec minus ISAACVS VOSSIVS in *Not. ad Scylacis Periplum Amstelod.* 1639. 4to. editum, BOCHARTVS in *Geographia* S. SPANHEMIVS in *Historia* sua plura Ptolemaei loca emendauerunt, lucemque illis affuderunt.

§. 5. Prae-



S. 5.

Praeter autem hucusque recensitos auctores *Francisci Berlinghieri opus* mihi commemorandum venit: cuius antiquissimam editionem, omni indicio typographi, anqi et loci impressionis, destitutam MAITTAIRE T. I. *Annal. Typogr.* P. II. p. 757. allegat his uerbis: *Geographia di Francesco Berlinghieri, Fiorentino, in terza rima et lingua Toscana distinta, con le sue tavole, in uariis suis e pronuncie, seconda la Geographia et distinitione de le tavole di Ptolomeo: alla illustrissimo Federico, Duca di Urbino, impressa in Firenze, per Nicolo Tedesco, et emendato con summa diligenza dello autore, fol. Firenze.* Karissimis hanc editionem esse accensendam nemo dubitabit, qui saltem aliqualem librorum habet notitiam: partim, quoniam omni impressionis indicio est destituta, partim uero, quod in nullo librorum antiquorum, Seculo XV. impressorum Catalogo, quorum plures euolui, mentio illius occurrit. Plura proinde digna sunt in medium proferre, de hoc auctore, eiusque opere. Cum uero impressum Exemplar ad manus meas non peruenerit, B. L. suppeditabo descriptionem Codicis Manu exarati, eundem BERLINGHIERI laborem comprehendentis, quem EXCELLENTISSIMVS ET ILLVTRISSIMVS COMES PERTVSATTI possidet, et rarioribus Thesauri sui librarii, ab auctoribus *Memorabilium Viennensium, mens. Ian. p. 45.* laudati annumerat. Scriptus est iste in membrana formae regalis, constatque foliis CXXVIII, praeter XXVIII. tabulas Geogr.. Prima Codicis pagina exhibet Praefationem uersibus Italicis, per duas columnas, uti uocant, diuisis, conscriptam; quae sic incipit:

Gia l'auriga di Titano addorno
el sagittario urtava orientale,
di fiamme accesso charregrado el giorno etc.

Prima litera G, uariis coloribus picta, repraesentat Virum Iuvenem, super scamno in Museo sedentem, ueste talari rubea indutum, impostaque capiti mitra, pariter rubra. Ipse libro iacenti super pulpeto, quadrangulæ figurae imposito, quaedam manu quasi inscribit. Praeter hanc figuram aliae adhuc in eodem folio uidentur; quarum prima oblonga sibi uirum sedentem super sella, amictum nigra ueste, cui superinduta alia rubea, manicis destituta, et quoad limbos inferiores albicante pelle obducta. Assidet ille mensae, super qua Tabula Geographica, nonnihil reclinata, posita, in qua pingere uidetur.

K 2

figura,



figura, itidem oblonga, rursus exhibet Virum, simili modo uestitum, stantemque coram globo terraqueo, basi superimposito, quem altera quasi manu tangit. Ab hac non multum differt figura tertia, utpote quae uirum, eadem plane cum secundo ueste, amictum repraesentat. Inter utraque Praefationis spatia numus conspicitur aëreus, in quo imago iuuenis, facie ad sinistram conuersa, crinibus capitis bene pexis. Ramus arboris numo est adiectus, uariis refertus floribus: cum Epigraphe literis Gothicis consignata: *LE TEMS REVIENT*: infra autem numum scutum est collocatum, Regis Galliarum exhibens insignia, et paulo inferius alius minoris moduli numus, repraesentans imaginem iuuenis, facie pariter ad sinistram conuersa, adiacente ramo, eadem cum superiore inscriptione insignito. Exterior margo ostendit binos Viros, talaribus indutos Vestibus rubris, qui arbori ad radices montis collocatae adsident, inuicem quasi fermocinantes; e longinquo uero apparet urbs satis ampla. Paulo inferius duo viri sedentes conspiciuntur; quorum unius in altum prospicientis caput mitra tegitur, minio tincta, dextra fronti admota, ad solis radios quasi auertendos, et aciem oculorum augendam. In nubibus sedet senex, uestitu uiridi, cuius collare rubeo colore tinctum, crinibus fuscis, quos tegit coerulea mitra, quoad oras candido colore obducta. Gestat hic in manibus librum apertum, virosque inferius sedentes intuetur. In infima huius marginis parte tres modo descripti Viri simul super nubibus sedentes conspiciuntur, sene medium locum occupante. Notandum insuper scutum in cuspidem desinens, orbique eundem inclusum, in inferiore margine conspiciuo; ad cuius latera bina sunt collocata, sic dicta, Cornua Copiae. In uarias id esse areolas distinctum, colorum uestigia produunt; quarum tamen figurae haud amplius dignosci possunt, praeter quaedam lilia, in una scuti areola. Haec insignia fidem mihi faciunt, esse hoc ipsum Autographum, a BERLINGHIERIO ipsi *Verbinatium Duci* oblatam.

§. 6.

Praefationem sequitur textus, in cuius scriptura adhibitum atramentum, intermixtis uocibus principalioribus, inprimis titulis librorum et capitum, coeruleo et rubeo colore tinctis. Quantum ex indice omnium librorum et capitum, ibidem descripto conicere licet, Berlinghierus non in omnibus Ptolemaei uestigia sequitur; sed uaria potius inspergit Capita, quorum pertractationem Geographiae studiosis utilem esse putauit. Notatu dignum est, quod, cum integer textus

Car-



Carmine Etrusco sit conscriptus, in cuiusvis tamen Libri initio haec formula latina compareat, *feliciter incipit*, uti in fine alia, *explicit feliciter*. Tabulae XXVIII, textui sunt subiectae, in membrana elegantissime variis coloribus pictae; sic maria indicat color coeruleus et ruber, montes fuscus, locorum nomina rubeus, coeruleus, aut ater. Egregium uoco hunc codicem, et non parui aestimandum, cum praeter unicam editionem, supra adductam, nunquam impressum hunc librum commemorari uideam, quamuis saepius eum typis exscriptum esse coniciam. Dedit uitam BERLINGHIERII nostri, R. P. IULIUS NEGRI in *Istoria degli Scrittori Fiorentini* p. 185. Vixit BERLINGHIERIVS circa annum MCCCC LXXX. sub Pontificatu SIXTI IV. et ab ore pendit MARSILII FICINI, qui in *Epistola ad MARTINVM VRANIVM*, *Libro II Epistolarum* MARSILII FICINI inserta, eum inter *selektos numeravit discipulos*. Poëseos et Geographiae studio quam maxime se dedit. Quantos autem in utroque fecerit progressus hoc opus testatur, elegantissimo Carmine Etrusco conscriptum; in quo non solum imitatus est Ptolemaeum, sed et multis in locis illustrauit. Vid. GESNERI *Partit. Vniuers.* L. XI. Tit. I. pag. 109. b.

§. 7.

Nescio, an hac quoque referendus sit, labor PAVLI DECANALIS: Is enim, uti ex PIERIO de *Infelicitate litteratorum* p. 49. refert ALMELO-
VENIVS in *Bibliotheca promissa et latente* p. 16. multa congeffit in Ptolemaei Geographiam, quae, sanguinis sputo, ex nimis uigiliis exorto, impeditus, absolvere nequiuit. Similiter Menso Altingius Ptolemaeum nostrum illustrare tentauit, quem laborem S. R. HAVBERVS in *Discursu de praesenti Geographiae statu*, §. 36. p. 162. post mortem RELANDI periisse putat. RVDOLPHVS a SALICIBVS Indicem in Ptolemaei Geographiam composuisse dicitur GESNERO in *Partit. Vniuers.* l. c. Sed cum haec aliaque opuscula uel plane imperfecta, uel a multis neglecta, iniuria temporum perierint, Moletii et Magini laboribus contenti simus, necesse est; donec Vir, sufficienti Matheseos et Graecae Linguae cognitione instructus, emendando et illustrando Ptolemaeo, infudet.





CAPVT XI.
DE INSIGNIORIBVS VARIATIONIBVS
TABVLARVM GEOGRAPHICARVM AD
PTOLEMAEI MENTEM DE-
LINEATARVM.

§. 1.

Non iam animus est mihi, ab origine repetere Historiam Tabularum Geographicarum Vniuersalem; siquidem id ex parte praestitit S. R. DN. HAVBERVS, in *Epitome Historiae Tabularum Geographicarum* Vlmae 1724. in 8. editae, cuius supplementa 1727. dedit, discursui, de praesenti Geographiae statu, subiuncta. Sed optandum, ut uel ipse DN. HAVBERVS, uel alius, secundum hanc Sciagraphiam, plenum et perfectum opus elaboraret. Nec etiam exscribam GESNERVM, qui in *Partitionibus Vniuersalibus*, L. XI. Tit. III. p. 111. nonnullas Veterum et recentiorum tabulas recenset; neque FABRICIVM, qui in *Bibliograph. Antiquar.* C. V. §. 9. p. 156. seq. pauca hac de re tradit. Sed, cum Tabulae, plerisque Geographiae Ptolemaei editionibus adiectae, testante ipso HAVBERO, in *Epitome cit.* p. 12. et 16. fundamentum sint omnium, quas hodie habemus, Tabularum Geographicarum; operae pretium esse duco, variationes insigniores, in illis obuias, paulo fusius recensere.

§. 2.

Repetere iam nolo, ea quae supra C. I. § 7. et C. IV. § 7. tradidi, tabulas scil. ab ipso Agathodaecone delineatas, nunquam fuisse editas, siquidem iis Graeca fuerunt inscripta locorum nomina. Superfunt quidem eae nisi in omnibus, tamen in plurimis, quos Cap. II. descripsi, Codicibus; et ipse Hamburgi earum uidi specimen, in Bibliotheca. b. FABRICII, in fragmento, ex Codice quodam MSto. Geographiae Ptolemaei, desumpto, et sorte Seculo XI. scripto, quod Italiam repraesentat; hocque indigitare puto laudatum FABRICIVM, *Bibliograph. Antiq.* C. V. §. 9. pag. 137. sed, quod dolendum, nemo hucusque iis, sine ulla uersione aut emendatione, euulgandis, operam suam impendit, cum tamen exinde accuratius, de Ptolemaei et Agathodaeconis laboribus inter se collatis, ferri posset iudicium

cium. Omnes enim, quae hodie habentur Tabulae, etiam antiquissimis Geographiae Ptolemaei exemplaribus impressis adiectae, NICOLVM DONIS auctorem habent: qui Graeca Nomina latine reddit, et forte multa ex sua mente correxit, aut adiecit.

§. 3.

Sed neque ipsae NICOLAI DONIS Tabulae in prioribus et antiquioribus editionibus semper conueniunt; id quod instituta earum docet collatio. Quae Romanae et Vlmensis editionibus comprehenduntur adiectae, eas plerumque in sequentibus sunt secutae: donec in *Venera* de Anno 1511, in *Lugdunenſi Villanouani*, et *Basilcenſibus Munſteri*, nonnullae fuerint correctae, inprimis quae Europam repraesentant. Loquor autem hic de Tabulis, antiquam Geographiam concernentibus; quas enim ESLERVS, MÜNSTERVS aliique nouiter adiecerunt, lubens praetermitto. Alias enim huc referendum esset *Deſcriptionis Ptolemaicae augmentum*, a CORNELIO WYTFLIET, *Louaniensi*, 1589. editum; similiter et HARTMANNI AB EPHINGEN *Cosmographia, dans manuductionem in Tabulas Ptolemaei*, f. L. et a. in 4. impressa; quae tamen omni studio omitto. GERARDVS MERCATOR *Coloniae* 1578. in fol. prodire iussit Tabulas XXVII. Geographicas, ad mentem Ptolemaei reſtitutas: quorum Exemplar uidi in Bibliotheca GODOFREDI THOMASII, Medici celeberrimi; sine tamen ullo addito Textu, quem sequenti demum anno, ut supra docui, excudi fecit. In Catalogo Librorum Petri Francii mentio fit editionis Tabularum Geograph. Ptolemaei *Franeckeræ* 1695. in fol. euulgatae; ipse quoque in Bibliotheca celeb. SCHWARZII, Patroni ac Praeceptoris pia mente colendi, uidi aliud earum exemplum, 1698. excusum, quod *Traiecti ad Rhenum Franciscus Halma, Guilselmus van de Water*; *Franeckeræ* autem *Leonardus Strick* rursus inprimi curarunt; quod idem forte cum exemplari Franciano, ita ut Index saltem, tabulis praemissus, diuersum exhibeat annum. Vtrumque autem conuenire uidetur cum iisdem tabulis, quae editioni *Graeco Latinae* de Anno 1605. erant subiunctae; ita tamen, ut prius erasae fuerint figurae, ornatus causa aditae, nouaeque adiectae. Ceterum memini me ante decem, aut plures annos audiuisse de exemplo harum Tabularum, ex eodem forte Archetypo rursus impressarum, addito copiosissimo indice locorum in tabulis occurrentium: quod autem inspicere et perluſtrare mihi non contigit.

CA-

CAPVT XII. DE EDITIONIBVS PROMISSIS GEOGRAPHIAE PTOLEMAEI.

§. 1.

Pauca adhuc restant, de editionibus, quas Viri eruditi euulgandas promiserunt, dicenda, quae breuibus absoluam. Inter eos occurrit omnium primus PETRVS APIANVS, qui in *Practica Anni MDXXXII* in honorem *Serenissimorum Principum WILHELM ET LUDOVICI, Comitum Palatinorum Rheni, Landsbuti MDXXXI. die 23. Nouemb. absoluta*, et impressa per *Georgium Apianum*, sub finem Libri II. promisit editionem Graeco-Latinum, suis curis in lucem publicam mittendam. Adscribam eius uerba: *Wiewohl ich auch viel andere Bücher unter den Händen habe, und in Druck verordne außs baldeste, als die Cosmographie Ptolemaei, in Griechischer Sprach, darneben die neue Translation, die der hochberühmte Bislinwaldus Wärfchheimer jetzt zum andern mahl transferirt, und nach ihm verlassen hat, mit einer neuen Art der Tafeln, so Johannes Rüngspurger gebessert hat, etc.* Imo, nisi me omnia fallunt, me legisse uel audiuisse recorder, ipsum Apianum Priuilegium Caesareum iam tunc impetrasse, qua eum librum imprimendi facultas illi fuit data. Sed nunquam editio haec lucem aspexit publicam; et forte etiam noua *Pirckheymer* uersio, si ea fuit ad finem perducta, cum morte *Apiani* interit. Ipse quoque *PIRCKHEYMERVS*, in Epistola Nuncupatoria, praefixa Libello, qui inscribitur, *Germaniae ex Scriptioribus antiquis peritiorum explicatio*, Norimb. 1530. in 8. impresso, sic scribit: *Nos Ptolemaei Librum primum, tam Graece quam Latine breui dabimus; inde et reliquos, adiunctis tabulis, si auiua concesserit bonitas, cum plerisque aliis, ad Geographiae cognitionem non minus necessariis, quam iucundis, etc.* Num autem haec, quae *Pirckheymerus* animo conceperat, ab eo fuerint exsequuta, ii dispiciant. qui pleniorum et magis accuratam scriptorum tanti Viri habent cognitionem. Ipse *Contr. Ritterhusius* in *Comment. de Vita Pirckheymeri*, praefixo eius operibus Francof. 1610. in fol. editis, p. 14. post recerita illius in *Ptolemaeum* merita, dicit *plura eum fuisse praefare para-*
tum



tum in hoc auctore, si DEVS Vitam ipsi concessisset longiorem: quo ipso, inchoatam a Pirckheymero Versionem non plene fuisse elaboratam, mihi videtur fateri.

§ 2.

ISAACVS VOSSIUS, magni GERHARDI IOHANNIS filius, in notis ad *Pomponium Melam* p. 72. 77. et alibi, promisit quoque emendatam huius libri editionem; quae tamen nunquam in lucem prodiit; neque etiam, ut arbitror, quicquam inter reliquias Bibliothecae Vossianae, fuit repertum, alias enim in lucem iam fuisset protractum, aut ab aliis Viris eruditis citatum. Sic quoque EDWARDVS BERNARDVS XIII. Volumini, *Corporis Scriptorum veterum Mathematicorum*, suis curis edendi in XIV. Voluminibus, inferere voluit *Geographiam Graecam Ptolemaei*: de qua re conf. b. FABRICII *Bibl. Graec.* L. III. C. 23. Idem FABRICIUS l. c. L. IV. C. XIV. p. 415. expectare iubet eruditos Graecam huius auctoris editionem, a V. C. IACOBO GRONOVIO; quorum omnium tamen labor intra conatus saltem perstitit. Quod si igitur quidam eruditus Ptolemaeum Ptolemaeo restitueret, et ope codicum MStorum, aut aliorum auctorum antiquorum emendaret, non solum ignorantiae et leuitatis maculam a Ptolemaeo abstergeret, sed et auctoris famam contra quosuis obtrectatores auget.

§ 3.

Colophonem huic opusculo imponerem; nisi adhuc restarent dicenda, quae eo tempore, quo operas typographorum libellus hic faciebat, aut ipsi mihi in mentem uenerunt, aut ab aliis Viris eruditis, quibus forte legendum eum obtuleram, fuerunt annotata. Inter autem haec primo loco ponam ad CAP. I. §. 2. referendam delineationem PTOLEMAEI; ope instrumenti cuiusdam optici, uti uidetur, uel ope Diōptra, ut alii putant, coelum contemplantis; quam REU. MABILLONIVS, ex Codice Monasterii Schrenkii, Seculo XIII. a Conrado Philosopho scripto, et picturis exornato, desumptam, *Itineri suo Germanico* inferi curauit, quamque etiam editioni eius *Hamburgi* 1717. cura b. I. A. FABRICII recusae, praefixam haberi uideo. Etsi enim laudatus modo MABILLONIVS p. 54. edit. cit. fidem Codicis testetur; uix tamen ullus sibi persuaderi patietur, Seculo iam secundo tubos opticos fuisse cognitos; utpote qui recentioris aetatis aevi fuere inuentum; multo potius CONRADVM, uel recentiorum adhuc Monachum, pro ratione uestium et instrumentorum sui aevi talem figuram, quae nihil praeter nomen adscriptum cum Ptolemaeo, ipso

L

com-

commune habuerit, pinxisse cenſeo. Ceterum uideatur de hac Leone, et inſtrumento optico, G. C. IOHANNIS in *Praefat.* itcratae, *Chronici Schreckſii*, a CONRADO PHILOSOPHO conſcripti, editioni *Argentorati* M D C C X V I. in 4. excuſae praemiſſa: quam beneuole, praeter alios optimae notae libros, mecum communicauit *Magnif. et Conſulſiſſ.* RINCKIUS, Vir eruditione et meritis celeberrimus.

§. 4.ⁱ

Deinde et hoc Cap. III. §. 4. p. 23. diſtis ſubiungendum uidetur, quod figura exhibita in membrana illa, quae Ptolemaei temporibus coaeua creditur, accurate conueniat, cum alia, quae margini Almageſti Ptolemaici latine editi Vener. M D X V. in fol. *Diſt.* V. Cap. V. p. 49. ſo. eſt adieſta; ut adeo coniectura h. SAVERTI ſupra allegata, et forte etiam aliorum ante eius tempora, non omni deſtituatur fundamento; dummodo minores literarum ductus non obſtarent. Tabula illa aenea, quae libelli huius Cap. II. §. 3. habetur adieſta, exhibet quidem PTOLEMAEI effigiem, ac reliquas figuras, ea, qua in Codice egregio Veneto pictae ſunt, proportionē: ſed ipſa Charta, cui figurae hae ſunt impreſſae, formam Codicis, non adaequat. quae longe ab iſta diſcrepans, formam, quam uulgo dicunt regalem. ſuperat. Ad Cap. VII. §. 2. monendum, editionis ibidem memoratae exemplar, manu ISAACI VOSSII in margine emendatum *Lugduni Batavorum* in *Bibliotheca academica* extare, teſtante *Catalogo* p. 200. Denique et hoc notandum, quod IACOBVS ANGELVS primus uerſionis latinae *Geogr. Prol.* auctor, et ANGELVS VADIVS qui Correctoris munere, in excudenda editione *Vicentina*, Cap. VI. §. 4. p. 42. memorata, functus fuit, pro diuerſis ſint habendi: ſiquidem diuerſo floruerunt tempore. Ceterum B. L. rogo, uelut *Sphalmata Typographica*, quae Correctoris induſtriam effugerunt, quaeque uerborum ſenſum interdum obſcurum reddunt, pro ſua humanitate emendare.



00652033

Digitized by Google

KONSERVIERT DURCH
ÖSTERREICHISCHE FLORENZHILFE
WIEN

